

T.W. Wm


P. Wm

per W. Bridges

March 1849

Lib. var. Vide nota in T. Rowl. Cat.
Videlicet. "Paucissima hujusce Libri
Exemplaria excusa fuerunt a D^{re} Nicholas."
D^r Nicholas was at that time Warden
of New College.

W. Bridges Wm, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 93, 94, 95, 96, 97, 98, 99, 100



Digitized by the Internet Archive
in 2011 with funding from
University of Toronto

<http://www.archive.org/details/historicadescrip00mart>


HISTORICA DESCRIPTIO

COMPLECTENS
VITAM, ac RES GESTAS
BEATISSIMI VIRI

Gulielmi Wicami

QUONDAM

VINTONIENSIS Episcopi, & ANGLIÆ
Cancellarii, & FUNDATORIS
duorum Collegiorum
OXONIÆ & VINTONIÆ.



O X O N I Æ,
E THEATRO SHELDONIANO, *An. Dom.* MDCXC.

A S I M O T E H

C 2 7 9 7 1 2 2 5 2

0 8 6 2 2 5



MAR 12 1960

21797

ORTUS ET VITA
GULIELMI de WVICHAM

O L I M

EPISCOPI WINTONIENSIS,
totius Angliæ Cancellarii
& Conditoris istius Collegii.

QUA capit *Australes Comitatu Hamptona Britannos*
Wichamia est Vicus, nec nisi parvus ager.

Vixit Johannes illic cognomine Longus,

Cui fuit in casti parte Sibylla thori.

Hanc habuit Patriam Gulielmus & hosce parentes

Wichamus, augurio nec tamen absque bono.

Namque loci ut nomen, sic vim Matrisque Patrisque

Haud dubie in vitam transtulit ille suam ;

Longus enim ut longo duraret tempore, caute

Et bene prospiceret cuncta, Sibylla dedit.

Ergo sub Edwardo natus regnante secundo

Tunc, ubi ter Sceptri Sexta cucurrit hyems.

1324.

Viginti primos Studiis & moribus annos

Wichamiæ (Patris cura ea summa) dedit.

Nec tamen hic omnes, nam partem temporis hujus

Venta & Edingdoni Præfulis Aula tulit.

Protinus Edwardi translatus tertii in Aulam

Non fieri nullo cœpit & esse loco.

1344.

Namque bis octo annis recte & sæliciter actis,

Rem fidei plenam consilique subit.

- Windefora fuit Pagus celeberrimus, illic
 Rex statuit Castrî mœnia magna sui.
1360. Wicamus huic operi præponitur : inde probatum est
 Ingenio quantum polluit, arte, fide.
 Ergo fit Edvardo charus, Custosque Sigilli
 Non ita post multos incipit esse dies.
 Nec tamen optati meta hæc fuit ultima honoris :
 Crevit adhuc Regi charior usque suo.
1366. Usque adeo ut Sexto sit factus Episcopus anno,
 Jussus Ventana Pascere in urbe gregem.
 Hic mihi vaniloqui minuenda est Fabula vulgi,
 Fabula de tanto non bene ficta Viro.
 Namque nec Estmœnam petiit Fallaciter unquam,
 Sed tulit auratum Rege sciente pedum.
 Nec fuit indoctus doctos factururus, ut illum
 Fama refert Regi verba dedisse suo.
 Consule quæ in tanti gessit molimine Regni,
 Prudentem dices Palladiumque virum.
 Consule quæ in Sacri scribuntur calce Statuti
 An faceret doctos addubitaſse scies.
 Adde quod Historici si pagina vera Frosarti est, —
 Rex intercessor, Præsul ut esset, erat.
 Miſſa igitur vulgi faciamus Verba prophani :
 Querat & exactam nostra Thalia fidem.
 Wicamus ad summos evectus Præsul honores,
 Edvardo inque dies charior, inque dies.
 Jam Patriæ lumen, jam Cancellarius idem
 Summus erat, Regi Præsidiumque suo.
1376. Tum subito (sic magna ruunt, Summisque negatum est
 Stare diu) ex tanto decidit ille gradu.
 Namque per invidiam Regni delatus, ab illo
 Pellitur, è Patria miſſus ut exul, humo.

*Hoc factum est, Regem potius stimulante Senatu,
Quam quod erat culpæ conscius ille malæ.*

*An tamen exierit Regno non convenit, & sunt
Qui pœnæ summam displicuisse putant.*

*Interea moritur Rex hic Edvardus, & ejus
Opportuna Nepos sceptrâ Richardus habet.*

*Hic jubet exilio revocetur Præsul ab isto;
Utque locum rursus, quem tulit ante, ferat.*

*Quinetiam sensus Cereales reddit, & annos
Tres minus, Exilii quod puto tempus erat.*

*His opibus dives, mentemque per omnia versans
Non male quo servet tam bene parta modo.*

*Sed quid agat virtute sua, quid Præsule dignum,
Quidve Deo, tantas cui referebat opes.*

*Post alia, Oxonii quod longum duret in ævum
Possit & à memori posteritate coli.*

1379.

*Constituunt pulchros Studiis Phœboque Penates
Atque Sacram Musis ædificare domum.*

*Septima crevit hyems post Fundamenta locata;
Ingreditur Custos & sua turba larem.*

1386.

*Turba (nec hic Pueros, Famulosque, decemque Sacristas
Insero) quæ capiat terque quaterque decem.*

*His dedit & Fundum curatoresque paravit
Otia discentum qui bene semper alant.*

*Magna quidem sunt hæc, tamen hæc tam magna placere,
Lector, adhuc tanto non potuere viro.*

*Namque opere exacto hoc, vix proxima fluxerat æstas
Quin parat alterius tecta locare domus.*

1387.

*Quæ prope Ventanæ bene cæpta Palatia Sedis
Crevit, & in sexto vere parata stetit.*

*Ergo illic totidem studiosos esse jubebat,
Quæis & Rectores pædonomosque dedit.*

1393.

Qui

*Qui simulac primos compleverunt fortiter annos
Musarum in studiis Rhetoricesque tropis,
Altius inque novas, ut ducta Colonia terras
Oxonii semper lecta juventus eunt.*

Hæc Duo Pieriis Collegia condita Mystis *inter gloriam
r. Lepidæ S.*
Sunt in tutela, Diva Maria, tua.

*Idcirco Nova dicta puto, quod nulla vetustas,
Nulla dies morfus tendet in illa suos.*

*Hic potuit credi finem statuisset struendi
Wicamus, & sumptus jam tenuisse suos.*

*Non tenuit: Divi nam quicquid in Aede Swithini
Nolari occiduam spectat ab arce plagam:*

*Concio qua Festis celebratur sacra diebus,
Quaque suo in tumulto conditus ipse jacet:
Totum hoc: tam vastam molem, tantasque columnas,
Impensis struxit restituitque suis.*

*Regis opus dicet propius qui spectat, & idem
Vix Regum tantas esse putabit opes.*

*Forsthan & Gallis (nam sic est fama) Monastis
Quos Rex è Regno jussit abire suo,*

*Reddidit æquali pretio quæcunque recepit
Parisiis Fundos Parisiisque lares.*

*Nec tamen hoc sumptu minor esse domestica cepit
Cura viro famulos pavit ut ante suos.*

*Pavit, & illius (testatur scripta Sepulchro
Littera) gustavit dives inopsque cibos.*

*Hinc ita viventi cum jam longæva senectus
Corporis effecti debilitasset onus,*

14.04. *Grata quies venit, vitæ non discolor actæ
Ultima curarum linea, grata quies.*

*Annus erat vitæ decies octavus, & illis
Henrici quarti Sceptra diebus erant.*

Jam

*Jam testamentum quæris si fecerit ullum?
Fecit: Sed fuerit quod daret ille? fuit.
Quid fuerit factis reliquum tot sumptibus: obe!
Inveniet nullam Pagina nostra fidem.
Et tamen hoc dicam, Regales vincere gazas
Quæ dedit in scriptis, ultima dona, suis
Extat opus Cræsumque putes scripsisse, vel illum
Cujus facta hæres Roma superba fuit.
Vel cujus digitis mutatum fertur in aurum
Quicquid in aurifluas contigit ire manus.
Nec tamen ignavos bona tanta reliquit in usus:
Successusque bonus, propositumque fuit.
Namque Diœcesin ditavit Templâ per omnem:
Multaque cognatis, pauperibusque dedit.
Multâ quoque & Regi, nec fidis pauca ministris,
Sed neque Gymnasiis munera pauca suis.
Hæc sunt ergo viri monumenta perennia tanti,
Cujus dum vixit gloria tanta fuit.
Nec dubito qui sic vixit, sic mortuus idem est,
Quin sit apud superos Nobilis umbra Deos.
Sitque precor: nam si cœlestis clauditur aula
Tot meritis, nobis illa patere potest?
Hactenus ire libet, Tu major laudibus istis
Suscipe conatus Wicame Dive meos.*

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY
1000 S. EAST ASIAN
CHICAGO, ILL. 60607



LIB. I. CAP. I.

De ortu atque sede natali GULIELMI WICKAMI; simul & illa vetus questio, ac multum controversa, de genuino ac gentili ejus Nomine, in gratiam Wickamensium Alumnorum fusius explicatur.



GULIELMUS WICKAM non tam illustri quam honesta stirpe, in Pago sui nominis Comitatus *Suthantonensis*, benigno numine natus est, anno instauratæ Salutis, MCCCXXIV. & anno regni Regis *Edwardi* II. XVIII. Parentes habuit *Iohannem* & *Sybillam*. Nam de Prænominibus eorum satis inter omnes constat, quodnam autem illi à patre proprium, & verum gentis, aut familiæ nomen fuerit, scriptores magna sunt in varietate ac dissensione constituti. Alii enim *Perottum*, alii *Wickamum*, alii *Longum* appellarunt. Ac certe sunt qui ut prænomen illi *Gulielmum* tribuunt, sic nomen *Perottum*, cognomen *Wickamum*, agnomen *Longum* adscribunt; primum à nuncupatoribus lustricis, secundum à patre, tertium à loco natali, quartum à proceritate inditum arbitrati, quasi non à stirpe & familia,

Ex archivis Collegii *Winton. Theo. Chanceler* in vita *Wickami*.

Tho. Vassens in vita ejusdem.

Ex libro *Statut. Novi Collegii Oxon.* in Rubr. ca. 45.

Jo. Lelandus.

Tho. Smithus.

Nic. Harpsifil.

Tho. Yalus.

Talbottus.

Harris præbendarius *Vindesfor.* & cum secutus *Iob.*

Stowus in *Annal. Angliæ*

Lelandus in
itinerario.

Thomas Smi-
tkus Miles in
commentariis
Vindeſoriæ.

Tho. Yale in
vitis Episco-
porum *Ang-*
liæ.

Catalogus
Cancellario-
rum *Angliæ*
Gallice ſcri-
ptus.

Nic. Harpiſ-
field in eccleſi-
aſtica hiſtoria
Anglorum.

familia, ſed à ſtatura & longitudine nomen *Longi* (quod vernacula lingua *Long* dicimus) fuiſſet aſſe-
cutus. Et *Iohannes* quidem *Lelandus*, vetuſtatis
indagator acutiſſimus, eum diſertis verbis *Perot-*
tum vocat. *Thomas* vero *Smithus*, tam Equeſtri
ordine, quam varia literarum ſcientia nobilis, eum
Perottum aliter *Wickamum* appellat.

Thomas Talus in hiſtoria noſtrate, & Juris utri-
uſque prudentia excellens, ac *Robertus Talbottus*
antiquitatis indagendæ ſtudioſiſſimus, in ea ſunt
ſententia ut eum exiſtiment à patre *Longum* dici
oportuiſſe. Catalogus vero Gallice ſcriptus Cancel-
lariorum *Angliæ*, *Gulielmum de Wickam*, aliter
Perottum, aliter *Longum*, nominat. At *Nicholaus*
Harpisfieldus, omni literarum genere ornatus, ſem-
per eum germano generis ſui nomine uſum, hoc
eſt ex majoribus *Wickamum* vocatum eſſe, multis
argumentis contendit in hæc verba.

Gulielmus Wickam natus anno MCCCXXIV. in dio-
ceſi Winton. Johanne Long ut quidam, ut alii Jo-
hanne Perotto, & Sibilla parentibus, pago Wickam,
unde quidam Gulielmum de Wickam eum appella-
runt. Sed mihi multa occurrunt cur non Eam in
eorum ſententiam, utque genuinum, atque gen-
tile fuiſſe illi Wickami nomen exiſtimem. Ita enim
ſe in Teſtamento, ita in iis Statutis quæ Collegiis
ſuis præſcripſit, & alibi paſſim appellat, id eſt Gu-
lielmum Wickam, non de Wickam. Ita n. diplomata
Regia quibus Collegii ædificandi poteſtas tributa,
ita & publica regni Statuta eum nominant. Primus
præterea Oxon. collegii præſectus fuit Nich. Wic.
ejus conſanguineus. Optati ſunt præterea in idem
Collegium

Collegium Jo. Richar. & Tho. Wick. ut ejus necessarii, quibus ea statutorum præscriptione potior quædam, quam aliis qui in Collegium cooptantur, conditio & prærogativa desertur. Imperante vero Jo. fuit Radul. Wickam homo equestri ordinis, ex quorum stirpe, familia, & gente prodiit noster Wickamus, etsi (ut sunt rerum vicissitudines) parentes ipsius exiguis erant rerum copiis præditi.

Sed ab *Harpisfil.* & cæteris diffidet ac discedit vir nec ignobilis & (ut a majoribus accepimus) admodum dignus cui fides habeatur, *Rob. Heresius*. Is intra annos duodeviginti ab obitu *Wick.* Collegio *Vint.* Codicem statutorum (qui fuerat ipsius *Wick.* fundatoris) dono dedit. Ad hunc Codicem erat libellus, de profapia, vita, & rebus gestis *Wickami* annexus, in quo hæc verba reperiuntur.


Heresius Anglicæ Heers ex cohorte ipsius Wickami pontificis, in epitome libelli de profapia, vita & rebus gestis Wickami.

Fuit *Wilhel. Wickam Christianæ professionis hæres, apud oppidum de Wickam in Comitatu Southampton. Fælici momento enixus, & sic a loco nomen assumpsit, & nomen cum loco eulogio perpetuo decoravit.*

Ex antiquo Regitro collegii *Winton*

Illud igitur cognomen, quo usus est, a loco sedeque natali invenit, ut *Heresio* placet. Ex patre autem hæreditarium quodnam habuerit nomen, si eo uti libuisset, ex ea ipsius genealogia, (quam idem *Heresius* proponit) facile intelligi potest. Scribit enim hunc in modum.

Genealogia Wicami per Feciales descripta.



Wilhelmus Stratton *procreavit* de Amitia Strat. *filia Dom. de Strat. juxta Selborn quatuor filios,* Genealogia Wicami per Herefium.
 Rich. Steph. Rob. & Johan. *qui obierunt sine Liberis ;*
ac etiam tres filias, Aliciam, Julianam, & Eleonor.
Aliciam duxit Will. Bowde in Uxorem, de qua ha-
buit filiam nomine Sibillam, quam Joh. Long duxit
in uxorem, ex qua procreavit filium nomine Wil.
Episcopum Winton. & filiam nomine Agnetem, quæ
Agnes habuit filiam nomine Aliciam, quam Wilhel.
Perott duxit in Uxorem, ex qua procreavit tres filios
Wilh. Joh. & Tho. qui Tho. vocabatur Wickam miles,
& duxit in Uxorem filiam Wilh. Wilkenis armigeri,
de qua procreavit filios & filias.

Hactenus *Herefius*, cujus adstipulatores hac in descriptione sunt feciales Regii, qui hanc quam oculis subjicimus tabulam approbarunt. Ex qua constat *Wicamum* Episcopum ex *Perotti* stirpe nequaquam ortum esse, sed *Perotti* nomen quadraginta plus minus annos post natum *Wickamum* in cognationem, ac genus ipsius infitum fuisse, & adoptatum, ac tunc primum gentilitia *Perotti*, & *Wicami* insignia conjungi cœpisse. Extat quidem *Oxonie*, in Archivo celeberrimi Collegii (quod omnium animarum vocant) Chirographum vetustissimum, Sigillo *Thomæ Wickam* (qui cognatus *Wicami* Episcopi fuit) confignatum, in quo *Perotti* & *Wicami*, insignia intermixta & conjuncte impressa cernuntur cum inscriptione hujusmodi. *Sigillum Thomæ Wickami militis.* At vero *Wicami* Episcopi Insignia sola per se erant longe ante cognita.

Dicti *Thomæ*
 Sigilli insigne
 appingendum.
 Insigne
Wickami Episcopi
 affigendum.

Errat igitur Lelandus, & alii qui hunc *Wicamum* volunt *Perotti* filium fuisse. Hallucinandi vero

Lis quædam
in communi
banco *West-*
monast. inter
Guliel. Wica-
mum Episc.
Winton &
Gul. Wic. Gul.
Perotti filium.

ansam fortasse præbuit, quod eo tempore fuerit quidam *Wilhelmus Wickamus Perotti* filius, nec vulgo solum ita vocitatus, sed etiam literarum monumentis, & actis forensibus eadem prorsus appellatione designatus: verum illa ipsa forensia scripta hac in re omnem obscuritatem, ac dubitationem tollunt. Aperte enim convincunt alium fuisse *Gulielmum Wickamum* Episcopum *Winton.* alium *Guliel. Wicamum Perotti* filium; & hunc quidem actorem in lite quadam, illum vero reum fuisse. Hoc perspicuum fit ex antiquo quodam instrumento tam Vindeforiæ quam *Westmonasterii* reperto, cujus hæc sunt verba.

Ex finalibus
Recordis in
communi
banco, de ter-
mino *Tritit.*
An. 20. Re.
Regis Rich.
secundi.

Hæc est finalis concordia facta in Curia domini Regis, &c. in octabis Sanctæ Trinitatis anno Regni Richardi Regis vicesimo, coram Wilhelmo Theringe &c. inter Wilhelmum Wickham filium Wilhelmi Perott, & Aliciam uxorem ejus querentes, & Wilhelmum de Wickham Episcopum Winton. Magistrum Nicholaum de Wickam Clericum, & Johannem Campeden Clericum deforciat, de Manerio de Ottarburne, &c. Et in fine conventionis ejusdem hæc verba subjiciuntur. Et si contingat quod idem Wilhelmus Wick. filius Wilhelmi Perott obierit sine hærede masculo, de corpore suo procreato, tunc post decessum ipsorum Wilhelmi, & Aliciæ uxoris ejus, prædicta Manerium, & Tenementa cum pertinentiis integre remanebunt Thomæ Wickam fratri ejusdem Wil. Wickam filii Wilh. Perott, & Hæredibus masculis de corpore suo procreatis.

Eadem finalis concordia extat in Archivis de *Windefor.*
Hollingsf. pag. 526 Col. 2.
lib. 6. *Perot.*
appellat *the Parish Cleark of Wickam Angl. a Parish Clearke.*

Veruntamen illi inveterato Lelandi, & aliorum errori *Hollingshedus* in Historia novum mendacium (quod illi non novum) adjiciens, *Perottum* hunc, quem

quem *Wicam* Episcopi patrem fuisse tradit, in humili, & abjecto Ecclesiæ *Wicamensis* famulatu vixisse affirmat; quod sane ita falsum est, ut ne similitudinem quidem ullam veri præ se ferat. Nam & in superioribus cognationis & gentilitatis *Wicami* gradibus nulla fit *Perotti* mentio, & *Perottus* ille qui sese cum eo jam quadraginta fere annos nato affinitate, ac necessitudine primus ex *Perottis* omnibus conjunxit, erat ex egregia ortus Armigerorum familia. Nec vero iste unquam agrum *Wicamicum*, neque alius ex *Perottorum* familia quisquam possederat, aut incoluerat. *Udallorum* enim erat possessio quam etiam in hunc usque diem hæreditario jure tenent; Iam quod *Harpisfildus* *Wicamo* Episcopo genuinum, & gentile fuisse nomen existimat, videndum, ne non ita sit. Quid enim, si in testamento suo, si in Regiis literis, si in statutis tum Regni tum Collegii ita appelletur? An idcirco hoc illi gentile, & hæreditarium erat nomen? si *Publius Scipio* se in tabulis Testamenti *Africanum* appellasset, idcircone id ex *Africæ* nomine cognomen habuisse hæreditarium diceretur? At non vocatur *Gulielmus* de *Wicam*, ut ex loco nomen sibi assumpsisse videatur, sed *Gulielmus* *Wicam*, avitum scilicet generis sui nomen retinens. Itane vero? inspiciantur diplomata Regia. Certe siue Illustrissima tempora Regis *Edwardi* tertii, siue infœlicissima *Richardi* secundi, & aliquot annos *Henrici* quarti percurras, in tot decursu annorum si decies nomen *Wicam*, millies nomen, de *Wickam*, occurrit. Quid Statuta Regni? quid Statuta Collegii? an aliud præ se ferunt? Immo in illis *Wicam* semel duntaxat, in his, de *Wickam*, passim legitur. Quid quod fenestras

Consulendi
feciales.

Perotti Armigeri insignia in Comit.

Hamp. hic appingenda

Perottus nunquam incoluerat pagum *Wicam* sed *Uvedallus*.

nestræ vitreæ templorum five (ut vocant) Capellarum utriusque Collegii *Wicamici* nusquam inscriptionem nominis *Gulielmi Wicami*, sed passim, idque plus quam tricies *Gulielmi de Wickam* ab ipsis Collegiorum primordiis ostendunt.

Verum fac eum appellatum esse *Wilbelmum Wickam* potius quam de *Wickam*, præfecto nihil impedit quo minus ex *Wicamiæ* nomine sic nuncupatus sit. Nam olim permulti, ut ex loco originis nomina sortiebantur, ita vulgo promiscue hoc vel illo loquendi modo vocari solebant: plena exemplorum est vetustas, quibus hæc confirmari possint. Nam tum religiosi, *Johannes Lydgate*, Fani Sancti *Edmundi* Monachus, *Johannes Wheathamsted* Sancti *Albani* Abbas: tum Episcopi, ut *Gulielmus Wainfletus* *Vintoniæ*, *Thomas Buckinghamus* *Lincolniæ*: tum Archiepiscopi, ut duo *Simones*, *Langamus*, & *Sudbureus Cantuariæ*: tum etiam Reges, ut *Edwardus* hoc nomine secundus de *Carnarvam*, *Henricus* quintus de *Munworth*, *Henricus* sextus de *Windefor*, & alii nomina a loco unde erant oriundi assumpserunt, & ita assumpserunt, ut in iis enuntiandis præpositio de vel adhiberi, vel omitti, vel utraque loquendi formula promiscue usurpari posset. Neque enim quicquam discriminis inter utramque formulam ponendum esse arbitror, nisi quod altera sit latinis auribus gratior. Nam si rem ipsam spectes, quid interest utrum *Henricus* ille sextus *Windeforius* dicatur, an de *Windefor*, *Johannes Gandavus*, an de *Gandavo*, Dominus de *Burgleio*, an *Burgleius*?

Immo qui non putantur ex loco natali nomen traxisse neque Barones fuerunt, olim tamen interdum illo

illo apud Latinos insolentiore modo appellati sunt, & is quidem quem *Harpisfildus* primum Collegii *Wicamici Oxonii* Præfectum fuisse scribit, & nomine *Nicholai Wickam* nuncupat, seipsum in omnibus locationum formulis, & instrumentis, quæ villicis de Collegii prædiis tradidit, *Nicholaum de Wickam* inscripsit. Ex quibus perspicui existimo argumentum illud ab inscriptione nominis dictum, non satis habere firmamenti ac virium, ad id quod propositum erat convincendum. Quod secundo loco adfertur, *Johannem, Richardum, & Thomam Wickam*, ascitos fuisse in Collegium ut necessarios Fundatoris, equidem non diffiteor, *Richardum* in Collegium ascitum fuisse, sed ut necessarium pernego, & ad Archivalia monumenta Collegii provoco. Quod vero ad *Johannem, & Thomam* attinet, adde etiam, si placet *Wilhelm. Wickam*, jure quidem ac merito ut consanguinei in Collegium cooptati & ascripti sunt, quum omnes ex *Alicia* fundatoris cognata, *Gulielmo Perotto* nupta, prognati essent. Neque enim in istis à nomine consanguinitas, sed à consanguinitate nomen ortum traxit, neque natura *Wicami* nomen sed adoptio intulit. Itaque quum noster *Wicamus* possessiones, & latifundia sibi & hæredibus lege constabiliri curaret, si ab iis tribus *Wicamis* discesseris, per nomen *Wickam* consanguineum designavit neminem; & quamvis hisce tribus nomen *Wicami* tribuerit, tamen plerumque, ut internosci possent ab aliis *Wicamis* quos pro cognatis suis non agnosceret, adjiciendum putavit Filius *Wilhelmi & Alicie Perott*. Cumque cuidam *Thomæ Wickam de Swackliffe* Vicaria mdaret potestatem, ut in possessionem Ma-

Nicholaus de Wick. nominatus in omnibus prædiorum Indenturis quæ Custos Collegii Villicis locavit.

In antiquo regist. Coll. Oxon. fol. 133.

jurisconsulti nostrates feudæ simplicia, & talliata vocant

In monumentis vetustissimis *Richardi* Fines militis.

Maneria de
Broughton &
Newnton olim
Wicami Epif-
copi, nunc fe-
des D. Fines
militis.

neriorum de *Broughton*, & *Newnton* (quæ nobilis viri *Richardi* Fines primarias nunc fedes effe audio) fuo, & post obitum suum *Thomæ Wickam* militis (*Perotti* & *Alicie* filii) nomine ingrederetur, alterum (quasi de industria & distinguendi causa) *Wicham* duntaxat nominavit.

Non hæc eo dico, quod *Wicamo* eam generis claritatem invideam, quam ei *Harpisfildus*, jam inde ab *Johannis* Regis temporibus ex antiqua illa & nobili *Wicamorum* familia ductam tribuit, sed quod ejus rei satis idonea probatio deficiat, quam quidem si afferret, lubens ei subscriberem, tamque antiquam nobilitatem, etsi *Wicamus* noster satis ex se fit multitudinem rerum gestarum nobilitatus, tamen non aspernarem; sed & contrarium suadent alia multa, & discrimen insignium quæ isti dissimiliter gerunt, secundum leges feciales discrimen agnitionum, & familiarum indicat: Nec vero quisquam mirari debet, quod *Wicamus* Episcopus sororis suæ Nepotem, quem sibi hæredem esse voluit, in nomen *Wickam* adoptavit.

Hic diversa
insignia *Wica-*
morum depin-
genda.

Plutarchus
in vitis Impe-
ratorum.

Pero mexia
in historia
imperial.

Suetonius
Tranquillus.
Ludovicus
vives in ita
Octavii Cæsa-
ris. Justinia-
nus in institu-
tionibus de a-
doptionibus
§ illud pro-
prium.

Quemadmodum enim novum non est ut quis relicto proprio nomine & gentili, ascititium & extraneum sibi assumat, ita non est inauditum, aut absurdum, ut illud nomen ad filios, ac nepotes adoptivos transmittat. Clarissimis hac de re monumentis testata, consignataque antiquitas, & Cæsarea imprimis Romanorum historia plurima nobis exempla suppeditat. *C. Octavius Cæsaris* cognomen, quod non à patre suo acceperat, sed ex adoptione sibi acquisierat, iis quos sibi adoptionis jure devinxit, tribuere non dubitavit; *Tiberium* enim & *Germani-*
cum,

cum, *Cesares* appellari voluit. Sed quid trans mare curritur, cum domesticis exemplis abundemus. *Ithomas Rotheram*, qui ob singularem virtutis & eruditionis laudem, & Custos privati Sigilli, sub *Edwardo* quarto, & Episcopus primum *Roffensis*, deinde *Lincolnienſis*, & tandem Archiepiſcopus *Eboracenſis*, atque adeo ſummus Cancellarius *Angliæ*, ſub tribus Regibus fuit, quum fui generis initium ab ſe gigni, & propagari vellet, ideoque in familiam & nomen quendam generoſum *Bedfordienſis* Comitatus incolam Sobrinum ſuum adoptaret; Quid? an *Scoti* eum nomine (quod erat illi gentile, & proprium) appellavit? Minime certe, immo vero *Wicamum* per omnia ſecutus, cognomine *Rotheram* (unde erat oriundus) inſignivit; ex qua quidem familia multos armigeros, multos Equeſtris ordinis viros prodiſſe conſtat. Quid commemorem *Potterum* Civem *Londonenſem* regnante *Henrico* tertio locupletiſſimum, qui a *Canditio Sudovolciæ* oppido nomen ſumens, quum filiam, quam habebat unicam, & hæredem, clariffimi viri *Raphaelis Gernonis* gnato natu minimo collocaffet, liberos ex illis natos non *Gernonis*, non *Potteri*, ſed *Canditii* comine compellari voluit, idemque nomen ad hæc uſque tempora perpetua & continuata ſerie tranſmiſit. Poſſem alia huiusmodi permulta proferre, ſed ne multus & inſolens ſim, ea prætermitto. Ne ſit igitur incredibile ad eos qui in locum filiorum aut nepotum adoptati ſunt, una cum hæreditatis commodo cognomen etiam adventitium tranſire. Verum cum ut olim inter *Athenienſes*, *Colophonios*, *Salaminius*, & alios neſcio quos de patria & ſtirpe *Homeri* magna erat contentio, ſic nunc

Tho. Yale in Catalogo Archiep. *Eboracenſium* in vita ejuſdem, & in Archivo Coll. *Lincoln. Oxoniæ*, & in monumentis Regis An. 22. R. Ed. 4. *Tho. Rotheram* ter Cancellarius *Angliæ*. 1. ſub. Ed. 4. 2. in initio Reg. Ed. 5. 3. in initio R. H. 7. ut in Record. turris *London* & Catalogo Cancell. *Angliæ* gallice ſcripto.

In monumentis Regis Anno 22. R. Ed. 4. in rotulo.

Lelandus in itineralio fol. 3. Ex Archivis Civitatis *London.* in pretorio quod *Gildæ Aulam* vocant.

Cicero pro Archia poeta

de genere & cognatione hujus præstantissimi viri multæ certent familiæ, & inter se tantum non digradientur, operæ pretium est non modo quam infirma sint quæ ab *Harpsifildo*, & aliis, hac de re afferuntur, considerare, sed etiam quid contra vel necessario, vel probabiliter, dici possit diligentius perpendere. Quid igitur de ea genealogia existimabimus quam supra posuimus ante oculos? Si ea vera & firma sit, parumne videtur id quod de *Perotti* nomine traditur infirmare? Parumne videtur quod de antiqua *Wicamorum* familia affertur diluere? Immo vero, parumne videtur eorum sententiam confirmare, qui hunc nostrum *Wicamum* aiunt, si patris cognomine uti voluisset, *Longum* vocari debuisset? At ejus ipsius genealogiæ in dubium vocatur autoritas. Verum jure feciali confirmatur, verum bona fide scriptoris antiqui stabilitur, verum argumentis & conjecturis non levibus adjuvatur.

De reliquis non ambigitur, de hoc ultimo videamus. Certe *Aliciam Perotti* uxorem, cujus Avunculus in illa genealogia *Wicamus* noster statuitur, ostendunt acta forensia proximam ejus hæredem fuisse. Cum enim Collegium *Wintoniense* de possessione Manerii *Elingami* prope *Southamptoniam*, quinquennio post obitum fundatoris deturbaretur, custosque & scholares cum *Alicia* ejus cognata tunc vidua, quam in nonnullis bonis jure institutionis, in omnibus jure sanguinis hæredem fuisse fundatori constabat, ad præstandum periculum judicii, lege agerent; ea, & hæredes fundatoris de evictione teneri, & se proximam illi hæredem esse nullo negotio facta est.

Eandem etiam sententiam contra *Lelandum* & *Harpi-*

Vide Recordum in communi banco dean. II. H. 4. termino *Hilarii*.

Harpisfildum corroborat scripti alius antiqui auctoritas. Extat enim codex pervetustus in Archivis Collegii *Wintoniensis*, summa religione ac fide assertus, in quo cognatio fundatoris tum ex patruo, tum ex amita descendens, latius descripta reperitur his verbis.

Alicia quæ fuit soror Johannis Longe patris domini Will. Wickham Episcopi Winton. Fundatoris istius Collegii, desponsata fuit Johanni Archmore, ex quibus processerunt 13 Filiae, quarum altera vocabatur Matilda, ex qua processit Joanna, desponsata Johanni Bolney in Comitatu Suffex, &c. Item secundum alios Johannes Longe pater fundatoris, habuit fratrem nomine Henricum Aas, qui Henricus Aas habuit tres filios, Wilhelmum, Richardum & Radulphum; Radulphus habuit filium nomine Wilhelmum, & tres filias, Feliciam, Abatissam de Rumsey, &c.

In vetustissimo Registro Coll. Winton.

Hæc descriptio ex eo confirmatur quod anno decimo quarto à morte fundatoris *Bartholomeus Bolney* & *Johannes Aas* in numerum scholarium Collegii *Winton.* ascripti, & postea anno Christi 1421. perpetua (ut vocant) societate Collegii alterius quod est *Oxonie*, ex singulari consanguinitatis prærogativa donati sunt, quorum alter ex Amita fundatoris, alter ex ejus patruo genus ducere judicabatur. Quid? an vel isti tam paucis post fundatoris obitum annis in ejus cognationem dolo malo irrepere, ac recentem utriusque Collegii memoriam vafre & veteratorie ficta & commentitia fabula circumvenire potuerunt? vel scriptor ille antiquus falsa pro veris in commentarios Collegii referre ausus esset; nec legem Corne-

Uterque eorum admissus in Coll. vocatur consanguineus fundatoris in antiquo Registro Coll. Ox. fol. 21.

liam metuisset? Jam vero quemadmodum illa *Bolnei*, & *Aasie* cooptatio & admissio in utrumque collegium ex privilegio cognationi fundatoris tributo adhibita, ostendit illos fuisse ejus cognatos, ita *Wicamorum* vulgaris cooptatio, & privilegii expers, illos ab ejus non modo agnatione, sed etiam consanguinitate exclusos esse arguit, quod quidem probabiliter consequi *Harpisfildus* sine dubio satis intelligebat.

Itaque eos prærogativa, & potiore illa conditione cognationi fundatoris concessa usos esse, nimis temere, nimisque fidenter affirmat. Est enim certissimum *Johannem Wicamum* de *Swakelife* (quem constat ex antiqua stirpe equestri procreatum fuisse, & *Richardum Wicamum* de Comitatu *Hamshire* (quos *Harpisfildus* in præfidiis suis collocat, ut fundatorem ex egregia *Wicamorum* familia ortum esse vincat) non jure singulari & privilegio, sed more usitato & ordinario, non statim ut consanguineos fundatoris, sed duobus probationis annis jam expletis ut extraneos in numerum sociorum Collegii esse ascriptos.

Ac *Johannes* quidem *Wicamus* proximo post mortem fundatoris anno ad probationis Annos admissus est, videtur itaque & credibile est istos *Wicamos* fundatori non fuisse sanguine conjunctos, & probabile vel ex hoc unico argumento, fundatorem ex illa antiqua *Wicamorum* stirpe & familia generatum non esse. At vero non hoc solum, sed unde etiam ortus sit, & quos habuerit consanguineos, plenius & cumulatius demonstrant descriptiones cognationis ejus, quas ex antiquitate veneranda deprompsimus, ceterisque rationibus & argumentis confirmavimus; magis autem magisque hinc confirmantur, & ad hanc controversiam

Johannes Wickam de *Swakelife*, *Richardus Wickam* Comit. *Souhampton*.

Vide antiquum Registrum Coll. *Oxon.* fol. 137. & fol. 110. In eodem Registro fol. 118.

fiam dirimendam satis firmæ videntur, quod ipse fundator (qui optime norat affinitatis & propinquitatis vinculo sibi conjunctos) in testamento manu sua obfignato non *Nicholaum Wickam*, non *Helenam Nicolai* sororem, non utrumque *Johannem Wickam* inter consanguineos adnumerat, (quibus tamen ampla legata reliquit) sed *Tho. Wickam* militem, *Gulielmi Perotti* filium, *Aliciam Perott* ejusdem *Thomæ* Matrem, nec non *Editam Ringborne*, *Feliciam Aas*, *Johannem Maviel*, & *Warneros*, hos inquam solos consanguineos appellat. At his omnibus genus est vel a sorore, vel a patruo, vel ab amita fundatoris, ut apparet ex utraque genealogia superius allata. Ut igitur verbo concludam, hoc meum judicium non præjudicium esto, gentilium fundatori nomen non *Perott* non *Wickam*, sed *Longe* fuisse: quod & genealogia fere ducentenariæ vetustatis ostendit, & Archiva quasi ab incunabulis utriusque Collegii commonstrant, & autoritas duorum fecialium Regionum approbat, & Judicialis confessio consanguineorum in contradictorio judicio expressa corroborat, & recepta Collegiarcharum opinio cum perpetuo rerum usu conjuncta communit, & inscriptio consanguineorum ab ipso fundatore in supremis tabulis facta confirmat.

Ipse Episcopus *Guliel. Wickam, Nichola Wickam*, & alios ejus nominis in testamento nominatos excepto *Tho. Wick.* consobrino suo, non numerat inter consanguineos. En consanguineos à fundatore nominatos in testamento secundum genealogiam supra recitatam, Epilogus.

L I B. I. C A P. 2.

De educatione, ac disciplina Wicami prima ætate Vintoniæ; deinde de ejus institutione, & convictu cum hominibus doctissimis, & probatissimis in Academia Oxoniensi, ac de migratione ejusdem ab Academia ad Uvedallum Mæcenatem suum, deinde ab Uvedallo ad Edingtonum, Vintoniæ Antistitem, & ab Edingtono ad Regem Edvardum ejus nominis tertium, & de propensa Regis in eum voluntate, & munificentia, & quomodo insignem apud tam sagacem principem gratiam primum inierit.

Heresus in dicta Epitome.

Sed de genere, & stirpe, & cognomine *Wicami* hæcenus. Nunc à parentibus ad ipsum filium revertamur. De eo vero is qui acta, & res gestas ejus non fama, & auditione, sed animadversione, & aspectu perceptas contexuit, sic posteritati scriptum transinivit; tam insignem in eo etiamnum puero pietatem, & sanctimoniam eluxisse, ut quod de *Johanne* præcurfore vulgo dictum est, idem homines integri & religiosi de isto *Gulielmo* prædicerent: Quis putas puer iste erit? Magnas temporibus illis partes sustinebat *Vintoniæ* vir, & nobilitate Equestris ordinis, & autoritate vincestrencis castri Conestabilius, *Nicholaus Uvedallus*.

Luce prima. Tres ex ea ætate Conestabillii præcæteris honorati Cestrensis, Vincestrensis, & Dovernensis.

Ex pervetusto codice Uvedallorum.

Id est perpetuo fruendum pro certa pensione.

Is pro ea qua in hujus pueri parentes benevolentia propendebat, non solum illis in agro Vicamico (cujus ipse erat dominus) predium concesserat in *europu* *TEVOTIV*, verum etiam *Gulielmum* eorum filium *Vintoniæ*

toniæ

toniæ una cum suis, & aliorum nobilium liberis sub quodam Gallo, viro doctissimo, grammaticis imbendum curavit. Ille vero non his acquiescens hic etiam geometriæ elementa, & gallicam linguam didicit, & Arithmeticam, atque dialecticam animo siti-
 enti imbibit. Quamvis autem ejus commilitones summa spe & animi, & ingenii essent præditi, tamen in laudibus iis præcurrebat omnes, ita ut cordatiores viri etiam tunc ad magna eum natum esse judicarent.

Liberalis educatio initioque *Wolselei* Castelli per *Rog-gerum Hord.* quondam custodem eorundem *Ostensis.*

Hæc studia *Chaundelerus* theologus, & *Herefius* seculares literas & secularem prudentiam vocant.

His autem artibus quibus ætas puerilis ad humanitatem informari solet instructus, ad *Oxoniensem* Academiam, doctissimis hominibus ac liberalissimis studiis affluentem, adolescens excolendi ingenii gratia se contulit, ibique in Mathematicis *Ludovicum Carletanum*, in juris Cæsarei prudentia *Wilhelmum Doracheum*, viros perfecte doctos, audivit. Quæ quidem studia postea tam ad Architectonicæ laudem sub *Edwardo* Rege consequendam, quam ad Cancellariatus munus sub duobus Regibus cum dignitate obeundum, maximo illi adjumento fuisse constat.

Rogerus Hordens.

Quod autem ad politio-rem latinæ linguæ elegantiam attinet, certe in ea studium, & operam, horis subsecivis poluit. Nec theologiæ, aut Ecclesiasticæ Jurisperitiæ expertem eum fuisse crediderim, quum in eo libro quem ad Monachos suæ Ecclesiæ reformandos, & à licentiore vivendi genere ad veteris disciplinæ severitatem revocandos scripsit, tam præceptiones nonnullas ex ipsis sacrarum literarum fontibus hausit, quam edicta quædam salutaria ex præcipuis patrum decretis (quæ melior pars est juris pontificii) excerpta reperiamus. Ac certe hic liber

Nich. Harpiscildus in sua historia.

Nicholaus
Harpisfildus.

optima methodo conscriptus, & in quadraginta divisus capita solenne exordium continet, atque (ut mihi videtur) personæ, functionique Episcopi valde consentaneum, nempe *Pastorem vigilare oportet*.

Rogerus Hor-
aus.

Inter alia quæ *Oxonii* gessit adolescens memoratu digna, illud prætereundum non esse judicari, quod lectissimis ac doctissimis viris semper se adjunxit, literis enim *Uvedallorum* commendatitiis adjutus in *Gulielmi Courtnei*, & *Johannis Buckinghami*, priorum sane hominum, & tam civilis jurisprudentiæ, quam theologiæ laude insignium, consuetudinem se dedit, itaque se in eorum gratiam, & familiaritatem quinquennali observantia infinuavit, tantaque animadversione, & diligentia, tum ex suggesto, tum ex Cathedra docentes audivit, ut eum non in Academia solum summa benevolentia complexi sint, verum etiam postea singularibus beneficiis adornarint. Nam & *Courtneus* in Aula *Edingtoniana* egregias ejus antea vitæ virtutes ita mirifice commendavit, ut apud *Edingtonum* Præsulem, aliosque viros nobiles, eum summa in gratia poneret, & *Buckinghamus* in Aula Regia tantas laudes non solum ingenio ejus, & prudentiæ, sed etiam integritati, & fidei tribuere non dubitavit, ut omnium, regnante *Edwardo*, opinione *Wicamus* dignissimus haberetur, qui tam in Archidiaconatu *Northantonensi*, quam in officio custodis privati Sigilli *Buckinghamo* succederet. Quod ei quidem summa ipsius *Buckinghami* voluntate contigit. Quid quod idem *Buckinghamus* ad dignitatem pontificiam in Ecclesia *Lincolniensi* jam provectus, pristinae consuetudinis qua fuerat cum *Wicamo Oxonii* conjunctus longo intervallo memor, *Wicamicas* virtutes illico

Meminit Aulæ *Edingtoniæ* & educationis *Wicami* in eadem *Harpisfildus* in sua historia.

Eum Archidiaconatum *Wicamus* per resignationem *Buckinghami* aſſecutus est ut in Recordis Regiis apparet, an R. Ed. 3. 7. membr. 28. & in Recordis *Lincoln.* de an.

illico duplici in Ecclesia sua Archidioconatu, *Lincolnæ* scilicet, & *Buckinghamiæ*, una cum Præbenda de *Sutton*, vix semestri spatio interjecto, amplificavit & ornavit. Quid quod eandem in *Wicamum* benevolentiam tam inflammato studio in omni vita retinuit, ut non solum eum juvenem prebendis, & dignitatibus, verum etiam Collegium *Oxonii* ab eo pene sexagenario fundatum, insigni Ecclesia & Manerio de *Swakliff*, & possessionibus ad amplissimos redditus annuos excreverentibus, auxerit, & locupletarit.

Ex Archivis
Episcopi
Lincoln. & in
Recordis Re-
gis an. R. Ed.
3. 36. & 37.
memb. 10.
& 28.

Illud forte dolendum quod in medio studiorum cursu *Wicamus* à musarum domicilio distractus sit. Quid enim illa eximia indoles, & exquisitum ingenium non perfecissent? Verum enim vero, vix quinque annos ac menses octo *Wicamus* in Academia plene exegerat, quum *Uvedallus* eum ab instituto cursu ad novum munus & quasi pensum per literas revocavit. Nam quum ille ab *Edwardo* Rege hujus nominis tertio summam *Suthantonensis* Provinciæ præfecturam ad vetera præclara officia, quasi recentem accessionem accepisset, eamque ob causam ad multitudinem, magnitudineinque negotiorum facilius expediendam prudentibus, & eruditis ingeniis sibi opus esse intelligeret, alios aliis negotiis egregios viros præficiens, *Gulielmum* suum omnibus rebus præcellentissimum, secum & sibi à consiliis esse voluit. Quo factum est, ut *Wicamus* non jam circa Mathematicas apodixes, aut edicta prætorialia, & sanctiones *Cæsareas* (quibus studiis magna diligentia, industrieque incubuerat *Oxonii*) sibi elaborandum esse duceret, sed studio Philosophiæ intermisso, quid in scribendi, dicendique facultate tum Latine, tum

Rogerus Hor-
dus.

Gallice, quid in patrii sermonis puriore & ornatiore usu posset, omni conatu tentandum existimaret.

*Jo. Lelandus.
Ro. Hordus.*

Qua in re quum jam à scholis *Vintoniam* quasi postliminio reversus esset, ita laudabiliter, & egregie se gessit, ut *Uvedallus* sive ad gravissimum Regis Senatuum, sive ad illustrissimos Regni proceres, sive ad Regem ipsum literas aliquas mittere statuisset (quod illi sæpissime faciendum erat) id negotii *Wicamo* statim mandaret, ut ejus & prudentia curaretur, & elaboraretur industria. Nam quod plerosque ejus Synchronos testatos fuisse Majoribus nostris intelligimus, & ab illis constans fama ad nos usque perduxit, nemo illa ætate scripsit limatius, nemo locutus est ornatius. Cujus fane virtutis excellentia tot, tantaque, illi comoda, opportunitatesque, attulit, ut dignus haberetur qui Secretarii munus obiret, non solum id temporis apud *Uvedallum* Mæcenatem suum, verum etiam & triennio post apud *Edingtonum Vintonensem* Episcopum, magnumque *Angliæ* Thesaurarium, & postremo apud ipsum Regem *Edwardum* hoc nomine tertium, qui hominum ingenia solertissime perspicere solebat. Sed ut paulo altius exordiar, illud necessario non prætermittendum, & scitu non indignum, quibus initiis ad tantos iste *Gulielmus* honores ascenderit; gratiamque & auctoritatem apud tam intelligentem, & sapientem principem primum inierit. Sic igitur res habet.

*Iccium portum Julius
Cæsar, Sledanus
Cælerum appellat.*

Cum *Edwardus* Rex post nobile illud oppidum finibus Galliæ fortissime expugnatum (quod veteres *Iccium portum*, hodierni *Caletum* appellant) aliquam jam liberi temporis nactus facultatem, partes maritimas sui Regni australes perlustraret, & a portus

tus ostio (quod *Portsmouth* vocant) ad *Suthantoniæ* portum, deinde ad Castellum *Vintoniense* & *Wolfe-seum*, Episcopi palatium, se conferret, ibi forte *Wicamum* qui *Edingtono* Episcopo tum erat à consiliis & epistolis, conspicatus, magnam illi in vultu (qui sensum animi plerunque indicat) & dignitatem inesse dixit, & gravitatem. Erat enim is non solum facie liberali conspiciendus, verum etiam excelsi corporis statura decoratus, quam Hippocrates in juvenibus gratiosam esse scribit. Quæ res nonnullos (ut dixi) in errorem induxit, ut eum non à patre, sed à proceritate *Longum* nominari autumarint.

Lelandus in itinerario.

Hippocrates in aphorismis, unde error *Vindesorensis* profuixit.

Regis autem conjecturam ex tacita corporis figura sumptam cum *Edingtonus* Episcopus & *Uvedallus* confirmarent, hominemque de meliore nota commendarent, Rex illico eum ad se arcessit, & ex sermone (vero indice animi) ad decus & gloriam natum perspicuens, in suorum numerum ascribit.

Reg. Hordus.

Ibi *Uvedallus* omnem ejus ab ineunte ætate educationem, deinde in Academia *Oxonienſi* sub eruditissimis viris ejus in dicendi, scribendique facultate, & liberalibus disciplinis progressum, Regi exponit; quæ quidem *Uvedalli* commemoratio animum principis (qui longe plurimum honestati, & excellentibus viris tribuebat) magna voluptate, & jucunditate dicitur perfudisse. *Vintonia* paulo post *Windsoriam* Rex petit; eum *Wicamus* comitatur, atque omni principem suum assiduitate, cultu, & observantia prosequitur. Cum Rex prodiret, ei statim *Wicamus* erat in oculis: Si quid Rex mandaret, id primo quoque tempore *Wicamus* obire, & rara ingenii solertia exequi satagebat. Quo factum est ut *Edwardus*

Hoc omnes Annales nostrates testantur in Historia Ed. 3.

Idem *Rogerus*
Hordus.

dus Rex multo magis in illius studium incitaretur, dignumque congressu, & colloquio suo judicaret. Quo autem ejus ingenium altius exploraret, multas illi illustres questiones, quæ statum ac summam rerum continerent, ut de bello suscipiendo, vel depouendo, de conditionibus pacis ineundæ, de ærariis rationibus amplificandis, de industria proponere solebat; quibus *Wicamus* extempore ita ornate, & prudenter, tum verbis, tum sententiis respondisse fertur, ut Rex præsentis ejus ingenio, & peracutis responsis mirifice oblectaretur.

Prima pars
paten. an. R.
Ed. 3. 30. M. 1.
Secunda pars
paten. an. eodem
M. 6.
Tertia pars
paten. eodem
an. M. 21.

Quum vero geometriæ & architectonicæ peritum esse intelligeret, majore eum in honore & pretio habuit, quod illis artibus ad eam rem quam parabat, sibi opus esset. Ædificia enim magnifica, & Regalia extruere statuerat. Itaque primum fabricis eum in Maneriis de *Henly*, & *Testansted* Regiis præfecit; deinde custodiam illi rotulorum in itinere ad placita Forestæ de *Chuit* detulit; tum supervisorem operum suorum in Castro de *Windefor*, & saltibus circumjacentibus eum constituit: Unde quidam vel ignoratione demersi vel disrupti invidia, à fabricis eum fuisse *Edwardo* Regi recentiore memoria (ut est hæc ætas ὁπποπομοσίαν ferax) scripserunt; quasi is faber Lignarius principi, ac (ut proprio unius obtrektorum verbo utar) Carpentarius fuisset. At sani, & intelligentes ex his facile perspiciunt aliam Regis in *Wicamum* fuisse voluntatem. Etenim non ita multo post adeo se munificum præbuit, ut quinque mensium curriculo quinque *Wicamo* munia, vel munera, ultro largitus sit. In his autem structuris, aliisque negotiis Regiis, cum tam singulare *Wicamus* consili-

Tertia pars
paten. R. *Ed.*
3. M. 10.

um

um in providendo, in agendo solertiam, in conficiendo celeritatem adhibuisset, ejus virtutem admiratus Rex, inusitato eum, & inaudito diplomate ornavit in hæc verba.

Sciatis quod nos de fidelitate, & circumspeditione dilecti Clerici nostri Wilhelmi de Wickam considerantes, constituimus ipsum Capitalem custodem & supervisorem Castrorum nostrorum de Windesfor, Leedes, Dovorum, & Hadlee, & omnium Maneriorum nostrorum de veteri Windesfor, Wichmere, Folieoham, Eton, Yestansted, Gildford, Henly, Kinton, Shine, Eltham, Childerlangly, & Leedes, & parcorum ad eadem Castra, & Maneria spectantium; dantes ei plenam tenore præsentium potestatem ordinandi, & disponendi de omnibus operationibus tam Castrorum Prædictorum, quam Maneriorum, & Parcorum prædictorum, de defectibus in iisdem Castris, Maneriis, & Parcis existentibus, reparatione, & emendatione quibus necessario indiguerint, reparari & emendari facienda; & ad Carpentarios, & alios operarios, ac petram, mæreniam, & omnia alia quæ pro operationibus in Castris, Maneriis, & parcis prædictis necessaria fuerint, pro denariis nostris inde solvendo, capiendo, & in operationibus illis ponendo; ac Leitas & alias Curias nostris in maneriis prædictis tenendas, & de transgressionibus, & excessibus in locis prædictis factis, & de libertatibus, & juribus nostris, & de omnibus aliis quæ ad nos pertinent ibidem inquirendum, & ad transgressores quoscunque in Castris, Maneriis, & parcis prædictis capiendum, & ad alium vel alios quos idoneum vel idoneos noverit, cum ad hoc personaliter

sonaliter vacare non poterit, ad præmissa & eorum quælibet facienda loco sui deputandi, & ad omnia alia quæ pro commodo nostro & bono regimine Castrorum, & Maneriorum, & Parcorum prædictorum, ac terrarum, & tenementorum ad ea spectantium, necessaria fuerint, prout sibi melius & utilius videbitur, expediri.

L I B. I. C A P. 3.

Descriptio Collegii, & Castri Windesoriæ, quibus elegantiore structura condendis Edwardus Rex pecuniam & sumptum, Wicamus consilium & industriam impendit: deinde quemadmodum is sacro charactere suscepto, omnia temporalia officia, apud Regem deposuerit, & ad cœlestes disciplinas se converterit, & ut Rex eum compluribus dignitatibus Ecclesiasticis cumularit, ac in primarium Secretarium, ac privati Sigilli Custodem, atque Episcopum Wintoniensem, nec non summum Angliæ Cancellarium, & Presidem sacratoris consilii, adoptarit.

EN tibi quatuor Castrorum, & duodecim Maneriorum custodiam, ac præfecturam soli *Wicamo* uno diplomate à Rege omnium prudentissimo commissam. Simul & hoc animadversione dignum ut illum præterea protoforestarium, & ad salutaris causas, Leitasque tenendas iudicem constituerit, proventibus, & fructibus amplissimis locupletarit, basilicas, & Castra Regia illustri ædificiorum apparatu

apparatu, pro illius arbitrio exornari iusserit. Nam quum ex compluribus præclarissimis victoriis gloriam amplissimam in exteris Regionibus esset consecutus, crevit illico illi animus (ut est victoria natura insolens & superba) ut in suo Regno, ac victrici ditione haberet monumentum suæ felicitàtis perenne, cuius fructum, & ipsis debellatis hostibus jucundem, perciperet, & ad posteros simul cum æterna sui nominis memoria transmitteret. *Vindeſoria* igitur, & quia Regi natale solum erat, & quia situ est communito, tum undique ad aspectum præclaro, electa est ubi hoc tam eximium, & illustre Prytaneum collocaretur.

Atque hoc percommode tunc temporis cecidit, ut omnia ibi vetera ædificia diruerentur, & magnificentiora, magisque Regalia instaurarentur, cum Rex apud se duos Reges, Galliæ videlicet ac Scotiæ, ibi Captivos teneret. Cum igitur *Wicamum* præcæteris Geometriæ, & Architectonicæ laude præstantem, ac nobilem esse intelligeret, cuius etiam ingenium & industria in aliis magnificis ædificiis jam antea enituisse, tanto operi conficiendo præter *Wicamum* præfici volebat neminem.

In quo quid aut quantum præstiterit, quid attinet dicere? Cum quinque præstantes viri (ut ego taceam) nempe *Thomas Walsinghamus* fidelis historiographus, *Polidorus Virgilius* Italus non inelegans, & Historiæ nostræ peritissimus, *Johannes Lelandus* antiquitatis cum primis studiosus, *Thomas Smithus* doctissimæ Reginæ *Elizabethæ* nuper spectatissimus Secretarius, & *Gulielmus Camdenus* ob præclaram Britanniæ descriptionem perpetuo victurus, ejus no-

Tho. Walsinghamus.

Polidorus Virgilius.

Joi. an. Lelandus in itinerario.

Tho. Smith in Commentariis *Vindeſoriæ*.

Camdenus in descriptione Britanniciæ.

men ante me æterna laude celebrarint. Illud certum est Quod vel ingenium in excogitando, vel ars in architectando, vel in consummando industria perficere potuit, id *Wicamum* accuratissime præstitisse. Universum enim ædificium ea videmus esse magnitudine, ut & Basilicam Regiam, & templum sacratissimum contineat; eo splendore ut præ aliis mirifice collucere videatur; ea varietate operum, ut ars certare cum copia existimetur; partes singulas non est tam facile oratione describere, ac distinguere, quam jucundum oculis cernere, atque contueri. Castrum quidem, quod ambitu suo cætera ædificia continet, est non modo fossis, & propugnaculis ex quadrato saxo munitissimum, sed turribus etiam, & turriculis ornatissimum. Ut autem splendorem, & magnificentiam augustiorem præ se ferat, duas habet areas: Interior Basilicam Regis (conspiciendum imprimis, & Regale opus) complectitur, exterior vero in ipso ingressu votivum templum opere mirabili perfectum ostendit, quod Rex post *Cresensem*, *Pictaviensem*, & *Castrensem* victorias *Mariæ* Virgini, & *Georgio Capadociæ* Martyri consecrari voluit. A sinistra en Collegium Decani & duodecim præbendariorum ad propagandam Dei laudem, ac religionis sanctimoniam fundatum. A dextra en ædes duodecim pauperum militum quos eleemosynarios appellant. In hunc numerum illi solummodo ascribi debent, & solent qui generosa stirpe nati, & proVectioris ætatis, emeritis stipendiis, vel paupertate, vel vulneribus fuerint afflicti, ut tandem post multos annos in periculis transactos, ætatis extremum vita religiosa, & pacifica concludant. In ipso introitu en ad occidentem

Pol. Virgilius
in historia.

Tho. Smith in
commentariis
Windsor.

cidentem Clericorum domicilia & eorum qui sacris præfunt. Inter utramque aream proxime Decani ædes, nec longe à porta, quæ in interiorem aream ducit, in altitudinem mirandam quasi specula surgit rotunda turris (vulgo *Winchester Tower* appellata) ab *Wicami Vintoniensis* Episcopi temporibus, qui eam construxit, in hunc usque diem nomen retinens, ipsiusque successores quotannis ad stata festa *Georgiana* advenientes hospitio complectens. Sed & e regione Boream versus se offert Arx, *Bello-Campensis* olim (quia Comes de *Bello-Campo* in ea diversatus, summam liberalitatem exercebat) nunc *Scotica* appellata, quia *Davidem Scotorum* Regem in custodia aliquandiu detinebat. Cum autem hanc tam elegantem, & magnificam structuram Rex oculis undequaque perlustrasset, animi incertus dicitur hæsisse, majestatemne structuræ, an industriam construentis admiraretur magis, qui tam diligenter operi institisset ut triennii curriculo opus immortali memoria dignum absolverit. Itaque ut hanc novam (ut ita dicam) creaturam suam omni honoris amplitudine illustraret, huic loco præ cæteris inaugurationem militum *Jarterii*, five periscelidis, adnectendam censuit, & ejusdem nobilissimi ordinis Episcopum quidem *Wintoniensem* Prelatum, Decanum vero *Vindesoriensem* Clericum constituit.

Quo quidem excellente opere ad amussim, & exactissima diligentia elaborato & absoluto, non deerant quidam invidi, & malevoli qui Regi in aures insurrarent *Wicamum* tam magnificæ structuræ honorem sibi arroganter vendicasse, adeoque in nomen suum in interiori quodam pariete Arcis *Windesoriæ* in-

Pol. Virgilius.
Tho. Smith.
Gul. Camdenus.

Camdenus in sua descriptione Britannicæ, Chorographica. Id. in refert descriptor vitarum Archiepiscop.

*Cantuar. in
vita Sudburi.*

sculptum, Regalis ædificii titulum nominatim trajecisse: verba autem quæ calumniandi ansam præbebant hæc sunt, *This made Wickam. i.* Hoc fecit *Wickam*. Latine enim non possunt tam venuste exprimi quam nostrate lingua quæ casibus raro distinguitur, & in qua adeo ambigua est illa oratio ut incertum sit utrum is Arcem, an Arx eum perfecisse dicatur. Cum autem Rex stomacharetur, & iracunde *Wicamo* crimen objiceret, quod delatum erat, ille vultu non tristi, aut consternato, sed hilari ac jucundo respondit; aut stultum hominem inscitia Grammaticæ, aut calumniatorem malitiosa casuum inverfione illam criminationem instituisse. Neque enim Rex serenissime (inquit) ego hanc Arcem, sed hæc Arx me, quantus quantus sum, effecit, hoc est, me in laude, ac gratia apud tuam majestatem posuit, atque ab humili conditione ad tantas fortunas, & dignitates evexit. Quod responsum tam facetum, ac *Wicamo* dignum (erat enim verum specimen humanitatis, venustatis ac leporis) non solum omnem iracundiæ acerbicatem Regi absterfit, verum etiam lætitiæ in ejus animo, tum commotionem suavem jucunditatis in corpore excitavit. Abeo die ad illam animi proclivitatem, ac studium singulare quo Rex in *Wicamum* inclinabat, tantus indies cumulus accessit, ut ad quævis ardua negotia eum vocaret, & intimis ac summis consiliis adhiberet.

Quum vero Rex in *Wicamo* erga ordinem sacerdotalem propensorem voluntatis inclinationem animadverteret, dici non potest quam vehementer ac serio operam dederit ut ex Ecclesiasticis beneficiis, ac præfecturis aliisque honorificis muneribus maximæ

ei

*Wicam. A-
pophthegma.*

ei dignitatis fortunæque accessiones fierent. Itaque cum in Galliam profectus esset, ademittit ei conspectum *Wicami* mutatio loci, eximiam in *Wicamum* benevolentiam non ademittit: quamvis enim absens, quamvis terra marique longissime disjunctus esset, tamen Decanatum Sancti *Martini* (*Le grand*) *London* cum Asyli præfectura illi per *Thomam* filium suum natu minimum (quem interim *Angliæ* custodem constituerat) mense *Maio* anno Regni sui 34. conferri iussit.

Prima pars
Patent. an. R.
Ed. 3. 34. M.
26.

Hic autem animus ut profectio mutari non potuit, ita nec reversione. Eodem enim anno, mense *Augusto*, Præbendam de *Filxtun* in Ecclesia *Lichfeldiensi*, à Rege concessam esse *Wicamo* reperimus. Interea *Wicamus* Theologica tractare, ad sanctius opus designari, initiari facris. Cum autem Presbyteratus Characterem jam ab *Edintono* Præsule suscepisset, & in speculum ministerii Ecclesiastici ab Apostolo ob oculos propositum, penitus intueretur, ne sacra (ut dicitur) profanis miscere videretur, primo quoque tempore omnibus pristinis muneribus, ac diplomatis se abdicare cœpit, & in lege domini meditari assidue, & sacrosanctas scripturas diligenter perscrutari. Rex autem quum multa in eo Insignia ad decus & gloriam animadverteret, nullum tempus prætermittit de amplificandis illius ornamentis & commodis cogitandi. Itaque in eodem temporis vestigio Ecclesiam illi de *Pullam*, *Norwicensis* Dioecesis detulit. Deinde unius mensis curriculo non solum quatuor Præbendis illum (in Ecclesia scilicet divi *Pauli London.* & *Herefordiensi*, & *Menevensi*) cumulavit, verum etiam una cum *Petro Atwood* Clerico sibi imprimis

Secunda pars
Patent. an. 34.
R. Ed. 3. M.
15.

Lelandus &
eum secutus
Johannes
Stowus. *Paulus*
ad *Titum*
& *Timotheum*.

Secunda pars
Patent. 35. M.
9.

In eisdem
litteris Patenti-
bus: M. 11.
Ex rotulo fini-
um 35 R. Ed.
3. M. 24.

charo, & genere insigni Custodem, & summum Justitiarium omnium Forestarum cis *Trentam* Flavi-um, honoris causa designavit. Quo quidem munere (quod magis admirere) nulli hodie nisi Comites, & clarissimi viri potiuntur.

Eodem anno
M. 57.

Præterieram fere quod nullo modo videtur reticendum, quum eodem anno in Foro legali *Westmonasterii* (quod commune *Bancum* vocant) officium Chirographiæ vacaret, quod quidem summæ integritatis & fidei virum desideraret, ad hoc quoque insigne munus Rex eum, præ cæteris, singularis virtutis ergo evexit. Nec integri octennii spatio hujus eum muneris functioni renuntiare passus est, ne tum quidem quum Senatoria, & Episcopalia munera, atque adeo summa gubernacula Reipublicæ eidem

Eodem anno.

Anno. 3. R.
Ed. 3. M. I.
& 21.

quamvis renitenti imposuisset. Quid quod præpositura quoque ac Præbenda ei annexa in Ecclesia *Wellensi* à principe benignissimo ultro ei defertur? Quid quod Regiæ majestati à consiliis, & primarius Secretarius, & Custos privati Sigilli constituitur? Deinde tam secunda erat in *Wicamum* voluntas principis, ut nullum genus amplissimi honoris, & dignitatis excogitari posset, quod non illi nec optanti, nec speranti paratum fuerit, adeo ut historici nonnulli gazæ etiam Regiæ Quæsturam, & præcipuum sanctioris Ærarii munus (licet minus vere) illi tribuerint. Dum in hac Regis gratia & amicitia esset *Wicami* virtus, ecce vir summa integritate, fide, & prudentia *Edintonus* Episcopus *Wintoniensis* moritur, cujus incredibiles virtutes ac pene divinas admirabantur omnes, cujusque morte non solum Ecclesia *Vintoniensis*, sed tota etiam Respublica damnum

Lelandus
Stowus.

num fecisse videbatur. Quum ergo virum aliquem omni ex parte parem, qui in ejus defuncti locum sufficeretur, Rex undique more suo conquireret (non enim solebat quenquam nisi suffragantibus meritis, & quem integritas vitæ & sanctimonia singularis commendarat, ad culmen dignitatis provehere,) nemo illi occurrebat *Wicamo* anteponendus, nemo cuius virtutes hunc tantum honorem æquiore jure postularent. Erat illi quidem per id tempus & Clericus Regis (nos Sacellanium nunc appellamus) & primarius Secretarius, & Custos privati Sigilli, iisque muneribus egregieungebatur. *Heresius* autem principem ac selectam causam adfert quæ Regem impulerit ut de *Wicamo* tam honorifice sentiret.

Hanc laudem omnes Historici *Ed. 3.* tribuunt.

Heresius in dicta Epitome.

Credidit enim Rex (inquit) si quid sibi humanitus contingeret, liberis suis fide & solertia Wicami sedulo prospectum iri; sin summus illi deus usuram hujus lucis longiorem concederet, speravit se ejus ope, & auxilio clavum. & cursum imperii ita moderaturum, ut & Ecclesiæ splendor, & Reipublicæ dignitas, & subditorum beatitudo constitueretur, id quod (ut idem Heresius testatur) rei eventus postea (quoad Wicamus summum gradum teneret) comprobavit.

Itaque facta à Rege potestate, optioneque libera in Ecclesiæ *Winton.* Cathedrali, tum divo *Swithuno*, nunc Sanctæ & individuae Trinitati Sacra, à Priore, & Conventu Monasterii *Gulielmus Wicamus* in Episcopum *Wintoniensem* unanimi omnium consensu eligitur. Quæ res adeo grata fuit, & Jucunda Regi, ut non solum assensu suo eorum suffragia, & sententias approbarit, verum etiam temporalium ejusdem

Electio *Wicami* in Episcopum *Winton.* ex Regis Col. *Winton.* & Archivis Regis patente an. 4. R. *Ed. 3.* parte secunda M. 21. & 30. Paten. an. 40. R. *Ed. 3.* parte 2. M. 19.

Episcopatus

Custodia tem-
poralium E-
piscopat. *Win-*
ton. datur à
Rege *Wicamo.*

Wicamus fit
magnus Can-
ce larius *An-*
glie.
Regis amor
singularis in
Wicamum.

Celebritas fa-
mæ apud ex-
teros.

Ex historia
Frossardi gal-
lica.

Episcopatus custodiam illi confestim tradiderit; anno gratiæ Millesimo trecentesimo sexagesimo septimo, anno Regni sui tricesimo nono, & anno nativitatibus *Wicami* quadragesimo secundo. Quo etiam anno, paucis mensibus interjectis, idem *Wicamus* ad summum Cancellariatus munus (quo *Langamus* Archiepiscopus *Cantuariensis* se pridem abdicaverat) à Rege perducitur, & paulo post in Præsidem sacrationis consilii cooptatur, tantaque & tam illustri gratia, & honore apud principem crescit in dies singulos, ut antea eum dilexisse, nunc cum veneratione amare videretur. Neque vero in oculis solummodo Regis, ac principum Regni, verum etiam in auribus aliarum gentium magnus censebatur, longeque absentibus ac remotis celebritate famæ notissimus. Testantur hoc veteres, tam nostrates quam exteri, annales, & imprimis Gallica *Frossardi* Historia singularis.

En ce temps (dit ill) regnoit ung prestre qui an appelloit messire Guillaume de Wickam; I celluy Guillaume de Wickam estoit si bien in la grace du Roy Anglieterre que par luy estoit tout faict, et sans luy en lee faisoit riens.

His temporibus (inquit) quidam præsbyter regnabat, qucin *Gulielmum* de *Wickam* appellabant. Is *Gulielmus* de *Wickam* tanta apud Regem Angliæ erat in gratia, ut omnia per eum fierent, & absque eo fieret nihil.

LIB. I. CAP. 4.

Quam insigni Wicamus solitudine, dexteritate, & prudentia, utriusque muneris functionem, Episcopi nimirum, & Cancellarii administraverit. Deinde quum prospiceret quanta invidiæ tempestas universo ordini Clericali impenderet, quod ii soli amplissimis potestatibus, & officiis regiis potirentur; quam solerter ille antè turbines, & procellas altero magistratu se abdicaverit, & magnum Sigillum Regi ultro in manus tradiderit.

DEinde anno vertente Wicamus ab eodem Archiepiscopo Langamo consecrationis pontificalis inauguratione insignitus est. Cum igitur jam summam Vintoniensis Ecclesiæ Præfecturam pleno jure adeptus esset, eoque nomine secundum Apostoli præceptum gregis Christi Regimen illi incumberet, dici non potest, quanta cura, ac solitudine colligere se, atque accuratius animadvertere cœperit, quid in se suscepisset, & quid sustinere posset. Videbat enim cum Divo Paulo Episcopatus officium nomen esse operis non honoris; videbat cum Augustino non habendum esse pro Episcopo qui præesse didicerat, non prodesse; videbat etiam duas administrationes quodammodo inter se discrepantes dissidentesque sibi eodem tempore imponi, seque ad tuendam personam utriusque magistratus (quam sustineret) pene distractum iri: unde quibus rationibus non solum gregem suæ fidei ac potestati commissum pro ea qua decuit diligentia pascere, & informare, verum etiam

E

tantum

Wicami Consecratio Anno 1368.

Prima Petri 5. Epistola prior ad *Timotheum* Cap. 3.

ἡτις οὐκ ἐστὶν non honorem, non gloriam, sed opus definiit *Apostolus*: *Augustinus* Cap. 19. lib. 19. de virtute Dei. c. 19. Civitate Dei. & 8. questione. 1. Can.

qui Ep. Nam Episcopi debebant superintendere, unde Græce dicitur significans *ἐπισκοπεῖν* ut Hieronymus notat ad Evagrium, & 93. dist. C. legimus & d. 8. q. 1. c. qui Episcopatum. &c.

tantum magistratum civilem pro sua, & Reipublicæ dignitate administrare posset, hoc ejus animum dies noctesque stimulabat, ac quasi aculeis pungebat. Verum quum ad unamquamque rem existimandam, momentoque suo ponderandam altiore incubuisset studio, atque omnes rationes, & consilia doctissimorum hominum, & ulu peritissimorum ad utriusque muneris functionem (ne vel Reipublicæ vel Ecclesiæ deesset) simul præstandam, ac præclare obeundam exquisivisset, sic secum in animo constituit, in singulis oppidis atque curiis Presbyteros ac ministros doctrina ac pietate insignes, secundum normam & præscriptum Apostoli, per universam diocesim esse præponendos, qui gregem sibi concreditum tam salutari verbo Dei pascere, quam sancta morum conformatione imbuere didicissent. Ante omnia tam Diaconos quam qui supra eos collocati sunt Præsbyteros ac Sacerdotes, ab infami illa ebrietatis, & libidinis macula omnino immunes esse voluit. Nam quum ipsi Sal terræ, Lux mundi, ac dispensatores mysteriorum Dei crebro in scripturis usurpentur, nimis indignum esse dicebat, eos vinolentia deformari, vel cubilibus, & immunditie inquinari, à qua turpitudinis labe & ignominia omnes etiam ex populo (quos Laicos vocant) melioris notæ abhorrent, quum etiam ii, quotquot professioni Christianæ nomina dederunt, vasa honoris, & templum Spiritus Sancti esse debeant. Et quum illa vox *Ezechielis* Prophetæ (*speculatorem te dedi domui Israel*) aures ejus assidue circumsonare videretur, ut ad munus suum Episcopale curandum mirifice excitaretur; quanquam antea in omni vita in laude, decore, & honestate

Διδάκηνός
Apostolus requirit qui sic doctrina polleat ut alios docere possit.
καὶ ἀνεπιλήπτοῃ
irreprehensibilem.

Ezechiel 30.
Episcopi græce; latini speculatores, & superintendentes interpretantur 2 I. diffic. cap.
Cleros & dicto can. legimus.

neſtate vixerit, tamen nunc ut aliis quos ſuſceperat regendos ac tuendos, exemplo eſſet ſeverioris diſciplinæ, aſtiori modo ſibi quoque vivendum eſſe judicavit. Reliquæ igitur vitæ curſum ſic inſtituit, ut, quemadmodum *Timotheo* primo *Ephęſiorum* Epiſcopo præcipit Apoſtolus, ita ſe exemplar Fidei-um in Sermone, in Converſatione, in Charitate, in Spiritu, in Fide, in Puritate exhiberet.

Et diſto can.
qui Epiſcopa-
tum. &c.

Heſus in diſta
Epitome.

Paulus 1. ad
Timotheum
cap. 4.

Neque enim ferendum eſſe putavit, ut Epiſcopus honorem illum gradus ſui (cujus ad *Timotheum* me-
minit *Paulus*) requireret inter homines, & miniſte-
rii ſui dignitatem coram Deo (pro quo legatione fun-
gitur) non retineret. Deinde quum videret mag-
num illum Apoſtolum, & vas electionis, in Epiſcopo
requirere ut ſit hospitalis; quumque legeret *Abra-
hamum*, & *Lothum* Deo admodum placuiſſe, qui An-
gelos humana ſpecie indutos hoſpitiſio recepiſſent:
Denique quum intelligeret Angelos hoſpitalem *Lo-
thi* domum ingreſſos, eum cum tota familia liberaſ-
ſe, unaque *Sodomitarum* domos, hoſpitibus illis ob-
ſeratas, igne cœlitus demiſſo penitus perdidiffe, hæc
inquam & huiusmodi egregia hoſpitalitatis exempla
quum ei ſubinde occurrerent, viginti quatuor pau-
peres ad ædes ſuas *Vintonianas* arceſſi, ibique perpe-
tuo quoad vixit alimentis, ac cibariis ſuſtentari juſ-
ſit. Neque hoc in pauperibus indigenis ſolum re-
ligioſe ſibi obſervandum duxit, ſed peregrinos etiam,
ſecundum genuinam Apoſtoli ſententiam, hoſpitiſio, &
omni humanitatis genere complexus eſt.

Prima ad *Ti-
motheum* Epi-
ſtola cap. 5.

Ad *Titum* c. 1.
Græce 21, 22.
voc. amator
advenarum &
peregrinorum
vid. diſt. 42.

Geneſis cap.
18, 19.

In tractatu
antiſſimo
in Scaccario
Epiſcopi *Win-
ton*. remanen-
te.

Dende memor loci in quo ea ſtudia coluerat per
quæ ad hoſce honores, & dignitates tantas, aſcende-
rat, quinquaginta optimæ ſpei adoleſcentes ſeptennio

*Nicho. Har-
piſſildus* in ſua
hiſtoria,
Catalogus no-
minum eo-
rundem eſt

penes *Wic-*
mum de
Swakelif.

ante fuorum Collegiorum ædificationem annua liberalitate in *Oxonienſi* Academia ſuſtentavit.

Hoc jacto fundamento in iis quæ in Episcopali functione ad Dei cultum amplificandum celebrandumque, magis neceſſaria intelligebat, ad civilis magiſtratus ſpartam (ut dicitur) ornandam ſe convertit: quam ad rem pro dignitate explicandam, quamvis ei tria ingenii ſumma adjumenta, dexteritas in percipiendo, in retinendo mira facultas, & in eloquendo divina quædam facilitas naturæ ipſius habitu, tanquam virgula divina, ineſſent, tamen ad illas eximias admodum, & illuſtres naturæ dotes ratio etiam, conformatioque doctrinæ acceſſit ſingularis, quam non in ſcholis ſolum, & longo rerum uſu acceperat, verum etiam ex doctiſſimorum virorum ſermonibus, collocutionibuſque in dies hauſerat, quibus ille in privatis ædibus à conſiliis uſus eſt. Nam & Theologos, & utriuſque juris Doctores, virtutis & eruditionis laude præſtantes, & jurisconſultos, in legibus Regni præcellentes, ſecum in familia retinebat, & omni munificentia & liberalitate afficiebat. Quid quod etiam hic ejus mos erat, ut quoties cauſas arduas, & difficultatibus implicatas aggredereſetur, virum aliquem ex lectiſſimis judicibus ſibi advocaret, & in conſilio adeſſe vellet, ut ſic examen ſuum in trutina aliena caſtigaret, & perditis hominibus qui ſummis Magiſtratibus invidere ſolent, os obſtrueretur. Sæpenumero autem quum de illo ampliſſimo magiſtratu, ac judicandi munere loqueretur, dicere ſolebat, prætoria ediſta, & reſponſa prudentium (quibus ſtudiis inter alias Juris prudentiæ civilis partes, ſe addixerat *Oxonii*) ſummam in ſe continere

tinere æqui ac boni rationem, & talia esse quæ animum Cancellarii ad moderationem, & æquitatem possent optime informare, atque acerbam legum municipalium severitatem aliquo humanitatis condimento mitigare. In hac igitur cura, & meditatione obeundi sui muneris, cujus quidem summa erat dignitas, & amplitudo, tantas ille facultates ingenii, consilii, & integritatis ostendit, nemo ut illo ingenio prudentior, consilio peritior, gratia acceptior reperiri posset. Ac certe illud omnes animadvertabant, nihil illi fuisse antiquius, quam ut rem potius quam reum intueretur, & in judicando tam oculis quam manibus captus videretur. Illos enim duos periculosissimos quidem & gratiæ, & pecuniæ scopulos tam strenue semper vitabat, ut nunquam vel munere, vel favore corruptus esse diceretur. Nam illud fordidissimi mercatoris, hoc abjectissimi adulatoris esse existimabat. Talis denique juris scripti erat moderator, ut ex æquo & bono judicandum esse censeret; summum vero jus summam appellabat crucem. Itaque in hoc magistratu usque ad annum salutis humanæ 1371. annum vero Regni *Edwardi* 45. tam caste intigreque versatus est, atque ita prudenter se gessit, ut cum gratiæ causa nihil fecisset, omnia tamen essent grata quæ fecerat, ac post hominum memoriam nemo illo amplissimo dignitatis gradu dignior, nemo universæ Reipublicæ utilior videretur. Verum enimvero quum circiter id tempus Rex bellicosissimus post multa commissa prælia, hostesque sæpe fufos, nervis belli pecunia egeret, eaque de causa ex Galliis in Angliam redire bellumque intermittere cogeretur, gravissimæ

Annales nostrates.

Odium in
Clerum.

Ex lib. Alban.
& Historia
Thomæ Wal-
singami.

sunt apud eum jam reversum querelæ à militibus, aulicisque institutæ, Regium patrimonium (quod non solum fons est benignitatis Regiæ verum etiam Reipublicæ firmamentum) dum Rex in expeditionibus bellicis occuparetur, partim quæstorum avaritia interversum, partim regionum ministrorum libidine (quæ mater est avaritiæ) exhaustum domi fuisse. Hujus autem criminationis invidia potissimum in universum Cleri nomen, ex eo quod omnia pene Regia munera, atque civilia officia (proceribus Regni in militiam una cum Rege amandatis) ab Ecclesiasticis viris administrarentur, fuit concitata. Hinc illi turbines, & procellæ, hinc *Johannes Gandavensis* Dux *Lancastriæ*, atque alii earundem cum illo partium principes simul conspirantes, Regem adire, ejus ærarium spoliatum narrare, qui cum Rege in periculis militaribus fame, & siti, & æstu, & vigiliis afflicti pro salute Reipublicæ excubarent, ac sanguinem profundere non recusarant, eos nunc tandem domum reversos omnibus bonis ac fortunis exutos contabescere, dum illi qui hostis vultum nunquam aspexerant, congestis undique divitiis singuli affluerent, & in excelsa loco præ cæteris, optime de Rege ac Republica meritis, essent collocati; professioni eorum atque omnium sacerdotum, qui rebus divinis, ac cœlestibus pro officio suo tractandis debeant esse intenti, maxime repugnare, ut illi in ærarii rationes, & terrenas curas cogitationem suam defigerent, atque ex Clericis in Aulicos transformati, non in gregis sed in Regiis oculis assidue versarentur; æterno numini non probari, ut illi ordinis ac instituti sui immemores, à Cœlo in solum, & ab Evangelica functione

ctione ad secularia munera abducantur. Denique tum demum per dispensatores verbi, & Sacramenti Evangelici, militiæ cœlestis (quam illi profitentur) rationem fidelissime institui, quum eo modo militetur quo summus Imperator jubet. Ad hæc fuggerant & artificiose inculcabant, magis è re principis & totius Regni usu fore, si clericis ab hujusmodi muneribus seclusis laici sufficerentur. Rex qui magna esset sagacitate & acumine, quique optime nosset momenta temporum, & discrimina personarum, auditis tot tantisque adversus Ecclesiasticum ordinem querimoniis, quamvis antea eorum fidem satis sibi perspectam, & longo usu confirmatam habuisset, tamen ex hac novitate cujusdam commodi spe fretus, confidensque exactis ab eorum singulis administrationum suarum rationibus, se montes (ut dicitur) aureos inventurum, tandem importunis optimatum suasionibus ac postulatis annuit, ac acquievit, ut Clericis loco, & dignitate submotis, tam Cancellariæ quam ærario suo aliisque officiis Regiis laici præficerentur. Cujus rei molitionem quum *Wicamus* sublentiret, illico (dum consilia adhuc in integro essent) Regem adit, & vigesimo quarto *Martii*, anno (ut diximus) salutis 1371, anno vero Regni *Edwardi* quadragesimo quinto, *Westmonasterii* magnum ei Sigillum in manus ultro tradit, sufficiturque ejus loco *Robertus Thorp* Laicus, quem neque princeps, neque sol integro anno Cancellarium aspicere potuit.

Clerici Regis officiis amoti & laici furrogati An. Reg. Ed. 45.

L I B. I. C A P. 5.

De infelici rerum successu postquam Wicamus loco cesserat, & de inflammato ejus studio remigandi ab Aula ad Ecclesiæ suæ præfecturam, deque literis tam Regalibus quam Cenatoriis ad absentem sæpius missis. Rex iterum Clericos ad munera Regia, seclusis Laicis, vocat, deinde Parlamentum cogit, in quo se debilitato & languesciente, ad gubernacula Reipublicæ Antistites & optimates speciatim eligit. D. Latimerum quamvis a cubiculo, ac cæteros Lancastriæ intimos foras ejicit atque exterminat, ac paucis post mensibus eo dux Lancastrensis prorupit audaciæ, ut solus dominaretur; in Episcopos, atque Clerum omnem acerbiter exerceret; Wicamum Regia prohiberet, & ut honorum temporalium privatio injustissima infligeretur efficeret. Rex primum implacate ferre, & bona Episcopatus temporalia in Richardum nepotem conferre; mox de innocentia Wicami edoctus eadem bona Episcopo restituit; tres clarissimi Regni Comites se offerunt Regi Wicamicæ innocentiae consponsatores.

*Tho. Wilsen-
gam.
Froissardus
Pol. Virgilius.*

INterea temporis in Gallia omnia quæ nobis antea actis temporibus erant secundissima, contrario cursu adversissima contigerunt, bellum erat instaurandum, at Nervus belli deerat. Qui tributum antea, & fidem in Aquitania præstabant, nunc per scelus, & perfidiam plerique omnes à nobis deficiebant. Itaque quum undique tristitia, & turbulenta Bella impendere

impendere viderentur, & *Wicamum* cura Ecclesiæ suæ, à qua diu distineri gravissime tulit, à civili ad Ecclesiasticam politiam revocaret; qui venia sui principis tandem, ac vix tandem, (hoc est non ante annum Regni ejus quadragesimum octavum) impetrata, ab Aula ad *Wintoniensis* Ecclesiæ præfecturam, tanquam ex magna jactatione & fluctibus periculorum, ad tranquillitatis portum se recepit. In quo quidem itinere quid dicam effusiones hominum ex oppidis, atque villis? Quid concursus ex agris, ex vicis, & domibus? Quid clamores populi undique, & applausus? Longo ante ingressum in suam Civitatem *Vintoniam* intervallo admirabilis hominum frequentia ac celebritas illi occurrebat, & faustis acclamationibus insitam ex ejus adventu lætitiā undique exprimebat. At vero in ipsa urbe à Nobilibus totius Comitatus, ab universo Clero, à Majore, Decurionibus, atque honestioribus civibus magnifice est acceptus, & ad Ecclesiam Cathedralem primum, & post hymnos, ac solennes gratias ibidem sanctissimo numini habitas, ad Episcopale Palatium honorificentissime deductus est, ac perinde in honore & admiratione habitus ac si Angelus aliquis e Cœlo fuisset in terram delapsus. Igitur quum illic confidere statuisset, nihil profecto prius, aut antiquius illi fuit, quam ut *Mosis* exemplo, aut à Deo aliquid disceret, aut ipse populum doceret, atque secundum Apostoli præceptum partim lectioni, & exhortationi, & doctrinæ attenderet, partim Christi gregem suæ fidei creditum diligenter perlustraret, & ad cognitionem Dei, ejusque præceptionum observantiam, hoc est à terrenis ad cœlestia, à crassa ignorantiae caligine ad

Defectio Aquitanie cuius principatum Rex *Ed.* filio primogenito contulerat.

Wicami ab Aula ad Diocesim suam reditus.

lumen Scientiæ Evangelicæ traduceret. Ac certe in Sacrarum literarum studia, & verbum vitæ tum demum incumbibat unice; non immemor ejus quod in veteri testamento legerat in more positum fuisse antiquitus, ut Pontifices (*Rationale*) in pectore gestarent, in quo hæc duo verba (*Manifestatio & veritas*) essent inscripta, non alia quidem certe ratione (ut ille credebat, & recte) nisi quia in pectore pontificis liquida debeat esse, ac manifesta cognitio veritatis. Interea temporis in eo cursu *Wicamus* apud Regem fuit, ut is etiam ad absentem literas Senatorias Singulis fere hebdomadis destinaret, ac anno Regni sui quinquagesimo ineunte; Regni comitiis *Westmonasterii* adesse jussit. In quo quidem honorando cœtu ac celebritate, Rex non *Wicamum* solum illustri gratia excipit, verum etiam una omnes confratres ejus Episcopos, & Clericos in gratiam, ac fidem recepit, adeo ut eodem tempore D. Latimerum, cujus venti antea secundi extitere (erat enim is & cubiculo Regio præfectus, & duci *Lancastriæ* conjunctissimus) Aula ejecerit, omnesque Laicos qui *Lancastrensis* opera, & beneficio, Regiis muneribus (Ecclesiastico ordine rejecto) fuerant præpositi, nunc tanquam avaros, & infidos administratores honoribus illis exuerit, & Clericos intra lustri spatium denovo ad hujusmodi officia, & dignitates revocarit.

Clerici denuo
ad functiones
Regias infra
quinquenni-
um accersiti
seclusis laicis.

Ac protinus quidem Cancellarius *Adamus Huttonus*, Thesaurarius *Henricus Wakefieldus* creati sunt. *Johanne Knevoto*, & *Thoma Scroupæo* Laicis (qui eos Magistratus prius loco prædæ accepisse dicebantur) cum infamia & dedecore exauthoratis, & dignitate dejectis. Quid quod in ipsum *Lancastrium* ejusque

ejusque Dominatum gravissima queremonia in Parlamento instituta, certi quidam Antistites, & optimates ad Regni procurationem (Rege annis oneribusque confecto) electi sunt. Deinde ad cumulum miseriæ illud Quoque Regem, atque adeo omnes ordines summo dolore perstrinxit, quod flos, & decus militaris disciplinæ, *Edwardus* ille princeps *Walliæ* & *Aquitaniæ* Dux, Regis filius primogenitus, ille vindex libertatis & *Hector* Regni *Angliæ* appellatus; & (ut breviter expediam) ille fortitudine, gloria, & rebus gestis omnium gentium omnium seculorum omnis memoriæ facile princeps, ex hac vita in aliam paulo post eingravit. Cujus quidem morte & desiderio Rex vehementer perculsus, atque prostratus, bellicisque adeo contractus laboribus, lethali morbo jam cœpit languescere. Unde (quo nihil reipublicæ acerbius, aut infœlicius Ecclesiæ evenire potuit) nunc omnia denuo sunt *Johannis* ducis *Lancastrensis* potestati commissa, vel potius libidini permissa, adeo ut ejus voluntas pro legibus haberetur. Is contra sacrosanctum, ac laudatissimum illud omnium ordinum decretum superioribus comitiis latum, solus dominatur, imperat, regnat: primum in Episcopos, & in universum Cleri nomen, atque in eorum possessiones, & bona intolerando dominatus impetu veluti decumano flucto ruit. Inter alios *Wicamum Wintoniensem* Antistitem, cujus lumen sanctitatis alii unice venerabantur, & *Gulielmum Courtneum* tum temporis Præfulem *Londinensem* omnium vigilantissimum (cujus patrem *Devoniæ* Comitem ferre nunquam poterat) omni injuriarum & contumeliarum genere iniquissime pro-

Tho. Walsingham. Frossardus.
Pol. Virgilius
 & omnes Annales.

Tho. Walsingham; Codex Albanus; descriptor vitarum Archiep. Cant. Jo. Stowus in Annalibus.

Descriptor
vitarum Ar-
chiepiscop.
Cant. in vita
Sudburei.

Tho. Walsin-
gam an R. 18.
Ed. 3. Codex
Albanus. Ac-
worthus five
descriptor vi-
tarum *Cant.*
Annales
Stowi.

Iste Judex no-
minabatur
Wilhelmus
Skipwith,
unus ex Ba-
ronibus Scac-
carii.
Ex libro *Al-*
bano manu-
scripto.

sequitur. Ita vero in *Wicannum* exarsit, ut quem pro ipsius in Regem, ac Regios liberos studio & liberalitate, beneficio prosequi, pietate colere, veneratione complecti debebat, ejus & virtuti invideret, & dignitatem læderet, & caput, salutemque oppugnet. Atque inter cætera criminationis tela in eum conjecta singulari fraude, ei tum actionem repetundarum intendit, tum crimen falsi in summo Cancellariatus Magistratu admissi intulit, & ut omnem aditum illi ad se repurgandum præcluderet, eum (Rege infcio) nomine tamen Regio & Regia manu (ut in omnibus rebus aliis) usus, diserte prohibuit ad Vicefinum ab Aula Regia lapidem accedere. Deinde submissis ex perditorum numero quadruplato- rum deterrimis, qui accusatorias partes sustinerent, eum indignissime comprehendi, & contra jus singulare ab optimo patre suo Clericis concessum in Forum Regium per lictores è vestigio trahi jussit. Cum autem Episcopus allatas criminationes repellere conaretur, & partim libris rationum bene ac diligenter custoditis, atque adeo ex ipsis tabulis accepti & expensi in ærario asservatis, partim testibus incorruptis atque integris, partim acceptilationibus atque apochis Regiis suam Judicii innocentiam probaturum se profiteretur, ac legitimam temporis dilationem ad se defendendum postularet, cum convitio rejectus est, & statim pessimo post homines natos exemplo condemnatus. Erat hic vir optimus qui sententiam tulit, non tam Regis quam Ducis Justitiarius, & ex ejus libidine Judex datus. Itaque quod turpiter susceperat, impie ac nefarie perficit, eamque in judicando atrocitatem adhibet, ut omnes heredita-
tes

tes pontificias & temporalia (quæ vocantur) Episcopatus bona *Wicamo* adimat.

Hic *Lancastrius* ut majorem à Rege iniret gratiam, ac popularem auram (cujus captandæ magis erat studiosus quam gnarus fruendæ) hinc acquireret, suadere cœpit Regi, ut in *Richardum* nepotem suum, *Burdegaliæ* Cestriæque Comitem, ad Principatum *Walliæ* (quem pridem illi concesserat) splendidiùs sustinendum, illa Episcopatus bona conferret. At Rex quum Nepoti suo antea pensionem ad quatuor marcarum millia quotannis solvi jussisset, non alia certe conditione adduci potuit ut postulationi concederet, quam ut illis proventibus pontificiis tanquam Custos & ad voluntatē Regis, & quamdiu in Regia manu remanerent, & in exonerationem illius annuæ pensionis, uteretur.

Ex Recordis Regiis apud *Turrim* de an. 1. *Richardi* 2. claus. 24. Prima parte Paten. an. 1. *Rich.* 2. M. 23.

Quum vero *Lancastrius* Regi persuadere vellet, ut eum tanquam perfidum, & proscriptum, ac ne vita quidem dignum in exteris terras juberet deportari; Rex qui jam attentius de *Wicamo* cogitaret, menteque longum spatium temporis & præteriti respiceret, & futuri prospiceret, respondit se quid de tanto viro statueret, cujus perspicacissimam prudentiam, & integerrimam fidem jam ante cognovisset, accuratius considerare velle, nunc tandem se intelligere gravissimas ipsi cum *Wicamo* inimicitias intercedere, ideoque se nolle temere ipsi, quamvis filius esset, ea super re fidem habere, præsertim adversus Episcopum insignem in causa gravissima criminaliter & atrociter instituta, neque id esse majestatis Regiæ, atque humanitatis suæ. Non solum autem illud *Wicamicæ* defensionis magnum adjumentum attulit,

Vide sententiam *Skipwithi* de termino *Michaelis* an. R. Ed. 50. in qua ne verbum quidem de exilio, neque in pardonatione *Ri.* 2. quæ ipsam sententiam recitat.

Tres dynastæ
& principes
Regni ex pro-
missores Regi
Edwardo pro
Wicamo Epif-
copo prout in
prima parte
Paten. an. 1.
Rich. M. 23.
plene recita-
tur.

quod Rex esset ad tantam æquitatem propensus, verum etiam quod clarissimi Regni proceres, iidemque à secretioribus consiliis, *Edmundus de Mortuo-mari* Comes *Martiæ*, *Nicholaus* Comes *Arundellæ*, *Thomas de Bello-Campo* Comes *Warwici*, tria *Angliæ* lumina, tum pristinæ fidei *Wicami* testes gravissimi, tum futuri illius in Regiis difficultatibus subsidii præstandi, ac representandi, si opus esset consponsores extiterunt. Nec sane oblivisci poterat Rex, quum anno Regni sui quadragesimo quinto à cæteris Clericis, quotquot officia, & munera gererent Regia, & in ærariis rationibus hæerent, ratio magistratus ac negotii gesti, pecuniæque receptæ reposituræ, solum *Wicamum* (qui plura ac ampliora munera, quam reliqui fere omnes tantillo tempore gesserat) immunem fuisse ab omni criminatione, & (ut est in proverbio) extra teli jactum stetit. Itaque quum anno Regni sui quinquagesimo audiret virum talem de Regia pecunia tot ante annis (ut dicebatur) interversa post quinquennalem taciturnitatem accusari, idque se languescere, ac dominante *Lancastro* ejus inimico, certe calumniam non poterat non odorari, quam homines plerique intelligentes pene oculis ac manibus tenere videbantur.

LIB. I. CAP. 6.

Comitia publica indicta, Rex subsidium poscit, Episcopus Londinensis petit Wicamum ante restitui; Archiepiscopus Cantuariensis nomine totius Cleri pro Wicamo apud Regem intercedit: quum Rex videretur annuere, pecuniam a Clero quantam petebat obtinuit. Wicamo ingresso in Synodum applauditur: paucis post diebus Lancastrius Regni appetendi suspectus est: Wicamus in gratiam principis, & ad bona, fortunaque suas restituitur. Brevi Rex Edwardus moritur; Richardus ejus nepos hoc nomine secundus in Regali solio legitime collocatur.

AD hæc Lancastrius ardere dolore, nihilque intentatum relinquere, quo tam venerandum patrem deformaret, spoliaret, ac pessundaret. Ac primum in hereditates pontificias Regiam manum injicere, dein clandestinis susurrationibus principis ac principum virorum aures occupare, tum etiam novam invidiæ flammam indies tam in illum quam in reliquos etiam ejusdem ordinis excitare. At Wicamus animi excelsi & invicti nixus robore, & in præpotente Deo spem suam & firmamentum ponens, quicquid humanitus accidere posset susque deque tulit.

Illic amplitudo animi ejus eminebat in contemnendis doloribus & injuriis, illic in eo illuxit omnis constantia & fortitudo. Nam quum in medium omnium rerum discrimen incidisset, quumque minas jactarent, ac formidines opponerent ii qui & propter

Lancastrii in omnes hereditates pontificias manus injectio.

propter potentiam possent, & propter truculentiam vellent nocere plurimum, usque adeo ut ex ejus necessariis & intimis plerique existimarent eum ex illis tempestatum fluctibus nunquam emerfurum, tamen omnes invidorum, & malevolorum impetus ingenio, solertiaque fregit, & adversus omne periculum atque invidiam duo solummodo præsidia opposuit. *Res a se gestas, & sanam conscientiam.*

Parliamentum quod vulgo bonum appellabatur; *Lancastrius* studet novo Parlamento avertere.

Wicamus ope *Lancastrii* exceptus ex generali pardonatione, ut vocant, sed à *Ricardo* Rege liberatus, primo die *Junii*, anno Regni sui primo.

Vide ipsam pardonat. tam in Coll. *Oxon.* quam apud turrim dean. primo Reg. *Rich. 2.*

Porro his turbulentis in rebus singulare genus fraudis à *Lancastrio* ac nova invidiæ ratio excogitata est, ut per publica Regni comitia de industria nunc ac pessima fide indicta, leges salutare superioris Parliamenti novis suffragiis abrogaret, atque ut ex generali criminum abolitione (quam nomine Regio adulatorio tunc animo intendebat) *Wicamum* inter cæteros quos studebat evertere nominatim exciperet. Sed & illud in illis comitiis perficiendum sibi putavit, ut pecunia subsidiaria imperata, tam suæ quam Regiæ indigentiae lacunam expleret. Nam quum ipse Regis *Castellæ* & *Legionum* nomen ac titulum sustineret, tam effusas largitiones, & immanes sumptus sibi esse faciendos existimabat, ut principatus sui patrimonium (licet amplum esset, atque copiosum) non sufficeret. In hac igitur rei nummariæ difficultate sua, causatur filci Regii inopiam, hirudines ærarii, nescio quas; illud certe valde probabiliter, tot ac tantis bellis pecuniam Regiam, ac publicam exhaustam esse: hanc init rationem, hoc consilium innumerabilis pecuniæ conficiendæ. Ac sane Episcopos imprimis alioque Ecclesiasticos sperabat se multis nummorum millibus emuncturum. Coacto igitur *Londini* quindena Hilarii anno Regni *Edwardi*

wardi 51. conventu honorario, illico nuntii Regii ad Comitium in æde Paulina accedunt, Gallici belli diuturnitatem, & illustrium victoriarum gloriam illic partam commemorant, veterem hostem iterum novas insidias struere, Regem propter angustias ærarii in magno discrimine versari; itaque & tempus & necessitatem, & præstantia Regis in subditos universos promerita, amplissimam ab illis opem, & subsidium pecuniarium ad necessarias impensas belli postulare, nec postulare solum, verum etiam flagitare: nec Regi nec Regno satis prospectum iri, nisi ea in re quam celerrime succurratur, sibi que à Regia majestate mandatum esse ut hæc omnia ad eos quam primum referant. Quum illi finita Oratione discessissent, *Gulielmus Courtneus Londinensis* Episcopus cum generis nobilitate, tum eruditionis & prudentiæ laude insignis, statim surrexit, & in media corona affirmavit quam plurimas tum sibi tum confratri suo cum primis venerando domino Episcopo *Wintoniensi* injurias Regio nomine illatas esse, de quibus singulis querelam tunc in scriptis exhibuit Synodo, petiitque obnixè, ut ne teruntius quidem Regi concederetur, antequam pro illis injuriis satisfaceret, præsertim antequam illud infame judicium, quod opprimendi innocentis Pontificis studio nuper factum erat ad memoriam sempiternam turpitudinis, autoritate Regia rescinderetur. Alii præterea cupiebant atque instabant ut *Sudbureus Cantuariensis* Archiepiscopus (erat ille quidem ex *Sudbureo* oppido in *Sudvolcia* oriundus, & ex generosa, & antiqua *Tiboldorum* stirpe) literas ad *Wicamum* mandatorias mitteret ut in consilium accederet. Illum enim esse

Ex codice *Albano*.

unum ex membris ejus domus Synodalis, & corporis politici præcipuis, nec se ejus ingenio, consilio, & prudentia singulari sine gravidamno ac detrimento Ecclesiæ carere posse: Cum contra *Sudbureus* diceret eum à præsentia Regis exclusum esse, eoque nomine ad hunc honorandum coetum minime accitum fuisse, sibi que præterea non constare an illi in illa principis indignatione suffragium ferre, aliosque actus Synodales explicare fas esset. Vicit quidem (his non obstantibus) constans unaque omnium opinio, ut Archiepiscopus Regem adiret, & non solum pro *Wicami* restitutione totius Cleri nomine intercederet, verum etiam illum in proximo conventu Synodali præsentem sisteret. Etenim tam vehementi omnes in *Wicamum* benevolentiae ardore erant inflammati, ut quod huic criminofum, hoc sibi invidiosum; & quod molestum uni, id supplicium omnibus videretur. *Sudbureus* vero die comitali prorogato quamprimum Regem consulit, Cleri offensionem ac postulata officiose narrat, ut Episcopus *Winton.* restitueretur, suppliciter ac demisse nomine totius Synodi petit. Rex ita respondit ut Archiepiscopum bonam in spem adduceret se *Wicamum* omni non solum crimine, verum etiam criminis suspitione liberaturum. Hac spe Archiepiscopus honorati ordinis animos erigens, subsidium ab illis pecuniarium, quantum Rex petebat, illico obtinuit: *Wicamus* interim per literas Metropolitæ sui ad illam honorariam celebritatem evocatus, nullam interponebat moram quin ei morem gereret, sed metu *Lancastrii* ducis deviis itineribus ac parvo comitatu (aliter quam ejus erat mos) *Londinum* ingressus est, postero die in frequentissimo

tissimo omnium ordinum conventu undique illi asfurgentium honorifice acceptus, per duos reverendos patres ad sedem Archiepiscopis & Præfuli *Londinensi* proximam deductus est, unde ad reverendissimos patres primum, deinde ad reliquum concessum cœtumque lectissimum oculos suos circumquaque conciciens, sic eos affatus esse dicitur.

Gratias primum Deo immortalis, qui me per has tribulationes in suorum numerum aggregavit, & ago, & habeo immortales; deinde vobis (confratres charissimi) qui mihi tanto studio, ac sollicitudine pro salute mea tristissimo meo tempore adfuistis, adeoque me vobis obstrictum teneri video memoria beneficii sempiterna, ut nullam partem vestrorum in me meritorum non modo referenda, sed ne cogitanda quidem gratia me consequi posse intelligam. Quod autem ad criminationem contra me institutam attinet, vos omnes cura & metu libero; excutiant me quantum libet, exquirant, investigent, exagitent omnes rationes meas. Si affinem criminis illati, si fraudis aut doli unquam in ulla administratione me conscium fuisse deprehenderint, causæ nihil dico quin omnia in me flagitia & scelera accumulent, quæ contra hominem improbissimum, ac perditissimum dici, aut fingi possunt. Esse infœlicem est fortunæ, at esse fallacem improbitatis est; malim me decies infortunatum quam semel improbum judicari. Quanquam (ut dicam aperte quod res est) non tam me petunt, quam mea, nec mea tantum, sed vestra, ac omnium nostrum bona atque adeo Ecclesiæ universæ spoliationem, direptionemque affeçant, venantur, aucupantur. Fuit, fuit certe hoc

vel meum, vel Reipublicæ fatum ut me primum peterent, & in me omnis illa inclinatio communium temporum hoc tempore incumberet, quando superioribus invidetur, digniores fastidiuntur, ac religio flocci penditur. Illud vero gravissimum, atque indignissimum est, quod procures quoque ac principes Regni quasi classicum (ut videtis) contra nos canunt, habentque etiam suos pseudoprophetas, quibus Ecclesiæ pacem turbare pro ludo est.

Quid igitur est, quod nos speremus? Quis reliquus perfugio locus? nisi ut propius nosmetipsos cum Deo nostro jungamus, & quo minus spei humanæ affulget, eo magis divino præsidio innitatur, neque casu aut fortuito hoc nobis accidere, sed consilio cœlesti evenire cogitemus. Hæc enim est vera pietatis regula, solam Dei manum utriusque fortunæ arbitram esse ac moderatricem. Quod autem tam diu hanc cladem, & exitium evaserimus, optimi principis nostri pietati, ac providentiæ singulari proxime & secundum Deum, est ascribendum. Quis enim nescit sparsa esse per universum Regnum multa disfectionis semina, quæ tametsi ad tempus tegerentur, erant tamen brevi eruptura nisi Rex in herbis illa enecasset. Nunc videtis in quæ tempora inciderimus, Rex (proxima post deum spei anchora) bellis, morbis, atque ætate (proh dolor) confectus languescit indies, princeps Regno proximus quamvis optimæ spei, tamen teneræ ætatis est. Tempora futura quis certo noverit? mihi quidem certe turbulenta videntur fore. Proterva (ne dicam insana) plebs si scelerum impunitate atque odio in Ecclesiam armetur, quid aliud expectare possumus quam bonarum
literarum

literarum occasum & interitum, deinde dejectionem Cleri, & Orthodoxæ religionis dissipationem brevi fecuturam, ad quam optatam metam si pervenerint (credite mihi) non modo legum contemptio, verum etiam nobilitatis, ac principatus everfio, omnisque focietatis, & Reipublicæ, ordinumque confufio & perturbatio procul dubio confequetur. Deus tantam calamitatem ab hoc illuftriffimo Regno avertat, & faxit precor ut fim vanus vates.

Verum enimvero tanquam id mali in fortibus, ac fingulis horis noftris impendeat cervicibus, diligentiffime nobis eft cavendum, & non Aulico faftu, fed Evangelico ritu, non ut adverfarii folent in fublimate fpiritus, fed ut difcipulos Chrifti decet in difciplina crucis vivendum eft. Ita enim glorificabimur cum Chrifto, fi tamen cum eo patiemur; apud quem fi has injurias deponemus, ultor erit, fi afflictiões, medicus erit, fi mortem, refuscitator erit. Illi igitur foli gloriam, ejus fponfæ pacem, Regno in quo vivimus incolumitatem in omnem æternitatem exoptemus.

Hic Archiepifcopus nomine omnium gravem atque prudentem *Wicami* orationem laudat, fimulque pollicetur non folum omni ftudio, ac diligentia fe ejus caufam apud principem aéturum, verum etiam (Deo favente) operam daturum ne ea quæ ipfe faciffime vaticinatus effet, ferperent longius in perniciem Ecclefiae eruptura; deinde ad alios aétus Synodales explicandos fe adcinxit. Per id tempus *Lancastrenfis* (uterat vir ambitionis plenus) vehementiffima Regni appetendi fufpicionem & invidia laborabat. Sufpicioni autem crimen, & invidiæ materiam.

*Cronicon
Albanum.*

Cui adscriptu-
latur per om-
nia descriptor
vitarum Ar-
chiep. *Cant.*
& *Johan.*
Stowus in
Annal.

*Polidorus Vir-
gil.* in *Histo-
ria Anglicana.*


Idem *Polid.*
Virg. Croni-
con *Albanum*,
Ath-worthus
in vita *Sudbu-
rei*, *Annales*
Stowi, literæ
ipsius *E. 3.* ad
Rich. princi-
pem *Wallie*
quæ extant
apud turrim
Londini.
claus. an. 51.
Ed. 3. & ite-
rum in prima
parte paten. de
an. 1. R. 2. M.
23. in quibus
fatetur bona
prædicta fuisse
ab *Ed. R.*
præfato Epif-
copo restituta.

riam dedisse videbatur quod cum Equitibus & Bur-
gensibus Parliamenti occulte egisset, ut legem Sali-
cam in Gallia usurpatam imitati, legem similem con-
derent, quæ foeminas à successione Regni in *Anglia*
excluderet. Hæc machinatio in tantam invidiam,
& odium apud omnes ordines eum adduxisse fertur,
ut etiam ad Regis aures (qui in senili ætate credu-
lus, & suspicionibus paulo indulgentior esse cœpit)
fama illius callidæ molitionis pervenerit. Hinc Rex
in concione ad liberos & proceres Regni habita, pa-
lam ac aperte declaravit *Richardum*, suum ex filio
vita defuncto Nepotem, esse eum ad quem à morte
sua summa rerum pertineret, suassetque ut hunc ho-
nore velut subditi Regem, amore velut filii patrem
post obitum suum prosequerentur & colerent. Ipse
etiam hunc Nepotem suum ita honorifice adhi-
buit, ut maxima omnium ordinum corona, & cele-
britate eum ad statas & solennes epulas sibi assidere,
suosque liberos, & in his cum primis *Lancastriæ* du-
cem ad mensam consistere, omneque obsequium præ-
stare vellet. Itaque post hujusmodi (ut diximus)
scrupulum injectum paulo alienior deinceps à filio
Lancastrio pater nonnullis videbatur.

Quæ res *Wicami* causam dici non potest quantum
promoverit apud Regem, quum is jam non suis so-
lum virtutibus, sed alienis etiam vitiis hac occasio-
ne apud principem esset ornatus, & capitali ejus in-
imico jam major sui purgandi, quam illum accusan-
di cura incumberet. Itaque *Wicamus* non solum
in pristinam gratiam apud principem suum, verum
ad possessiones temporales, & omnes suos redditus
profanos in integrum restitutus est. Cæterum (proh
dolor)

dolor) dum hæc agerentur, de salute & vita Regis cœpit dubitari. Paucis autem post diebus (neque enim res tanti momenti diu dissimulari potuit) constanti fama atque omnium sermone celebratur, *Edwardum* Regem, Regem inquam optimum & ad *Galliam* subjugandam natum, ac plane parentem patriæ ex hominum vita ad superos emigrasse. Ad cuius quidem intempestivæ mortis tristissimum nuntium ita omnes erant repentino mœrore perculsi & consternati, nemo ut esset qui non sibi privatim magnum inde vulnus inflictum esse sentiret, & in Republica perturbationem status & inclinationem communium temporum extimesceret. Cui malo ut quam primum occurreretur in locum Regis defuncti Nepos illius *Richardus* (quem à loco originis *Burdegalensem* nominarant) confestim surrogatur, & legitima successione atque unanimi omnium consensu sceptro potitur anno Domini Millesimo trecentesimo septuagesimo septimo, & ætatis suæ Undecimo.

*Richardus
Burdegalenfis
hoc nomine
secundus fit
Rex.*

Liber Secundus C A P. I.


UAM Regis *Edwardi* morte *Wicamus* se in perpetuum tam Aulicis curis, quam forensibus turbis defunctum sperabat, quum ecce post *Zephyros* justæ spei, ac summæ tranquillitatis (ut videbatur) turbidi Noti ex transverso ruunt, & alia tempestas aliam excipit. Pauci enim menses intercesserant, quum veterum quadruplatorum infamis turba novam invidiæ flammam incendunt, ac sceleratissima conspiratione libellos accusatorios tum pristinis mendaciis, tum novis calumniis plenissime refertos, contra hunc tam venerandum patrem ac tanta rerum gestarum gloria circumfluentem, ad sanctum augustumque concilium, ad principem concilii *Lancastrium*, ad ipsam denique Regiam majestatem deferunt. Nec deerant in hac flamma rerum quidem alii incendiarii molestiarum ex *Latimeri*, *Percei*, & aliorum comitatu, ac Stipatione, qui partim ut dominis suis turpiter infervirent, partim ut res suas auctiores facerent, communicatis consiliis enixe studebant hunc Antistitem, quamvis insontem & extra crimen, in discrimen adducere, & bonis omnibus atque fortunis spoliare. Hi accusationem atrocissimam instituunt, cujus capita, & quasi cornua septem esse video, quibus eum conantur de omni statu dejicere.

Accusati-

Accusationis Caput Primum.

QUUM in Regiis pecuniis dispensandis toto illo octennio Wicamus, quo inter nostrum & Gal-
lorum Regem pax vigeat, amplissimam haberet po-
testatem, adeo ut absque ejus mandato, vel saltem
consensu in aerario nummus nullus moveretur, is vel
dedita opera, vel (ut nihil dicatur gravius) incu-
ria sua Thesaurum illum universum dissipavit. Quam-
vis enim per id temporis intervallum Simon Lang-
nius nuper Archiepiscopus Cantuariensis, & Johan-
nes Barnettus Episcopus Eliensis nomen & dignita-
tem Thesaurarii Angliæ gererent, tamen penes Wi-
camum solum de nummis Regiis disponendi summa
potestas fuit, adeo ut is de omnibus proventibus Re-
gis Edwardi tam citra quam ultra mare una cum
omnibus subsidiis Angliæ magnis & parvis, & ar-
gento recepto haberet absolutam administrandi po-
testatem. Atque hic etiam præter redemptiones
duorum Regum Franciæ & Scotiæ, & præter illam
quam Burgundiæ Incole ut patriam ab incendio &
direptione militari liberarent, ultro obtulere, a Do-
mino Galeatio Mediolanensi duce centum millia
Francorum percepit. Quæ quidem recepta per octo
annos, nempe a 26. die Novembris anno Edwardi 35.
usque ad annum Regni ejusdem 43. coacervata ef-
ficiunt summam undecies centies millium novem mil-
lium, & sexcentarum librarum. Atque hanc tam
ingentem, & infinitam pecuniam recepit iste. Sed
quum post decennalem pacem secundum bellum de
repente nos perculisset, præter omnium spem fiscus
H exhaustus,

*exhaustus, ærarium inops plane & exinanitum reperitur. Quod in causa fuit ut Rex noster pecunia, belli nervis destitutus, non solum in Gallia plurimum damni faceret; sed & in Anglia, quo crescenti malo occurreret, a subditis undiquaque corradere, eosque summa fame & existimationis suæ jactura, exacti-
onibus exinanire cogeretur.*

Responsio Episcopi ad primam Criminationem.

QUOD ad primam Criminationem attinet, equidem longe, longeque plurimum fateor me debere principi meo, qui tanto me honore dignatus sit, quantum ego non modo non promereri, sed ne sperare, imo ne optare quidem possem. At quod mihi de universis rebus, & bonis Regiis isti potestremi homines, idque per integrum octennii curriculum disponendi, & administrandi potestatem tribuunt, hoc quam sit à vero alienum vos qui estis iudices optarim esse testes.

Habebat Rex alios (quod nemo vestrum ignorare potest) nec isti (ut videtis) inficiantur, thesaurarios, *Simonem Langamum*, & post eum, *Johannem Barnettum*, & sub iis Proquæstores, & ærarii tribunos. In quorum rationes inspiciendi, ac pecuniam alioquin fallacem, forte ac fugitivam, ad usus Regios retinendi, ac pro virili repræsentandi, fateor equidem mihi sæpius (prout res exigebat) datam fuisse à Rege facultatem. Verum si tum illis pecuniis sine mandato principis me immiscuerim, aut fines mandati fuerim egressus, vel unus nummus ex facratiore ærario apud me hæreat, vel non conveniant

ant rationes accepti & expenſi, vel denique ſi (quod ad Theſaurum Regium attinet) quicquam mea vel incuria contemptum, vel ſcelere pollutum oſtendi poſſit, cauſam non dico, quin dignas pœnas luam, non deprecatione aut gratia minuendas, ſed ſummo cruciatu ac ſupplicio ad ſempiternam mei nominis infamiam vindicandas. At vero quia hæc non ſufficiunt, ſed ego unus ſum cui litem intendunt, & à quo aliorum rationes contra juſ ſaſque poſtulant, morem illis ad tempus geram, & quaſi ego Quæſtor fuiſſem intentatum crimen (favente Deo) ſtudebo repellere. Quod ut faciam, quæſo ut me, dum ſingula paulo ſuſius expono, benigne attenteque audiatis.

David Bruſius Scotorum Rex invicta manu Regis noſtri captus in prælio, quum decennio plus minus captivus remaſſet, eo quod pretium redemptionis ad centum aureorum millia æſtimatum Scoti ſolvere recuſarent, ipſeque propriis vectigalibus in ſumptus belli antea exhaustis minime ſolvendo eſſet, tandem importunis *Johannæ* uxoris ſuæ, quæ ſoror *Edwardi* Regis noſtri erat, precibus impetravit, ut depenſis intra decennium decem aureorum millibus in Regnum reſtitueretur, datique ſunt aliquot ex nobilibus *Scotiæ* viris obſides qui in Regia poteſtate forent, donec depenſo auro fidem liberaſſet. Quod autem ad pecuniam attinet quæ ex *Gallia* & *Burgundia* erat expectanda, ſic ſe res habet. Quum *Johannes Valeſius Galliarum* Rex apud *Pictones* à Principe *Walliæ* glorioſiſſime captus, & per quadriennium in cuſtodia Regis noſtri detentus ab ipſis Regni ſui optimatibus (quibus interim rerum ſum-

David Bruſius Scotorum
Rex captus ab Ed. Rege in prælio an. R. ejuſdem 20. 10 annos in Caſtro de *Odiham* in Comit. *Southampton*. captivus remanſit: deinde datis obſidibus de 10. aureorum millibus decenni curriculo exſolvendis diſmiſus eſt. Hæc *Johanna* appellabatur *Johanna* pacifica. anglice, *Makepeace*. *Polidorus Virgilius* in *Hiſtoria Angliæ* contra ceteros Hiſtoricos.

Tho. Walsin-
gam Pol. Vir-
gilius Frossar-
dus.

ma erat delata) pene desertus esset, adeo ut formulæ pacis *Londini* à *Galliarum* Rege atque duce *Burbonio* consignatæ, à *Carolo Delphino* atque tribus ordinibus *Lutetiæ* non minus ingrate quam superbe respuerentur, Rex noster invicto exercitu conscripto, ac tali, qualem certe nemo unquam ex *Anglia* prodeuntem vidit ad frangendum *Galicum* fastum in *Galliam* trajecit: ac primo Attebates adortus est, illisque intra triduum devictis Remos petiit. Deinde in Campaniam pergens mox *Nivernenses*, atque *Senonenses* in potestatem suam redegit, ac postea ad inferiorem *Burgundiam* (quæ ad *Gallum* spectabat) contendens, à summo ejus Ducatus Cancellario & principibus viris, ut eam ditionem milite liberaret, & inducias triennales concederet, centena aureorum millia adeptus est.

Vide Annales
Mediolanenses
& *Lombardi-*
cos.

Quam quidem legem reliqui *Galliæ* principes quamvis inviti, tandem suo magno malo edocti subiere, ita ut præter alias conditiones ex voto nostro susceptas, tricies centena francorum millia, hoc est, nostratis pecuniæ septingenta & quinquaginta millia marcarum, certis diebus ad id constitutis numerarent. De eo quod quarto loco objiciunt, credo equidem vel pecuniam illam *Mediolanensem* Domino *Leonello* Regis filio dotis nomine esse annumeratam, vel si Regi ipsi persoluta sit, tantundem ab eo, aut non multo minus, in illos sumptus magnificos & apparatus splendidos, cum idem *Leonellus* iter in *Italiam* faceret, suppeditatum fuisse. Hæ fuerunt quatuor pecuniarum peregrinarum summæ, quas isti calumniantur mea vel fraude, vel incuria exhaustas, dissipatas, perditas.

At

At quam inique de me conqueruntur, ad quem ne teruncius quidem ex his pervenit? Ac certe horum nummorum pars maxima ne in ærarium quidem illata est. Nam ex illo *Scotico* debito quatuor aureorum millia jam antea exoluta, & in Structura Castrì *Windeforix* ante annum illum Regni *Edwardi* tricesimum quintum (à quo tempore isti mihi dicam imponunt) consumpta sunt. Reliqua vero sex aureorum millia ad Regium fiscum integrà nunquam pervenerunt. Illud certo scio Regem in sumptus funerum *Isabelle* matris suæ Reginæ nostræ, & *Johannæ* sororis suæ Reginæ *Scotix* plus expendisse quam illud residuum *Scotici* debiti erat; ut taceam immanes pecuniarum summas quas in cohonestando funere *Johannis Valesii* Regis *Galliarum Anglia* defuncti profudit. Cujus & exequias in plerisque partibus hujus imperii celebrari, & corpus magna Episcoporum & optimatum Regni multitudine comitatur, *Doverniam* usque pompa Regali curavit deportari; ut inde in *Gallias* evectum in mausoleo Sancti *Dionysii* honorificentissime sepeliretur. Quod ad *Burgundicam* pecuniam attinet, quam Rex ut exercitum suum illinc educeret sibi numerari & repræsentari voluit, tantum abest ut unquam in ærario recondideretur, ut eam inter nobiles *Alemanix*, *Bohemix*, *Brabantix*, *Flandrix*, & *Hannonix*, qui cum auxiliariis copiis Regis adventum Caleti ad aliquot menses præstolabantur, atque idcirco ære alieno supra quam dici potest demersi erant, Rex illico distribui jussit: quæ certe ratio eum unice movit, quamvis alioquin ad comitatem propensissimum ut proceribus *Burgundiæ* usuram longioris temporis ad

Annales nostrates.

Froissardus & alii (viz.) *Walsingham* & *Pol. Virgilius*.

solvendum obnixè deprecantibus responderit, se non aurita sed oculata fide uti velle. De Gallicis pecuniis ausim dicere, nunquam eas semi-solutas extitisse. Nam (nisi mea me Arithmetica valde fallit) ex semisse, viginti francorum millia etiam ad hodiernum usque diem defuerunt. Cujus rei quod certius argumentum esse potest, quam quod superioribus comitiis *Brugis* inter Regem nostrum & *Carolus* quintum ad pacem constituendam habitis, in quibus tu (Rex Castellæ & Legionum illustrissime) principes partes tenebas, non aliter pax illa (ut optime nosti) coire potuit, nisi Gallis duo iniquissima postulata concederetur: primum, ut omnes illæ pecuniarum summæ pro redemptione sui Regis in *Angliam* importatæ (quas illi tunc temporis, hoc est, septennio post bellum renovatum, non nisi ad 14 centena francorum millia æstimabant) à nostris restituerentur. Deinde ut *Caletæ* oppidum, quod illis tam grave vulnus inflixerat, solo æquaretur. De reliquis pecuniarum summis partim ex portoriis, & vectigalibus (quæ isti subsidia vocant) partim ex aliis proventibus, & accessionibus tam cis mare quam trans mare corrogatis, esto, in ærarium fuerint reconditæ. Verum si quis accuratius consideret, & altius perpendat quæ vis auri & argenti per hos annos profusa sit, & ex *Quæstorio* (ut dicitur) evolarit, an non permirum videatur proventus illos omnes, & quæcunque fuerint, accretiones ab impendiis Regiis infinitis partibus non superari? Nam ut ab eo tempore, quo illa compositio cum Gallo *Caletis* inita est, exordiar, an pace continua fruebamur? An non bellum *Britannicum*, ac deinde *Hispanicum* subsequutum est? Quæ tam

*Johannes
Stowus & alii
Annales.*

*Froissardus &
omnes Historici.*

tam inflammato studio, & tanta acerbitate gerebantur ut tam Regis nostri, quam ducis Aquitaniae rationes omnes conturbarent, arcaeque exhauferint? Et quid, quæso, isti in ærario, antequam pax illa stabilita est, conspexerant? quid thesauri domi, quid debiti foris audierant? Magnas fateor, ac pene incredibiles victorias singulari Dei beneficio Rex ad nominis sui gloriam sempiternam consecutus est. At quid? num simulatque imperator victoria potitus est, illico ære alieno solutus est? vos optime intelligitis (viri gravissimi) etiamsi ego tacerem, quemadmodum perpetuis fere bellis per hosce triginta annos thesaurus Regius ita consumptus fuerit, & exinanitus, ut Rex subinde versuram faceret, & de itione vix feris nepotibus luenda torqueretur.

Nunc si à bellicis impendiis ad immensos Regis sumptus quos ille in largitionibus & muneribus, in finibus tuendis, in arcibus ac munitionibus construendis, in Basilicis ac Castris ædificandis, in Collegiis ac Xenodochiis fundandis effudit, descenderem, sane Crassi Cræsi que opes ad ea tam magnifice ac regaliter præstanda vix sufficere posse viderentur. Nam ut à largitionibus & munificentia Regis incipiam, ubi ille terrarum pedem unquam posuit, quin summæ liberalitatis ac Regalis munificentiae vestigia impressa reliquerit? In exercitu, aut comitatu ipsius quis unquam fuit, nedum plurimarum palmarum homo, sed qui vel aliqua unquam laude & gloria rei militaris excelluit, quem ille non amplis muneribus auxerit, & honestarit? Annuam pensionem habebant alii ducentorum, & alii quingentorum, alii mille aureorum, & amplius ex portorio, & vectigalibus

Frossardus.

libus fideliter persolutam. Taceo octo marcarum millia pensionis annuæ nomine, quatuor ex iis qui erant *Johanni* Galliarum Regi à cubiculis ex ærario integre depensa. Non commemoro nec illa quadringenta marcarum millia, quæ Rex illustrissimo Domino à *Cowey* genero suo. ex Quæstorio quotannis elargitus est. Prætereo annum redditum mille marcarum, quem, quum *Bedfordiæ* Comes à Rege creatus esset, sibi & hæredibus masculis ex ærario obtinuit.

Frossardus.
Pol. Virg.

Quid narrem incredibiles illos sumptus, & apparatus Regios in regaliter accipiendis illis tribus Regibus *Galliæ*, *Cypri*, & *Scotiæ*? Quot aureorum millia creditis erogata, dum illi apud Regem simul, non semel diversabantur; vel quum *Galli*, *Hispani*, *Cypri*, & *Armenii* principes, ac nobiles viri partim ad eum visendum, partim ad opem ab ipso contra Christiani nominis hostes implorandam tanto terrarum tractu superato, infinitisque sumptibus impensis in *Angliam* appulerint, & Equestria certamina, hastiludia, & omne genus militare exercitiorum tractarint, quatuor Regibus, & *Philippa* Regina, omnium illustrium foeminarum præstantissima, inspectantibus? Quid dicam de adventu Regis *Navarræ*? quid etiam de Comitibus *Flandriæ* accessu in *Angliam*? nihilne illi nummorum ex ærario detrahebant, dum illum Rex noster in Castello *Clarendonio* more regio acciperet, & ad *Caroli Gallorum* Regis partes inclinantem amplissimis muneribus ad se retrahere studeret; hunc vero *Dorvenia* honore ut principem, amore ut fratrem prosequeretur? Hujus enim filiam unicam & hæredem filio suo *Cantabrigiæ* Comiti vehementer cupiebat

cupiebat uxorem dari. Quot millia impensa tum in nuptialibus epulis, & pompis liberorum Regis, tum *Vindesoriæ* in conviviis ejus natalitiis, ac *Georgianis* festis sæpius celebratis? Quot millia anno nativitatibus suæ quinquagesimo effudit Rex, quum ad exemplum veteris Jubilei (quod quinquagesimo quoque anno Christianis celebre erat) exleges & proscriptos revocavit, captivos ex carcere liberavit, perduellibus, ac læsæ majestatis reis veniam & immunitatem dedit, quum torques, monilia, redimicula aurea, equos phaleratos, aliaque dona pretiosissima elargitus est? postremo quantam pecuniam per illud tempus octennii in exteris Regionibus, puta ad Arces munitionesque tuendas in Comitatu *Pontino*, & ad firmiora præsidia juxta Galliæ fines undique collocanda insumpsit? Certe ego ex libris rationum per officarios Regios huc transmissis intellexi, ultra omnes reditus & incrementa centum francorum millia annuatim expensa esse. Venio nunc ad sumptuosas illas *Basilicarum*, Castrorum, Ecclesiarum, & insignium in hoc Regno structurarum fabricationes, ac foundationes Regias, quæ solæ sine aliis impendiis plenissimas arcas exhaurire potuissent. Nam simul ac *Gallus* Regem nostrum in spem pecuniæ pro sua redemptione adduxisset, è vestigio, quamvis spe illa biennium & amplius frustratus, vetus Castrum *Vindesoriæ* anno Regni sui 32. & 33. nova & elegantiore forma à fundamentis extrui curavit, & Collegio insigni Canonorum auxit, & perpolivit, præclaris Maneriis ad annum vectigal 655*l* ---- 55 perquisitis. Deinde à Marte ad *Minervam* conversus, primus omnium Regum Musas & Gratias in florentissima

tissima Academia *Cantabrigiensi* honoravit, & Aulam ibi Regalem salutaribus legibus fundavit, & fructuosis latifundiis ad annum valorem librarum excreſcentibus locupletavit. Aliud mox Collegium ſive Capellam divi *Stephani* protomartyris juxta Regiam *Baſilicam Weſtmonaſterii* conſtruxit & redditus annuos ad marcas æſtimatos comparavit. Prætereo illa duo præclara Cœnobia, alterum ad turrim *Londin.* (Monasterium *Mariæ de la grace* vocant) alteram Abbatiam *Dertfordiæ*, quæ & propriis ſumptibus à fundamentis ædificavit, & annua obventionem mille librarum locupletavit.

Quid dicam de *Quinborei* Caſtro ejus ſumptibus ſimiliter in *Cantio* (ne Commeatus, & nummi exportarentur) extructo? Quid de ſingulari Naufrago-trophio ab eodem *Caletis* in uſum Naufragorum ædificato (quam nos domum Dei, Galli *Maiſon dieu* vocant) cujus ſtructura, & incrementa annua Regi 12 librarum millibus conſtiterunt? Atque iſti tam profuſi, & infiniti ſumptus adverſarios noſtros latere non poterant, quum eſſent perinſignes, magnæque ex parte omnium oculis expoſiti, & idcirco quo magnitudinem impenſarum proventuum incremento ſuperarent, non jam amplius octennio (ut in criminationis exordio aſſerunt) ſed (obliti proverbii quo dicitur, mendaces memores eſſe oportere) decennii ſpatium pacem Gallicam perduraſſe aiunt; quod quidem in tam honorando cœtu miror qua fronte, aut quo ore prædicare auſint; quum dies ſœderis inter nos obſignati fuerit vigefimus quartus menſis Octobris, Anno Chriſti 1360. Gallus autem die tertio Decembris anno 1368. bellum denuntiarit. A quo tempore

tempore Rex Galliae habito cum fratribus suis *Andegavi, Biturigum, & Burgundiae* ducibus consilio, nullum tempus nedum biennio, sed nec quinquennio intermittebat, quum ad omnes oras à nostris occupatas copias mitteret, adeo ut Comitatum *Pontini* ceperit, *Pictaviensem* agrum, & oppida exuisset, principem *Aquitaniae* contra expressam formulam pacis, ac fidem praestitam ad Senatum *Parisiensem* citarit, qui vicissim (si ita Rex urgeret) se cum galea capitis imposita, & sexaginta millibus Comitatum venturum esse respondit. Atque è vestigio partium suarum non immemor militem undecunque collegit.

Froffardus & Hiltorie Aquitanicae.

Nec ei defuere duo illustrissimi fratres, *Cantabrigiae & Pembrokiæ* Comites, qui à patre cum expeditis copiis in *Aquitaniam* subsidio missi, in Comitatum *Petragoricensem* in terras possessionesque Comitis *Armeniacci, & Domini Dalberti*, omniumque qui belli occasionem dederant, incursiones fecerunt, Arces, & Castra prostraverunt, ipsamque adeo ducis *Borboniae* matrem (quæ Regis Galliae quoque mater erat) in Castello *Belliperchensi* ceperunt. Ad hæc quum Gallus maximam vim navium extrueret missurus *Philippum Burgundiae* ducem fratrem suum cum superbissimis copiis ut in hoc Regno bellum gereret. Annon eo tempore tu *Lancastriæ* heros, illos cum selecto milite antevertens in fugam coniecisti? & par pari referens omnia in *Picardia* vastasti, ac deinde in complures alias provincias irruens, incendiis & militum arbitrio urbes, & oppida subiecisti? Quid? quum dux *Biturigum* cum *Borbonio & Alenconio*, novo exercitu conscripto, *Lemovicensem* agrum invaderent, & dux *Andegavensis* co-

Froffardus.

piis suis *Tolosa* eductis plurima præsidia, & oppida nostræ ditionis proditione verius, quam virtute caperet, cumque illi perfidi subditi una cum *Galliæ* militibus à nostris vicissim salutarentur, omniaque tam inditione *Lemovicensi*, quam *Andegavensi* ultricibus perfidiæ flammis, & incendiis conflagrarent, ac per inflammatam militum rabiem miserabilis strages consequeretur. An isti pacem appellant? atque talem pacem ut ærarium interim Regium nummis circumflueret, nec interea temporis magnum pondus auri ex publicis exactionibus cogeretur?

Atque plus quam octoginta marcarum millia in ista fictitia, & ementita pace profusa fuisse constat, nec populum interim ab acerrimis tributis immunitatem extitisse, quæ temporibus pacis nemo mortalium vidit exigi. Quare ut quod pluribus dixi paucis perstringam, quum Quæstoris officium mihi sit demandatum, nec Thesaurus Regis ad meas manus unquam pervenerit, cum ego tum in gratia fuerim, ne suspectus quidem de crimine, cum illi moti loco propter rem male administratam dignitate caderent, quum multo plura non minus utiliter quam præclare, atque adeo summo Reipublicæ, & Ecclesiæ bono insumpta fuerint quam adversarii dicunt recepta, quum præter *Britannicam*, & *Hispanicam* militiam quam in veræ pacis temporibus perpeffi sumus, in illa altera pace ementita, & falsa pace dicta, gravissimis bellis apud *Pictones*, & in Agro *Lemovicensi* & *Andegavensi* & aliis *Galliæ* partibus toti conflagraverimus, quam justam causam calumniandi habeant adversarii mei, vestrum (patres conscripti) iudicium, vestra existimatio sit.

Accusa-

Accusationis Caput Secundum.

NEque in hoc solo peccavit Antistes, sed partim malo in bene de Reipublica meritis animo affectus, partim alieni lucri non minus avidus quam suo intentus, bonis fortunisque omnibus privavit, & exiit præclari nominis virum Matthæum Gurney, Thomam Fogge, Johannem Sentlowe, Degorium Sayes, Robertum de Evers, & alios ejusdem notæ quamplures qui omnes sub Edwardo Rege strenue militarant. Quæ quidem militaris gloriæ defloratio, tantis viris illata, universæ miseriæ, & calamitatis & insequentis non solum in Gallia, sed & in Anglia fons, & seminarium fuit, nam hic studia partium gliscebant, & inter magnates fœda discordia, illic armatæ copiæ (cum tam indigne in principes viros animadversum audirent) ad arma conclamabant Gallo-
rumque spoliis & rapinis tam hostilem in modum se locupletabant, ut bellum inde sit renatum, & infinita mala consequuta.

Defensio Secunda.

QUOD isti secundo loco Matthæi Gurnei, & aliorum aliquot insignium militum prolapsionem ab Equestri honore, ad facinorosum vivendi genus mihi vitio vertunt, certe magnam in eo non solum mihi, sed & principi meo, atque adeo Reipublicæ injuriam faciunt. Equidem quali fuerim in eos studio

dio quoad principi *Walliæ*, & *Aquitaniæ* (erant enim plerique ex ejus familia) fideliter infervirent, dum in *Britannicis* bellis fortiter, in *Hispanicis* gloriose dimicarent; ex hoc apparet, quod plurima eorum vota apud Regem promoverim, & honorificam de nonnullis istorum apud plerisque vestrum etiam (prout eorum merita postulabant) mentionem fecerim. Atquum postea mutato vitæ cursu, magnas pecuniæ summas à Rege pro stipendiis militum erogatas, in proprios usus convertissent, cum prædonum & grassatorum turbis se immiscuissent, cumque obsiderent vias, vicos expilarent, & omnia prædis & rapinis undequaque vexarent: denique quum de istis à Rege admoniti evaderent deteriores, atque in patriam redire jussi, mandatum Regium sæpius aspernarentur, imo quum ex iis nonnulli etiam nuntios Regis contumeliosis verbis eluderent, seque *Navarreno* Regi infervire impie clamitarent, quumque alii se nihil ibidem terrarum, aut Arcium Regis *Angliæ* possidere responderent: tum quidem certe non diffiteor meum animum ab istis alienatum fuisse, & offensum. Ea vero non mihi solum displicebant, sed cum per varios nuntios & Regi & Senatui constarent, vos (patres gravissimi) humiliter compello, an non tum omnium nostrum communis fuerit opinio ad Capitalium Judiciorum præfides rem esse deferendam, & in hujusmodi reos secundum leges, & jura Regni animadvertendum. Fuit sane, quum in cæteros pecuniaria multa animadversum est, in *Gurnei* hæreditates fisco adjudicatas Regia etiam manus ita injecta, ut ipsæ in partem possessionum Ducatus *Cornubiæ* fuerint assignatæ in perpetuum, eoque

eoque titulo eis princeps *Edwardus Cornubiæ* Dux, & deinde *Richardus* ejus filius, qui patri in Ducatu successit, & nunc rerum summa potitur, legitime frueretur. Quæ cum ita sint, quid est, quod isti levissimi homines cornicum (ut dicitur) oculos configere, ac mihi in primis (cui ne teruncius quidem ex istorum bonis, sed omnia fisco accreverant) obtrectare audent?

Summe Deus, in quæ incidimus tempora? Eone audaciæ, vel amentię potius, homines triobolares descendisse, ut quod Consilium Regis, Judices Regni, Rex ipse, & non modo patriæ leges, sed jus gentium statuerit, jussit, comprobarit, id istos, ruptis tam obedientię quam modestię repagulis infringere atque labefactare in hoc cœtu Regali non pudeat? Videte an non illorum in me odium omnem in ipsis sanioris consilii vim extinxerit; videte an non projecta audacia & effrænata cupiditas eos ipsos provexerit, ut sublati judiciis omnia militum libidini exponi cupiant, & impudenter operam dent ut id liceat impune per *Angliam*, quod turpiter in *Gallia* perpetrarint. Imo animadvertite, quo ore, idque in conspectu vestro audeant vociferari mea crudeli in illos militum ductores animadversione effectum esse, ut illi hostiliter in Regno *Franciæ* se gesserint, ideoque me belli renovati, & subsequēntis calamitatis causam, & caput, & auctorem extitisse. Quid? egone ex aliorum pœnie voluptatem capio? egone belli auctor, qui pacis semper fuerim studiosus? an mei mores, & hoc meum vivendi genus bellum sapiunt? Sane hæc qualiscunque in eos animadversio non meum factum, sed vestrum (honoratissimi Domini) & tuum, invictissimi

me

me (te enim mortuum appello) atque prudentissime Rex *Edwarde*, fuit. Quod certe non tumultuandi dedit causam, nec peccandi licentiam, sed cohibuisse debuit potius effusam illorum petulantiam, & effrænatae libidini vincula iniecisse. Et in hoc (ut libere loquar) si erratum est, lenitate tua & indulgentia magis quam merita severitate erratum est. Sed vultis, ut uno verbo dicam, quid ad hanc rabiem eos incitarit? primum mala mens, malus animus: deinde illa insatiabilis rapiendi cupiditas, & data licentia faciendi quod vellent, quam blanda spe praeda illecti eorum duces indulserunt. Nam quum viderent primum *Anglos* atque *Gascones* primarios, deinde eorum exemplo *Alemanos*, *Brabantinos*, *Flandros*, *Hanonicenses*, atque adeo nonnullos *Gallos* in *Britannia*, *Armorica*, & *Campania*, in *Burgundia*, in Agro *Matifconensi*, in *Provincia*, nec non in aliis partibus *Galliae* (quam Cameram suam appellabant) septennio plus minus rapinis atque prædis assuetos, ab humili conditione ad divitias usque Regales impune excrevisse, ipsi ejusdem fortunæ spe invitati, ad simile vivendi genus se contulerunt. Ad quam colluviem reprimendam, quum Rex noster invictissimus tum indignitate rei, atque pessimo exemplo, tum *Caroli Galliarum* Regis literis excitatus, copiosam militum manum armasset, quumque adeo in procinctu esset, satis constat, quemadmodum *Gallus* mutata voluntate, metuens forte sibi ne si Rex contra illos victoria potiretur, utrimque *Galliam* adoriri vellent, contrariis chirographis ab eo petierit ut domi suas copias contineret, sibi que ad eos subjugandos satis virium esse scripserit.

Verum

Verum ille nihil tale in animo habuit, sed potius hoc perditum genus hominum sua conniventia in finibus *Galliarum* ali permisit, quo eorum opera (ut eventus rei docuit) suo tempore postea contra nos uteretur. Quare (patres conscripti) quum in illos non ex arbitrio meo, sed iudicio vestro sententia idque iuste sit lata, quum eorum bona non mihi sed Regio fisco sint adjudicata, quum illæ perditorum manus non severitate nimia, sed facilitate, vel impunitate potius ad spolia & rapinas confluerint, denique quum seditiosos istorum motus illustrissimus princeps noster armis compressisset, nisi *Gallus* malo proprio (interim enim spoliabant *Gallos*,) & astu *Gallico* dissuassisset, vos quam sint à vero aliena, quæ contra me hac in parte objiciuntur, judicatote.

Accusationis Caput Tertium.

P*Ræterea quum hic privati Sigilli Custos, & Secretioris consilii Primas, & magni consilii summus moderator ab invictissimo Rege nostro Edwardo constitutus esset (quibus quid honorificentius huic indulgeri potuit?) ipse quasi dominus amplissimi consilii, & Rector Reipublicæ non Senatusconsulti auctoritate, sed privato decreto, non communicato consilio sed arbitrato proprio, obsides illos Regales Franciæ, & in iis Aurelianensem, Biturigensem, Andegavensem, & Borbonium, ac complures alios per gratiam, & pretium liberavit. Et quamvis per literas clarissimi ducis Aquitaniæ & Walliæ nuper defuncti, tam Rex ipse, quam idem Cancellarius sepius admoneretur, ut firmo eos præsidio detinerent,*

ne si recuperarent libertatem, pacis conditiones in rabiem bellicam commutarent, tamen ita mens ejus mercede erat obstricta, ut de eorum ambitione, vel detentione oscitanter se gereret, id quod novi recrudescantis belli causam dedit, atque luculentam plagam Reipublicæ inflixit.

Tertia Defensio.

VENIO nunc ad tertiam criminationem quam isti probi viri mihi imponunt, ubi non possum non admirari malitiosam illorum facundiam quod in sua subdola præfatione, splendidissimis titulis me honorant, quo postea magis onerarent, & à superis ad inferos detruderent, & tres querelas in me uno spiritu effunderent, nimirum quod obsides Regales *Franciae* liberarim; quod id ad meum solius commodum fecerim; idque etiam si princeps *Aquitaniae* tum me tum Regem meum ne id fieret, sæpius per literas præmonuerit. Hæc vero quemadmodum doceant ac probent, minime laborant. Ego autem quamvis fatis esset adversus accusantem verbo, verbo negare; tamen aperte, ac perspicue quemadmodum res se habeat, demonstrabo. Ac primum quidem bona cum venia ausim profiteri, illos obsides sine consensu meo & cæterorum qui tum à consiliis erant, mero motu, & solita humanitate solius principis fuisse liberatos. Siquidem ea erat ejus facilitas, & humanitas singularis erga quatuor illos Duces Regia stirpe natos præ cæteris, ut quum ipsis valde molestum videretur tam diuturna Custodia detineri (nam circiter quinquennium effluxerat ex quo illi quasi extorres

extorres in *Anglia* remanserint) *Caletum* usque eos dimiserit, ut quo viciniore essent *Gallie*, eo commodius suæ redemptionis negotium expedirent. Nec vero hoc tantum eis indulgit, sed ita benigne prolixèque eos adhibuit, ut intra nostros fines venari, aucupari, & quælibet oblectamenta capere possent, ea lege ut quarta nocte ad occasum solis sisterent se in oppido *Caletensi*. Cujus humanitate Dux *Andegavus* plurimum abusus, non principis sed punica fide (relictis sociis obsidibus) se inde *Bononiam* subduxit. Deinde duces *Aureliæ* & *Birriæ*, quum alter post alterum à Rege impetrasset integri anni spatium quo possent in *Galliis* valitudinis ergo commorari, nullum habebant revertendi animum, sed nunc hoc, nunc illud causabantur, donec iterum ad arma conclamatum esset. Verum quum illa libertas Duci *Borbonio* fuisset tributa, is ante annum in *Angliam* reversus, depensis viginti francorum millibus cum Rege pro libertate sua transegit. Similiter *Alenconi* licet reditum omni ratione defugeret, tamen quo fidem ex parte liberaret, & se culpa eximere videretur, triginta francorum millia numeravit. Quid de reliquis? *Harcortus* morbum excusabat, ac *Ludovici Harcorti* patru sui precibus qui plurimum apud Regem nostrum, omnia apud principem *Aquitaniæ* potuit, facile immunitatem consecutus est.

Sic *Carolus* Comes *Blesensis* datis obsidibus duobus filiis, est à Rege illico restitutus. Pro *Guidone* vero *Blesensi* ejusdem Comitis fratre Dominus à *Couci* Regis nostri gener (ut nostis) nulla depensa pecunia libertatem obtinuit.

Comes vero *Sancti Pauli* in arctiori præsidio positus

fitus (erat enim *Anglico* nomini paulo infestior, & suspectus) corruptis Custodibus per aureas portas (ut dicitur) evasit. Præterea Comes *Delphinus* de *Auverna*, itemque *Johannes* de *Ligni* Comes *Porfennæ*, nec non aliquot alii *Galliæ* proceres etiam in ardore belli (cum *Mars* maxime sæviret) alii minore, alii majore pretio (prout Regi placuit) dimissi sunt. A quibus quoniam me adversarii mei muneribus delinitum fuisse pro more suo objectant (quasi ego Reipublicæ procuracionem ad meum quæstum, & emolumentum traduxissem) vel teruntium probent, & causa eadem. Interea Deum immortalem, atque omnes mortales testor, ne unum quidem nummulum ad me pervenisse. Equidem summo Numini immensas habeo gratias, quod me ab hujusmodi fordidum & infamiæ labe in omni vita conservarit, quodque mihi principem adeo beneficum & benignum concefferit, qui mihi præter spem omnia plene cumulateque suppeditarit. Itaque nihil maculat linguarum lutum, quod isti lutei homines in me aspergunt; criminibus non calumniis convinci volo.

Quod autem tertio loco criminantur, ducem *Aquitaniæ* & ad Regem, & ad me scripsisse, ut obfides *Galli* firmiore custodia tenerentur, & majore cautione; primum hæc admonitio (si bene memineritis amplissimi viri) sane nimis fera erat. Tragicam enim illam accusationem ab *Aquitaniæ* Nobilibus contra ducem suum *Walliæ* Principem *Lutetiæ* institutum, ad menses aliquot subsequuta est, quo tempore ex ducibus *Galliæ*, & Principibus viris tres erant paulo ante à Rege fide sua dimissi, ac duo clam in *Galliam* reverfi. Deinde ex Regis facto, præsertim quod

quod recte defendi possit, culpam in me conferre iniquum est. Illis enim quinquaginta obsidibus in custodia relictis prout reliquis etiam quinque, quorum mentionem modo fecimus, Rex multa summæ comitatis signa, multa egregiæ benignitatis argumenta impertivit, hoc quidem certe consilio, ut illam gentem levitati & inconstantiae obnoxiam, arctiori benevolentiae vinculo devinciret. Nam quum ex pacis foedere nuper firmato *Caletis*, tertia nunc parte *Galliae* aut circiter frueremur, nulla alia meliore ratione credebatur *Gallos* in officio retineri posse, quam à more ac lenitate, praesertim quum videret quam male coiisset pax illa prior, cui uterque Rex, Princeps *Aquitaniae* & *Jacobus Borbonius Londini* subscripserant: Eam enim tres ordines *Galliae* (in quibus erat *Carolus Delphinus*) respuerant, responderantque se passuros potius Regem suum in perpetua custodia detineri, quam nobis capitalibus inimicis tantam vim auri numeraturos. Illud etiam Regiæ prudentiae occurrebat (quod paulo post subsequutum est) licet *Galliarum* Rex, ejusque filius, reliquique optimates, & primores fervarent pacem, quam paulo ante *Caletis* jurejurando aeternam fanxissent, tamen plebeios & inferiores magistratus ægre adduci posse, ut oppidis & munitionibus cederent, ut se suaeque externo jugo submitterent, quod quidem *Rupellenses*, *Zantones*, itemque in *Gasconia*, & *Languedocia*, quam plurimi, primi etiam apud *Pictones* tam procures quam plebei palam non dubitarunt profiteri. Quæ quidem omnia quum Rex prudentissimus quam longissime prævideret, id sibi maxime laborandum videbat, ut omni studio, atque ratione in

amicitia *Gallos* retineret, & illud innatum odium capitale inter duo Regna omni humanitatis genere placaret. Malum enim diuturnitatis costodem esse metum, nec *Gallum* posse timere diu, facile iudicavit. Hinc igitur illa, Regis nostri erga Captivos, summa lenitas. Hinc *Gallorum* Rex quatuor Duces, viginti Comites ac Barones, quinquaginta Equites, ac primores præstantissimorum in *Gallia* Comitatum sumptuose, honorifice, ac regie adhibet. Hinc Regis nostri erga ejus gentis omnes in recipiendo comitas, in retinendo benignitas, in dimittendo humanitas incredibilis, deposita omni suspicione periculi emanavit. At quid isti ad hæc? Rident Regis & nostram quotquot eramus tum illi à consiliis, nimiam bonitatem: & stulti in eo Rege desiderant prudentiam, quem *Ludovicus Bavariæ* Rex propter insignem Regni administrandi prudentiam, Vicarium Imperii, principes vero electores defuncto *Ludovico* in Imperatorem eligerunt, cuique *Carolus* ipse *Gallorum* Rex quamvis vivo invidus, tamen hanc laudem ascripsit mortuo, ut diceret eum inter sapientes Reges esse ea ætate sapientissimum. Non minore itaque consilio, quam humanitate istos obsides dimisit Rex. Sed missò Rege, quid isti Regiæ bonitatis & prudentiæ Censores fecissent, si ipsi tum ad gubernacula sedissent? Num quemadmodum *Hispani* captos in prælio, quos hostium loco habent, condunt in Carcerem, & manicis ac compedibus constringunt, ita istos tam nobiles obsides, ac foedere nobis conjunctos in arctam custodiam detrudi, & vinculis mandari voluissent? atqui hoc nec jure gentium probari, nec ulla civili, aut naturali ratione defendi potest. Et quid

quid arctior profuisset in reliquis, ex Comite S. *Pauli* intelligimus, quem illa detentio paulo severior in eam furoris rabiem inflammavit, ut domum astu reversus, illico novi belli faciem accenderit. Quare quum hoc Rex, Rex inquam solus, fecerit, non ego, nec qui eramus à consiliis, idque non per imprudentiam, sed consulto, cogitatoque (licet prudentiæ ejus, ex *Gallorum* malis morbis, eventus non responderit) quumque Rex impendentium malorum gnarus, & providus, qui tot florentissimarum ditionum possessiones erat adeptus in *Gallia*, justam haberet causam reformidandi ne si tot principibus se duriores præberet, eas omnes in discrimen adduceret: Denique (ut uno verbo expediam) quum in contemptum quoque totius Senatus hæc criminatio redundet (quid enim ego in hoc feci, cui vestræ manus non subscripserunt?) spero equidem ab hoc injecto crimine omnium vestrum sententiis me facile absolutum iri.

Accusationis Caput Quartum.

Istis adjungite hujus supinam negligentiam, imo tanto Magistratu indignam corruptelam. Quum enim Rex assiduus nuntiis tum à Principe Walliæ, tum ab aliis, quos Pontino præfecerat, certior fieret, unde quaque Gallum vim & arma minitari, hic tamen Gallum nihil hostile facturum ita Regi omni ratione persuadebat, ut impune Gallo liceret Pontinum flammis vastare, urbes capere; in suam potestatem munitissima quæque loca redigere: cui malo Rex opportunè occurrisset, nisi hujus malo consilio ab instituto suo depulsus, auxiliares copias distulisset.

Ad

Ad quartum Calumniam Responsio.

CÆterum alia me adhuc negligentiae plusquam supinae ac dolo proximae ignominia aspergunt, quod quum *Gallus* omnia ad arma pararet, & tacite per *Pontinum* hostilia quæque moliretur, tamen ego neque nuntius in hac re credere, neque præfectis urbium subsidia mittere curavi. Grave crimen scilicet, si aliquantulum perpendatis, gravissimi viri. Nam (ut non dicam ista tum primum significata, cum undique Gallus fines nostros popularetur) numquid mihi soli hæc renunciata sunt? nunquid penes me fuit potestas conscribendi milites, suppetias ferendi? hæc tibi, justissime Rex *Edwarde*, (iterum enim te mortuum appello) tuoque sanctissimo gravissimoque consilio narrata sunt, ac tuum, non meum fuit, imperare militem, & imminenti malo occurrere. Sed ut ab hac criminatione me, & Regem, ejusque Senatum liberem (nam vos omnes tacite perstringit adversarius) finite me, precor bona cum venia *Gallicas* in hac re molitiones à rerum primordiis recensere. Postquam Rege *Johanne* mortuo (qui nunquam adduci potuit, ut adversus foederis pactiorem vel amicitiae legem committeret) summa rerum ad *Carolum* ejus filium devenisset, dici non potest, quantopere optimi patris interitus omnia consilia Regis nostri interverterit, & malitia pessimi filii rationes nostri Senatus pariter conturbarit.

Tegere tamen omnia, & bellis excusationibus occultare ad tempus, & quod Marte non potuit, id arte perficere tentavit. Tædebat eum, atque pudebat, quum

quum *Galliam* superioribus annis, & sumptibus, & jacturis exhaustam, ac pæne perditam videret, nec dum posse à continuis pecuniæ præstationibus, quibus erat in parte ejus redimendo obnoxia respirare, tum illud cum acriter pungebat, quod magno suo malo sentiret tertiam quasi *Galliæ* partem ex novo fœdere à nostris, hoc est (ut ipse interpretabatur) ab antiquo hoste possideri: huic igitur vulneri ut mederi posset, clandestinis consiliis & omni astutiarum genere ad aliquot annos usus est. Ac primum quum à Rege nostro duo imprimis affectari animadvertisset, unum ut Regem *Navarræ* sibi perpetuo fœdere devinciret, alterum ut *Ludovici Flandrensis* Comitis filiam, quam habebat unicam, *Edmundo* filio suo *Cantabrigiæ* Comiti, in matrimonio locaret, utrique vafre & astute obstitit: licet enim toto triennio non posset *Ludovicum* ipsum à nobis in hac causa alienare, tamen ejus uxore tandem expugnata, quæ filiam ad alias nuptias alliceret, & corrupto *Urbano* Pontifice (cui ipse *Avinionem* concesserat) exoravit, ut ea *Philippo Burgundiæ* Duci fratri suo germano desponderetur, & paulo post solenni ritu nuberet. Cum Rege autem *Navarræ* sic transegit ut simul ac is rediret in Regnum suum, bellum nobis (quamvis aliter cum Rege nostro pactus fuisset) denuntiaret. Ad hæc quum *Johannes Armeniacus*, & *Carolus Petragoricus* Comites *Gasconie* & *Guienne* cum aliquot aliis Nobilibus contra Principem *Aquitaniæ*, quod nova & immania tributa suis subditis imperasset, gravem in Parlamento *Lutetiæ* fecissent querimoniam, quamvis hac simultate magnam caperet voluptatem, tamen ne tum quidem odium intestinum contra nos

L conceptum

conceptum aperire voluit, sed annum & amplius, tres Comites, ac totidem Proceres *Aquitánicos* principis accusatores *Lutetiæ* detinuit suspensos. Verum quum jam omnia parata essent, eos non inflicta pœna, sed refutis expensis, summisque beneficiis ac donis cumulatōs dimisit. Interea temporis dum hæc gerebantur, tentare omnia, & ad defectionem gentem suapte natura satis proclivem, sollicitare cœpit, missis nuntiis, & exploratoribus tam in *Aquitaniā* quam *Pictōnes* & *Pontini* comitatum, qui subfacerent quemadmodum illarum Regionum incolæ in nos animati essent.

Quumque plerisque dubiæ in nos fidei esse referrent, & *Anglicanum* jugum ægre sustinere, tunc illico ad præcipuos ductores illorum rapacium militum qui flagitiose ac nefarie ibi prædabantur, à quibus antea plurimum metuebat, duos ex fratribus suis misit, ut clam eos datis aliquot francorum millibus ad suas partes traducerent; Illi accepta mercede, licet in *Averniæ*, *Birriæque* finibus se continerent, tamen in autumnī finem suam operam promittebant. Quamvis autem in exteris Regionibus auxiliares copias conduceret, in *Galliis* undique militem conscriberet, tamen sanctissime sæpe affirmabat se adversus rapaces istos exercitum hunc universum comparare. Sed & ab *Henrico Notho* (qui *Castellæ* Regno tunc recens potitus erat) magnas ex delectu *Hispaniæ* copias comparavit, adeo ut ante bellum nobis indictum exercitum ad centena virorum millia jam paratum haberet. Deinde etiam *Bertrandum Guescannium* in bello *Hispanico* captum magno pretio redemit, & Magistrum Equitum fecit, ut nos, cum vide-

retur

retur commodum, in *Aquitania* lacefferet. Quid? an tum quicquam nobis metuendum fuit? At nihil in nos hostile ediderat, imo vero plurima amoris, & benevolentiae argumenta prae se ferebat. Siquidem quum *D. Leonellus Clarentiae* Dux, Regis nostri filius, in *Lombardiam Violettae* Ducis *Mediolanensis* filiae & haeredis ducendae causa cum lectissimo nobilium & praestantissimorum virorum Comitatu circiter *Kalendas Maias* per *Galliam* transfret, dici non potest quanta comitate, benignitate, & munificentia à Rege atque Regina acceptus sit. Deinde etiam postquam donis amplissimis ad viginti aureorum millia fuisset cohonestatus, quanta affectatio principum, ac illustrium virorum? quantus Nobilium comitatus, qui eum *Camberiam* usque (principem *Sabaudiae* civitatem) profecuti sunt? Eodem *Gallus* astu continuo usus, crebris ad Regem nostrum nuntiis & legationibus, similem amoris ardorem spirantibus, totum tempus aëstivum extraxit.

Quarum literarum & legationum summa erat, reliquum pecuniae debitae intra duos menses ad ultimum sestertertium depensum iri, seque omnes praeterea pacis articulos sanctissime observaturum esse; Vina quoque *Bohemica* generosissima, ac nonnulla alia, pretiosa dicam, an viscata munera, in autumno Regi dono dedit. Quibus sic ejus animum assidue delinivit, ut omni suspicione vacuum, & expertem redderet. Verum fidem fregit, & rebus omnibus ad bellum paratis cum ingenti exercitu nostros fines afflixit. Armare statim nos, & quanta potuimus celeritate fortissimos viros *D. Perjeum*, & *D. Nevelum* cum selecta militum manu ad *Pontini* fines &

oppida

oppida novis circumcirca præfidiis munienda mittere. In legatis autem valuit jus gentium, ut in eos Rex noluerit aliquid acerbius fieri; tantum iussit ut cum vinis, & id genus fucatis, & hamatis donis è Regno discederent, & Regi suo renunciarent eum perfidiæ, & perjurii sui pœnas brevi luiturum. Legati vero antequam ex agro *Caletensi Gessoriacum* attigissent, à militibus nostris spoliati sunt. Inde pacem à nobis *Galli* primum esse ruptam, splendide mentiuntur. Ecce autem statim è præconum concessu *Lutetiæ* nescio quis tenebrio *Burgundius* à *Carolo* missus, qui bellum Regi nostro denuntiaret. Verum eo ipso temporis vestigio *Guidones* duo, alter *Sancti Pauli*, alter *Castellani* comes *Abevillam*, *S. Valerium*, aliaque nonnulla oppida cingunt, ac nostros aditu prohibent, eodem inquam die, quo illis verisimile visum erat fore, ut bellum indiceretur. Ac dicto quidem citius aliud nuntium adfertur, Cives & oppidanos *Abeville*, *S. Valerii*, *Crotæ*, *Danæ* & aliorum complurium in comitatu *Pictaviensi* oppidorum juxta fidem (ut diximus) antea nuptiis *Caroli* datam proditorie Dominum suum mutasse, & jurasse, se deinceps in *Galli* potestate futuros, simulque eadem oppida non tam per vim quam per fraudem ac perfidiam amissa, paucos è nostris militibus trucidatos, reliquos captos esse.

Quæ cum ita sint, quid est quod in me, vel in Senatum vel in Regem nostrum isti maledici & nobilitatis invidi reprehensione dignum possunt effutire? Numquid nos militares copias præsidio non misisse? At illud ostendimus, minus verum esse. At non satis cito? Quomodo id citius fieri potuit, quando id
Rex

Rex oculis prius quam opinione, manibus quam suspicione deprehenderit? At Dux *Aquitaniæ* nuntium misit. Misit quidem, sed antea contra fidem, contra jusjurandum, vigente altissima pace peracta res erat. Quid quod ipsi quoque duci infidiæ longe antea paratæ, & magna pars *Aquitaniæ* spe devorata, quam ulla collecta aut injecta suspicio vel principi, vel Regi videretur? At firmitus præsidium (inquiet) in illis ditionibus omnia servasset. At parum profunt arma, vel præsidia foris, nisi sint intus amor & fides. Quare quum pacis nomine *Carolus* Rex involutum bellum gereret, quum fides militaris, quum promissa principum, quum tot *Syngraphæ*, & obsignationes, atque adeo Sanctissima fœderis atque jurisjurandi religio flocci penderentur, quumque populus *Pontini* Provinciæ universus, qui centum & duodecim annos (nempe ab eo die quo *Edwardus* hoc nomine primus eam provinciam in dotem cum *Helionora* Uxore sua *Alfonsi* Regis *Castellæ* sorore accepit) fideliter atque amice sub imperio nostro permanerat, nunc repente excussio omnis obedientiæ jugo ad hostes nostros capitales perfide transfugeret, quid aut cui crederes? aut quid adversus hujusmodi amicitias ementitas atque tectas proditorum infidias humano ingenio satis provisum, vel ab imminente periculo tectum esse potuit?

Accusationis Caput quintum
& sextum.

Quid hic memorem viginti libras Regi à quodam Raulentio multationis jure debitas, sed per hunc ex rationibus Regis ereptas, vel potius surreptas, adeo ut credibile sit, in ipsius usum conversas esse, aut Raulentio injussu Regio condonatas? Quid octo marcarum millia fisco adjudicata Johanni de Kirkton elargita, & à Scaccario Regis per hunc, cum Clericus esset privati Sigilli, averſa.

*Responsio ad quintam & sextam
accusationem.*

Nunc à quarta ad quintam & sextam calumni-
am, hoc est, ab elephanto ad muscas adversa-
riorum dilapsa est oratio. Nam post tot provincias
nostra (ut aiunt) negligentia amissas, & post Prin-
cipis ærarium tot millionibus librarum per nescio
quem expilatum, nunc ad viginti libras interverſas
descendunt.

Fuit (inquiunt) *Raulentius* quidam in officio pe-
cuniæ multatitiæ (cui ego aliquando præeram)
pœna centum librarum multatus, tamen octoginta
libræ tantum in ærario depensæ inveniuntur, ideo-
que quia ego reliquum pecuniæ (viginti scilicet li-
bras) homini non emulserim, illum nummulum me
Regi abstulisse insimulant.

Quod quidem nec vestro concessu (clarissimi viri)
propter exilitatem pretii dignum, nec mihi propter
malitiæ

malitiæ & fraudis suspicionem metuendum crediderim, quum tanta adversarii & tam facinorosa minitanti, tam frigida & jejuna confectentur ne omnino nihil videantur dicere. At quorsum mentio illa centum librarum à me facta est, si vel dolus subesset, vel viginti illæ libræ remissæ non intelligerentur? neque enim novum est in debitis mulctatitiis sæpe trientem, sæpe semissem & amplius, ex singulari Principis gratia condonari.

Quod si quid quærat an illa pecunia in rem meam sit interversa, spero id responsi in hoc honoratissimo cœtu sufficere, quod apud *Romanos Amylii Scauri* fuit, qui cum à Q. quodam Vario *Hispano*, in judicium vocaretur, quod socios in arma concitasset: ita pro se respondisse fertur. Q. Varius *Hispanus* *Ascon. Pædi.*
M. Amylius Scaurus princeps Senatus negat; testis *an. in orat.*
 nemo est: utri vos, *Quirites*, convenit credere? *Cic. pro M. Scauro.*

Nec dissimilem mihi litem inferunt, quod quum quidam *Johannes de Kirkton* in quædam maneria, & possessiones (quæ teneri in capite dicebantur) absque licentia Regis se intrusisset, eaque ratione redditus, & vectigalia summo jure amisisset, tamen mea persuasione Rex adductus sit, ut gratiam illi faceret ejus mulctæ legibus irrogatæ. Grave quidem crimen si consideretis, & cujus vos omnes, qui adestis in concilio, reos ausum pronuntiare. Nam quum clementissimus noster princeps in hujusmodi mulctis moderandis vel remittendis, nunquam difficilem se præbuerit, quumque preces apud illum (ut res postulabat) plurimum potuerint, quis vestrum in causa æqua & honesta tam facilem principem à summo jure ad æquitatem non permoveret?

Accusationis

Accusationis Caput Septimum.

Postremo cum Johannes Barnettus *Episcopus Eliensis* esset *Thesaurarius* Angliæ, idem Wicamus sine Regis mandato, causatus nescio quid quod in rem fisci verteretur, decem millia marcarum ex ærario sumpsit, ac per annos duos & amplius arbitrato suo habuit, ac tenuit. Cum autem tandem aliquando rationem reddendam esse existimaret, in ærarium tantummodo intulit duodecim millia marcarum, & quingentas marcas: debuiſſet autem emolumentum Regis longe majus esse, adeo ut summa universa fisco debita efficiat 27 millia marcarum.

Ad Septimam Criminationem-responſio.

Postremo quum mucronem in nos strictum in quinta & sexta criminatione sanguine imbuere non possent, ecce ut aliud isti veteratores fraudis & infidiarum diverticulum in ipso vestigio reppererint. Nam quo tempore penes *Barnettum Eliensem* Antistitem erat summi Quæstorii præfectura, aiunt me decem marcarum millia ex Thesauro Regio pro arbitrato meo absque Principis mandato desumpsisse, & ad biennii spatium & amplius detinuisse, & demum cum fœnore quidem, sed longe minore quam par erat (quod illi quasi ad viginti septem millia marcarum æstimant) reddidisse: hæc est summa accusationis; in qua spectate, quæso, quomodo primis conveniant ultima. In prima criminatione, quo malitiæ suæ commodius intervirent, liberam mihi potestatem

potestatem in omnibus bonis Regiis tribuerunt : in hac postrema, sui parum memores (at oportebat mendaces esse memores) mihi vitio vertunt, quod me Regiis pecuniis sine mandato immiscuerim. Annon evidentis calumniæ hic convincuntur, cum tam vehementer pugnancia proferunt? Quæ malum vefania est? cui liberam & absolutam aliqua in re potestatem esse tributam fateare, ei nullam omnino concessam dicere! At ego prorsus nego liberam atque absolutam aliqua in re potestatem mihi concessam à Rege qualem isti affingunt. Nego rursum me absque expresso principis mei mandato ex ærario vel unum nummum attigisse. Quid? quod illud quoque negare possum me debitum illud decem millium marcarum unquam contraxisse? Quid enim me ad corrogandum pecuniam æsque alienum contrahendum cogeret? Sed obiit (proh dolor!) qui principaliter contraxit, meque ad sponsonem debiti summo Quæstori vadem apposuit; de quo non est quod ii conquerantur, qui fidem à me liberatam, atque adeo cum amplo fœnere satisfactum Regi, confitentur. Nam quum per biennii spatium decem marcarum millia ab ærario abfuissent: rediere tandem neque otiosæ, sed bis millè & quingentis (ut ipsi asserunt) comitatæ. At majorem isti veteratores comitatum volunt, majus fœnus postulant. Majusne? O si revivisceres (illustrissime princeps) ut malleo fereo execrandos istos Judæos contunderes, qui te principem inaudita liberalitate insignem, in filium adeo durum & miserum faciunt! Filium pendere usuras patri quis vidit? Aut quenquam tam portentosas ulli mortalium pendere quis audivit? Siquidem fa-

melici isti non satis esse putant pro singulis centenis marcis, viginti quinque marcas singulis annis rependi. (quod tamen genus scænebris pecuniæ ipsam sortem quadriennii curriculo adæquaret) sed majora adhuc incrementa, nempe viginti septem millia marcarum fordide exigunt.

O foetum prodigiosum! An est quisquam, qui tam monstrosas & edaces usuras pessimo post homines natos exemplo statuerit? Videte, patres conscripti, ut in istis extinxerit pudorem audacia, æquitatem avaritia, rationem amentia; & ex hac ludificatione, & calumnia, in reliquis versuta eorum ingenia, & confutos in me dolos considerate. Nam isti *Harpyiæ* & vultures, non homines, non centesimas usuras (quo nihil impudentius) sed improbas & intolerabiles nescio quas cum Anatocismo deposcunt.

Sed missas faciamus istas insanias, rem ipsam paucis accipite ut gesta est. Quum *Aquitaniæ* Dux, summo Regis atque optimatum consensu, ad illam gloriosam legitimi Regis in Regnum suum *Castellæ* restitutionem animum adjecisset, non est obscurum plerisque vestrum illum confestim ad externum militem conscribendum centena francorum millia (quæ *Gallus* erat appensurus) à patre mutuatum esse, ac præterea ut selectas copias auspiciis tuis (*Lancastriæ* heros) ex hoc regno traduceret, decem marcarum millia ex ærario me vade & expromissore impetrasse. Cum autem his copiis victoriam ex *Hispania* omnium illustrissimam postea reportassetis, atque *Henrico Notho* profligato *D. Petrum* legitimum hæredem in Regali folio collocassetis: oblivisci non potestis tritum illud in *D. Petrum* dici cœptum esse.

Facilius

Facilius in timore benignos, quam in victoria gratos reperiri. Nam postquam Princeps *Wallie & Aquitanie* longe maximam vim pecuniæ in illam expeditionem *Hispanicam* profudisset, *Petrus* ille petra durior contra fidem præstitam ne sestertertium quidem rependit. Ex quo factum est, ut Princeps vasa sua aurea argenteaque redigere in nummos & à subditis suis tributum exigere coactus fuerit. Nec adhuc tamen quas à Rege mutuatus est pecunias præstare potuisset, (sine omni ostentatione dicam) nisi ego ut prius in satisfaciendo benevolus, ita tunc in satisfaciendo sollicitus fuissẽm.

Sed quid ista inter patrem, & filium arcana divulgo? Te, *Lancastriæ* princeps, *Castellæque* & Legionum Rex, appello, tuamque hac in re intelligentiam, ac fidem testor, annon te conscio, mea ab hoc crimine pura atque integra mens fuerit, tum etiam annon in reditu Ducis *Aquitaniæ*, quo tempore ducatu illo cessit, Rex (te præsentem) tam eum quam ejus fidejussores ab ærariis rationibus quibuscunque liberarit, & annum præterea eidem ex ærario duorum millium marcarum numerari jusserit? Itaque quod ad illud debitum principis *Aquitaniæ* attinet (quod in nos recepimus in ærarium Regis biennio post illatum iri) dico, ac confidenter dico, tam per acceptilationem Regiam, quam per solutionem à me factam utrumque nostrum penitus esse liberatum. Quod vero venerandi præsulis *Barnetti* mentio ab adversariis facta est, meque in ejus magistratu calumniantur per annos sex continuos bona Regia pro arbitrato meo alienasse, expilasse, dissipasse: hic ego ab iis quærerem quid in causa fuit, quum *Callus* bellum redintegra-

Ex Recordis
Regiis apud
Turrim.

ret, cur *Barnettus* (qui tum summi Quæstoris munus gerebat) propter angustias ærarii loco motus sit, quum ego etiam ea tempestate in summa gratia apud Regem permanerem, nec rationibus referendis obnoxius, nec levissima criminis suspicione aspersus vel notatus fuerim. Quæ omnia quum sint testata omnibus, & luce clariora, spero vos (patres gravissimi) jam plane intelligere quam falsa & ementita, plenaque malitiæ & erroris fuerint, quæ tam in prima quam in hac postrema criminatione contra me de nummis Regiis objecta sunt. Illud autem à vobis obnixè precor ut cum animis vestris consideretis, cur isti decennio fere post exacto, idque non nisi Rege meo mortuo, hæc venenata in me tela conjiciant. An non temporis magis aucupio quam causæ præsidio freti, hanc mihi amplissimi consilii offensio- nem conflare cogitarunt? Quod vero infidelitatis ac perfidiæ me arguunt (quo vitio nihil est magis nefarium) an est quisquam sanioris judicii cui se istud probaturos sperent? Non sic tu, *Lancastriæ* heros, olim putabas, cum bello *Aquitanico* implicatus me & *Johann. de Lee* Equitem auratum tuos in terris bonisque omnibus tuis procuratores constituisti genera- les: non sic tu, *Leonelle* Dux *Clarentiæ*, qui in exte- ras partes trajecturus, mihi soli bonorum omnium procuracionem commisisti: Nec sic vos, illustrissimi Principes *Edwardi* Regis mei filii, quorum omnium omnes causæ ac negotia mihi uni concreditæ fuerunt, & commendatæ? Videte literas invictissimi Prin- cipis *Edwardi Aquitanie* Ducis, tum ipsius in me amoris, tum meæ itidem erga eum observantiæ te- stes liquidissimas. Quas ego hic vobis, patres orna- tissimi,

Ex Monu-
mentis Regiis
clausula Vas-
conia an. 40.
Regni *Ed.* 3.
Francia 41.
R. Ed. 3.

Addes clarif-
simum hac de
re tum Regis
Richard &
omnium opti-
matum Reg-
ni testimoni-
um.

tissimi, eo exhibeo, ut intelligatis talem ac tantum principem, mihi tum de aliis officiis in se meis, tum nominatim propter conductam illam pecuniam, singularibus verbis gratias egisse. Videte, ac manibus tenete, si placet, illam *Edwardi* Regis mei *Chartam* quam ille quinto ante obitum die, ad *Richardum* Nepotem suum (tunc *Walliæ* Principem, nunc totius *Angliæ* Regem) in medio fortunarum mearum naufragio misit, ut ego ab illo in pristini status portu collocarer, & bona, fortunasque meas statim nulla interjecta mora recuperarem. Ex quo verisimile illud ab Ecclesiaste dictum comperio, *Cor Regis esse in manu Dei*; nec dubito quin ut dextera Excelsi Regem in illa mea in integrum restitutione direxit, ita digitus Dei, hoc est (ut Evangelista interpretatur) Spiritus Sanctus, te, Rex *Castellæ* & Legionum, vosque reliqui optimates ac Consules ad scientiæ fontem adducturus sit, ut remotis omnibus erroris nebulis veritas meæ causæ elucescat. Quid? an quicquam est quod vos adhuc dubios, & suspensos teneat, quum horum veteratorum accusatio (ut videtis) ridicula in nonnullis, in omnibus falsa à me ostensa sit; defensio vero nostra non sit abdita, sed in oculis vestris & ante pedes omnium posita? Quod si dum ego una vobiscum in consilio vixi, pure integreque versatus fuerim, si vectigalibus Regis amplificandis, non minuendis semper studuerim, si ab eo die quo meum tempus Reipublicæ temporibus transmissi, omne studium, industriam, ac cogitationem, ad principis mei dignitatem ac salutem patriæ contulerim, si Rex omnium prudentissimus *Edwardus* me non modo censuerit restituendum, sed & ipse in vita restituerit, at-

Ex Monumentis Regiis
apud turrin
Clauſ. anno
51. Ed. 3.

que expresse jufferit, ut meæ fortunæ in tristissimo meo tempore ad ipsam delatæ ad aſſem reſtituerentur, ſi vos illuſtriſſimi ejus liberi teſtes mihi eſtis, nihil mihi potius fuiſſe quam ut in omni vita vos amarem, honorarem, ac pro virili locupletare ſtuderem; denique ſi me erga aſſictos miſericordem, erga fontes ſeverum, erga omnes non iniquum præbuerim, veſtram fidem, principes atque ampliſſimi viri, veſtrum auxilium, veſtram ſeveritatem ſuppliciter ac dimiſſe imploro: fidem, ut meæ fidei ſatis vobis perſpectæ & exploratæ ratio habeatur; auxilium, ne cum fama fortunisque omnibus horum quadruplatorum libidini dedar; ſeveritatem, ut aſtere in eos animadvertatur qui hanc cauſam per avaritiam & ſcelus inchoatum, tot & tam variis ludificationibus & calumniis protraxerunt. Quod ſi eorum ac talium improbitati, & malitiæ indulſeritis, quis poterit ſartus teſtus à periculo infamiæ, ſpoliationis, capitis vivere? Quæ lux tranquillitatis eluceſcet, quum omnia tribunalia ſanctusque Senatus eorum audacia, & furoribus perſtrepent; nec illi pluris facient auctoritatem veſtram, quam fidem ſuam?

Quum innocentiffimus Antifteſ dicendi finem feciſſet, & ſe cauſamque ſuam tacitis univerſi Senatus judiciis commendaviſſet, omnem pæne fidem ſuperat, quanto pudore adverſarii ſuffuſi, ſe clanculum è turba ſubduxerint; quanta acclamatione omnes omnium generum & ordinum, integritatem Antifteſitis, & innocentiam prædicarint; illic clamor & lætitia plebis, hic vota & preces Cleri, illic bonorum omnium intam perditos accuſatores fremitus; hic malorum tacitæ obmurmurationes, ita confuſo ſono omnium

um ora & aures adimplebant, nihil ut dici neque audiri satis longo intervallo potuerit. Verum tandem silentio impetrato, postquam Senatus accusatorum furorem in hac actione intemperantia exultantem repressisset, & multa de Antistitis meritis & virtute dixisset, summa Regis voluntate, ac tam principum optimatum, quam totius Senatus consensione, idque duce *Lancastriæ* consilii præside sententias eorum vehementer approbante & laudante, absolutorio iudicio liberatus est. Et ut cæteris obrectatoribus in posterum omnem aditum obstruerent, una erat omnium sententia, ut generalis abolitio criminum, negligentiarum, ac defectuum quorumcunque diplomate Regio illi concederetur: quam quidem clementissime indulgit æquissimus princeps, idque non temere, sed adhibito consensu non unius, aut plurium, sed omnium optimatum, atque adeo totius Senatus ac concilii suffragatione. Sic enim habent verba ipsius diplomatis.

Ex Archivis
Regiis apud
Turrim Claus.
pro *Willielmo*
Episc. *Winton*
de perdonati-
one.

De gratia nostra speciali, & ex certa scientia nostra, ac de avisamento & assensu charissimi Avunculi nostri Johannis Regis Castellæ, & Legionis Ducis Lancaltriæ, nec non Prælatorum, Comitum, Baronum, & magnatum, ac aliorum sapientum de consilio nostro nobis assentientium, remisimus & perdonavimus omnino pro nobis, & hæredibus nostris præfato Episcopo Wintoniensi, &c.

Deinde quo plus ponderis, & honoris haberet illa Regalis concessio omnisque calumniandi ansa malevolis præcideretur, tanquam colophonis loco hæc verba diplomati suo Rex attexuit.

Eundem tamen Episcopum de nullis per nos sibi
(ut

(ut præmittitur) perdonatis vel relaxatis, reputamus coram Deo aliququaliter culpabilem, sed ipsum de iis omnibus, & singulis innocentem tenemus penitus, & immunem.

Præterea tam idem Rex augustus, quam Rex Castellæ & cuncti principes, & optimates adeo ardentibus studiis in ejus salutem conspirabant, ut quam ille integritatem, ac fidem tam Regis avo, quam patri præstitisset, in omnem æternitatis laudem in eadem Charta Regia describi juberent, his nimirum verbis.


Nec non revolventes oculos mentis nostræ ad grandia, utilia & laudabilia obsequia dicto avo nostro, per præfatum Episcopum Wintoniensem (graves & sumptuosos labores subeundo) retro actis temporibus multipliciter impensa, & magnum locum quem præfato Domino & patri nostro in suis agendis diversimode tenuit, & ad specialem affectionem, & sinceram dilectionem, quas idem pater noster erga præfatum Episcopum gessit, & habuit dum ageret in humanis, &c.

Quæ cum ita sint, cum adversariorum calumniis se publice liberarit, ac ita liberarit ut non Regio solum judicio, sed & unanimi omnium principum, omnium optimatum, & totius Senatus, & consilii sententia sit absolutus, & horum adeo omnium illustrissimo testimonio pronuntiatus inculpabilis, & innocens coram Deo, non minus profecto ad ejus gloriam facit falsa ista criminatio, à tot tantisque (quibuscunque demum) conflata, quam illa *Arrianorum* de stuprata virgine & de amputata *Arsenii* manu falsa contra *Athanasium* intentata accusatio: adeo ut hæc

hæc mihi altius expendenti, non ope, aut consilio humano, sed plane divinitus ad laudem sanctissimi Episcopi accidisse videantur ; præsertim quum non modo eum à facto, sed à conscientia suspicione abesse gravissimi Judices Regni pronuntiarint, plufque illi virtus sua dederit, quam malitia invidorum adimere potuerit.

Liber Tertius CAP. I.

Quam admirabili studio Wicamus ex maximis periculis elapsus, ad misericordiae charitatisque Christianae officia mentem, manusque perrexerit, &c. quemadmodum duo magnifica Collegia, alterum Oxoniae, alterum Vintoniae condiderit, ac quibus causis, & consiliis ad illa condenda, ac possessionibus locupletanda incitatus fuerit: deinde quam salutares leges, ac sancta statuta Scholaribus suis praescripserit, ut omnes hisce ducentis & octo annis tam Oxoniae quam Cantabrigiae Collegiorum fundatores formam, quam imitarentur, inde desumpserint, ejusque exemplo provocatus Rex Sanctissimus Henricus sextus duo pulcherrima Collegia, Cantabrigiae, & Etonae fundarit, & eadem, numero, disciplina, & lege constrinxerit.



*Andem Wicamus ex magnis periculorum tempestatibus in portum pro-
vectus, quum videret quantam rerum omnium copiam & affluentiam à Domino accepisset, dici non potest quanto studio se indies ad misericordiae charitatisque Christianae officia erga miseros & angustia rei familiaris laborantes praestanda exercuerit. Non enim illi cum divitiarum abundantia crescebat divitiarum fitis, neque cum plurimas possideret facultates, ab iis ipse possidebatur; sed verfabantur.*

fabantur in ejus animo cogitationes egregiæ ; meminerat ejus quod est in Psalmo, *Si divitiæ affluent, noli cor apponere.* Deliberabat etiam atque etiam quem admodum bonis, fortunisque suis legitime, honeste, ac divinæ voluntati congruenter uteretur. Ab avaritia autem, ac cupiditate tanquam omnium malorum (ut Apostolus ait) radice, sic abhorrebat, ut 1 Tim. 6. nemo unquam magis. Itaque cum Sacerdos illiberalis, ac sordidus apud eum accusaretur, quod etsi dives esset, tamen nec vicinorum calamitates unquam sublevaret, nec in pauperem quemquam sibi etiam ad pedes stratum quicquam erogaret, pronuntiasse fertur prædonem illum, & alienorum invasorem judicandum esse, dignumque qui sacerdotalibus infulis exueretur, quia proximi sui inopiæ de sua copia non succurreret.

Ex pervetusto scripto R. Hordi quondam à scriniis & archivis Episc. Winton.

Quid enim (inquit) de te, tuisque fortunis existimas? Quid est tua de pecunia & divitiis vehemens opinatio? Sacerdotem eleemosynas non largiri perinde est ac aliena rapere : esurientium (inquam) panis est, quem tu detines ; nudorum est indumentum, quod tu secludis ; miserorum & captivorum redemptio est pecunia, quam tu in terram defodis. Hac illi nobili, & heroicæ liberalitatis ac magnificentiæ mente prædito, animus in deliberando, quasi in diversas partes distrahebatur, asseribatque sæpius ancipitem curam cogitandi (ut ipse de se testatur) utrum sacra multifarum domicilia extrueret, an ædes potius hospitales in quibus gravi periculosoque morbo afflicti curarentur, conderet ac fundaret ; an vero indigentibus & peregrinis (unam enim esse Christianorum Rempublicam dicere solebat) pecuniam suam sua manu clar-

In Libro Statutorum Collegii Oxon.

giretur? Ac certe semper in ore habebat, *Pauperis manum esse quasi Dei sinum, & viscera indigentium horrea divitum esse debere.* Verum ea tempestate quæ mala ex diuturnioribus bellis, vastitate, ac pestilentia plerumque nasci solent, ea Rempublicam, & Ecclesiam vehementissime onerabant. Ac potissimum quidem inter alia bonos viros ac prudentes ita male habebat mira eruditorum hominum paucitas, ut vereretur ne Barbaries Cyclopica hanc nationem universam invasura esset, nisi Deus Optimus Maximus tantam pestem averteret. Cum igitur videret *Wicamus* non solum leges inter arma filere, sed etiam eo tempore tum in Scholis ingenuas artes conticescere, tum in Ecclesiis eruditam Theologorum vocem desiderari, cœpit viam atque rationem invenire, qua juventutis animos ad literarum studia amplectenda erigeret, & optima ingenia ad virtutem & Sanctimoniam alliceret, ut essent, qui ignorationis caliginem ac tenebras, quas superiorum temporum infelicitas offuderat, discuterent; ac *Zizania* ab inimico homine nocte, hoc est, non collucente Evangelii sole disseminata, radicitus evellerent, ac semen religiosæ pietatis uberius, ac latius spargerent, Christumque studiosissime ac scientissime evangelizarent. Itaque etsi eximia in pauperes benignitate uti nunquam intermittebat, tamen ad bonarum literarum sedes collocandas, eaque prædiis, redditibusque annuis amplificandas propensiore animi voluntate inclinabat. Ut enim Ægyptiorum spolia Israelitis usui fuerunt, sic multa ex profanis scriptoribus desumpta Ecclesiæ pastoribus prodesse; & ut pio *Abrahamo* juncta est *Agar Ancilla*, sic Philosophiam aut Jurisprudentiam esse cum Theologia

Hieronymus.

Theologia copulandam censebat ; *Moyſis* ac *Danielis* in hoc exemplo ſecutus, qui omni ſcientia *Aegyptiorum* & *Chaldeorum* eruditi fuerunt. Quum igitur hoc tum Reipublicæ utiliſſimum, tum Deo gratius certo ſibi perſuaderet fore, omne ſtudium, & curam cogitationis ſuæ ad illa duo *Oxonii* ac *Vintoniæ* Collegia condenda ac locupletanda convertit, ut in iis Muſarum ac Gratiarum domiciliis ſelecta ingenia certo numero, diſciplina, lege ſimul viverent, & ex hac ſegete ad Eccleſiæ & Reipublicæ fructum, duce & auſpice Chriſto, uberrima meſſis proveniret. Ac primum quidem cum Collegii ædificandi poteſtatem legitime impetraſſet, eaque ſuper re, diploma Regium accepiſſet, in honorem Dei ac Deiparæ Virginis primum lapidem ſuo *Oxonie* Collegio quinto die *Martii* ſummo mane poſuit, anno Chriſti milleſimo, trecenteſimo, ſeptuageſimo nono, anno Regni Regis *Richardi* ſecundi tertio, ætatis vero ſuæ quinquageſimo quinto, & conſecrationis ſuæ duodecimo. Cui quidem Collegio centum perſonarum numerum præter famulatum deſtinavit. Illic enim ſimul eſſe, aliæque ac ſuſtentari voluit ſeptuaginta ſcholares ad optimarum artium ac diſciplinarum ſcientias perdiſcendas, quorum (ut plurimum) ſexaginta plus minus eodem tempore ſociorum & nomine, & perpetuitate fruuntur ; & virum unum gravitate, doctrina & fide excellentem, qui reliquis præſſet, Cuſtoſque diceretur ; & ſacellanos decem, Clericos tres, & Symphonicos pueros ſedecim, quos vocant Choriftas. Illud vero expreſſa lege ſancitum, ne quiſquam extraneus in conviſtorem, aut commenſalem intra gremium Collegii admittatur. Hoc magnifico & præclaro

*Daniel. 1.
Exod. 3. & 11.*

Chaundelerus
in vitam
Wickami.
Heresius Cap.
1. de Funda-
tione Collegii
At vetus Re-
giſtrum Col-
legii habet.
1377.

Libro Statu-
torum



opere intra septennium effecto, & absoluto, Custos, & Scholares, ac cæteri, quos commemoravimus à Fundatore nominatim electi, primum pedem in eo ponunt hora tertia matutina decimo quarto *Aprilis*, anno gratiæ 1386, & ante omnia summi Dei præsidium suppliciter invocant, seque ac sua studia ejus divino numini publica oratione & ardentibus votis commendant. Proximo anno exeunte aliud pulcherrimum Musarum domicilium *Wicamus* (potestate ut prius rite impetrata) in australi suburbio *Vintoniæ* juxta Episcopale palatium *Wolvejeii* collocare statuit, quod Collegio suo *Oxonienſi* quasi fons & seminarium inserviret, ex cujus (ut ita dicam) utero junior alia soboles quotannis nasceretur, & in alterum Collegium decreſcentium loco veluti ad patres literarum ac Senatores immigraret. Est enim hoc illius Collegii *Oxonienſis* proprium & peculiare, ejusque statutis fancitum, ut cum cætera Collegia *Oxonienſia* in demortuorum aut discedentium locum ex scholis quibuscunque ascititios cooptare soleant, solum hoc non nisi naturales ex seminario suo *Vintonienſi* velut ex sua & propria stirpe succrescentes eligat, & electos ad se tanquam ad novam *Coloniam* suo tempore & loco deducat. In illo igitur *Vintonienſi* Collegio primum lapidem 26 mensis *Martii* posuit, anno à partu Salutis humanæ 1387, anno Regni *Richardi* secundi undecimo, anno consecrationis suæ vicesimo, & ætatis sexagesimo tertio.

Heretius in
Epitome de
vita Fundato-
ris.
Chaundelerus
in vita ejus-
dem.

In quo quidem centum & quinque numero Clericos, præter famulos, collocare decrevit: Præfectum videlicet, qui Custos appellaretur, decem perpetuos socios presbyteros, septuaginta pueros Scholares, didascalum,

dasalum, hypodidasalum, tres Sacellanos conducti-
tios, tres Clericos, & sedecim symphonicos pueros.
Dum autem omnia momenta observaret, ut, quod
cum spe magna ac mirifica præparatione exorsus es-
set, ad exitum optabilem perduceret, ecce Rex *Richardus*
multis argumentis ejusfidem, gravitatem, &
prudentiam singularem expertus, sibi propius eum
adjungere, & à cursu priore ad summa Reipublicæ
gubernacula denuo moderanda revocare instituit.

Itaque *Thoma Arundellio* Archiepiscopo tum *Ebo-*
racensi amoto, Regio jussu & optimatum desiderio
Wicamus ad Aulam reversus (quum nullus depre-
candi vel recusandi daretur locus) magnum Sigil-
lum iterum accepit 4. *Maii*, anno ab humani generis
Salute 1389, anno Regni *Richardi* secundi duodecimo.

Rex designat
Wicamum
Cancellarium
quamvis plu-
rimum reni-
tentem. *Tho.*
Walsingham.

Quo quidem amplissimo Reipublicæ munere dum il-
le per triennium perfungitur, adeo Dei singulari be-
neficio omnia & Regi secunda, & subditis tranquilla
obtigerunt, ut tempora priora in ruinis Reipublicæ
jacuisse, hanc vero *Wicami* administrationem heroi-
cam plane ac divinam diceres extitisse. Quo factum
est ut in hoc magistratu deponendo major illi difficul-
tas, quam in accipiendo voluntas fuerit. Quum ta-
men (pro ea qua erat prudentia) multo ante (tan-
quam ex speculo) prospiceret quanta impenderet pro-
cella Reipublicæ, & quam turbulenta tempestas ap-
propinquaret, quotidianis precibus à Rege contendit,
ut ab Aulicis turbis, forensique strepitu sibi liceat
discedere, idque summi beneficii loco impetrat. In
ejus autem locum denuo suffectus est *Arundellius*
6. die *Septembris* anno Regni ejusdem Regis 15.

Ex Archivis
Regiis apud
Turrim Lon-
dini.

Cum igitur *Vintoniam* esset reversus, & ædificatio-
nem

Ex antiquo
registro Col-
legii *Winton.*

nem Collegii jam antea inchoatam intra biennii spatium, aut circiter, à reditu absolvisset, virum insigni fide, doctrina, ac pietate præditum *Johannem Morisum* Custodem, ac *Johannem Miltonum* gymnasiarcham constituit, itemque reliquos ad numerum centum & quinque personarum (ut supra diximus) sua nominatione cooptavit. Potissimum autem hæc duo spectabat, primum ut Sociis, Sacellanis, Clericis, & pueris symphoniacis cultus divinus quotidie in sacratio suo publice ac solenniter procuraretur. Deinde ut illi septuaginta scholares verborum interpretationem, pronuntiandi sonum, oratorum & poetarum intelligentiam, historiarum cognitionem, & quicquid ad humaniorum literarum studia pertinet, docerentur.

Hi omnes Collegium illud *Wintoniense* (sancte ac religiose Christi numine implorato) intrant hora tertia matutina 28. mensis *Martii*, anno à partu Salutis humanæ 1393, anno Regni Regis *Richard* secundi 17, ætatis autem fundatoris 74, & consecrationis ejusdem 26. Quæ duo Collegia jam magnifice constructa & perfecta, tam præclaris legibus, statutisque fundavit, prædiisque ac possessionibus locupletavit, ut *Henrico sexto* Regi insigni pietate (qui duo amplissima Collegia ad ejus exemplum *Cantabrigiæ* atque *Etonæ* postea condidit) ac plerisque aliis ad ducentos (plus minus) annos elapsos tam *Oxonii*, quam *Cantabrigiæ* Collegiorum fundatoribus ac patronis formam, ac quasi Ideam quam imitarentur proposuissent videatur. Eos enim videmus in statutis, ac legibus suorum Collegiorum describendis tam religiosæ *Wicamice* statuta observasse, ut non solum integras sententia

tentias inde defumpferint, verum etiam eisdem pæne verbis in omnibus periodis inhæserint. Quid ? quod idem *Henricus* ad *Etonensis* gymnasii amplificationem *Wainfletum* ab *Wicamico* Collegio *Wintoniensi*, ubi ille tunc erat, una cum quinque ejusdem Collegii Sociis (ut vocant) & triginta quinque scholaribus ingenii, & eruditionis laude præstantioribus *Etonam* traduxit, ut Regii pueri *Etonenses* à *Wicamica Wintoniæ* Schola tanquam à matre primum lac fuxisse videantur.

L I B. III. CAP. 2.

De sumptuosa structura Ecclesiæ Cathedralis Wintoniæ, quam Wicamus anno pontificatus sui 28. à fundamentis erexit, & quam incredibilem præterea pecuniam in charitatis & misericordiæ officiis, tum etiam in libertatibus, & latifundiis tam Collegiis suis quam Ecclesiæ suæ procurandis insumpsit. Deinde cum Londinum ad summa Regni comitia veniret, subito in præsentia omnium Senatorum & optimatum, majestatis accusatur. Mox ab ipso Rege magno omnium applausu absolvitur, ejusque accusatores ultore capistro dignas luunt pænas. Ipse post testamentum conditum, ac codicillos summæ pietatis plenos, fidei suæ professionem reddens, octogintarius & amplius in Domino moritur.

IAm vero an horum ædificationis Collegiorum, amplissimorumque proventuum ad alendos, ac perpetuo

petuo sustentandos tot bonarum literarum studiosos acquisitiones in summa *Wicamum* difficultate nummaria non posuerunt? Annon omnes facultates illi pecuniarias adeo excussas, & exhaustas penitus fuisse credibile est, ut ad alia sumptuosa pietatis opera aut nihil aut parum admodum ei superesset? Imo vero tam incredibilis, ac (pæne dixeram) singularis elucebat in illum divini numinis munificentia, ut quo plus epoti essent fontes, eo plus scaturire viderentur, & circumfluere: *Vintoniæ* est Ecclesia Cathedralis Ecclesiæ divi *Pauli Londinensi* maiestate ferme par, venustate quidem (ut nonnullis videtur) superior. Ejus navem, & quicquid à Choro occidentem versus spectat (præter pauxillum quiddam ab *Edintono* inchoatum) *Wicamus* quadrato lapide cum duabus pulcherrimis alis, ac fenestris vitreis, ac valvis singulari artificio perfectis, à fundamentis extruxit, anno Regni *Richardi* secundi 18, Episcopatus sui 28.

Quod quidem opus tam vastæ molis, ac tam latæ magnitudinis latitudinisque si propius intueri libet, Regis alicujus opes, atque gazas in hujus unci templi structura erogatas esse credas; verum enimvero hos sumptus quamvis immensos, & propemodum incredibiles si cum aliis ejus impensis comparentur, nullos esse dixeris.

Nam ut illas admirabiles largitiones quas in decursu ætatis fecit, atque in testamento & codicillis reliquit, prætermittam: immunitates, ac libertates Ecclesiæ suæ insignes procuravit, pontes, atque vias publicas, non solum inter *Londinum* & Civitatem *Winton*, verum etiam in Comitatu *Essexiæ* à *Chenfordia Londinum* usque, aliisque plurimis in locis grandis

Ex Scaccario
Episcopi *Winton.*
ton. desumpta,
nec non ex
Registro penes
Registram
principalem
Episcopi.

grandi pecunia stravit, complures officarios & ministros Episcopatus in angustiis pecuniæ hærentes 2000. marcarum debito relaxavit. Pauperes perpetuis carceribus æris alieni nomine mancipatos, quos domestica difficultas, & angustia rei familiaris depressoerat, 2000 librarum persolutione è squalore & vinculis liberavit. Quum villici sui (quos firmarios ac Tenentes vulgus appellat) quingentas viginti libras illi pro recognitione (ut moris est) in primo cujusque Episcopi adventu debitas, ac persolvendas offerrent, liberaliter eisdem eam pecuniam è vestigio remisit & condonavit. Cum capitatio, seu tributum indictio in capita, in Parlamento in singulos homines ex censu constitueretur, *Wicamus* singulari misericordiæ exemplo ter villicos suos ab hujusmodi gravis subsidii solutione relevavit. Huc accedit, quod in ædificia, molendina, & stagna quæ ad Episcopatum spectabant reficienda viginti millia marcarum (ut ea ætate ratio inibatur) impendit; qua quidem summa ad prædictos sumptus in posterum suggerendos sedecim Maneria & *Latifundia* acquisivit (quæ sequestria centena hodie valere dicuntur) eademque hæredi suo proximo *Thomæ de Wicam* per fidei commissum reliquit. Præterea pueros etiam complures (ut ex Archivis Collegii *Wintoniensis* constat) extra eos qui in Collegium fuerant adscripti, in urbe, atque Suburbis *Wintoniæ*, qui una cum alumniis suis in Collegio instituerentur, suis sumptibus alluit. Magnæ quidem istæ largitatis ac munificæ pecuniarum profusiones, quæ *Wicamum* non solum amplissimis fortunis, ac rebus ad votum fluentibus abundasse arguunt, verum etiam heroicam mentem in divitiis recte, &

Ex Archivis
Collegii *Winton.*

honorifice collocandis habuisse ostendunt. Verum ita sunt res humanæ fluxæ & instabiles, ut prospera adversis, ac læta principia tristi exitu sæpenumero concludantur. Quotus enim quisque in eo statu unquam fuit, quem neque fortunæ inconstantia percelleret, neque invidorum labefactaret injuria? Itaque quod in omni regno, & libera civitate clarissimis Reipublicæ moderatoribus usu venisse legimus, ut aliquando vitæ, ac fortunarum discrimen subierint, idem in *Wicami* vita observandum, animadvertendumque præmonstramus, qui talia tantaque rerum humanarum ludibria expertus est, ut in tam honesto vivendi cursu prudenter instituto mirum fit tam horribiles rerum vicissitudines accidisse. Qui enim antea opibus, ac omnium rerum copia affluebat, qui in amplissimis honoribus fortunisque maximis vixerat, qui à duobus Regibus in summo totius Regni magistratu bis fuerat collocatus, is commutata temporum ratione, tres indignissimas calamitates subiit, falsique accusatus, & perduellionis arcessitus, ter in extrema fortuna stetit. Præterquam enim quod primum coram *Skipwitho* iudice, anno Regni *Edwardi* tertii 48. deinde coram consulariis ac proceribus Regni, anno Regni *Richard*i secundi primo, reus factus est, ecce an. à Christo nato 1397, & Regni *Richard*i secundi 21. in plenis Comitibus *Westmonasterii* habitis *Bysheus* quidam, unus ex triumviris capitalibus à Rege designatis, atque os militum ac Burgensium, qui tum popularem in Parlamento statum repræsentabant, primo *Glocestriæ* Ducem, & *Richardum* Comitem *Arundellæ* accusavit majestatis, quod ii ope & opera *Arundelli* pridem *Eboracensis*, nunc

Cantua-

Cantuariensis Archiepiscopi, & summi Regni Cancellarii à *Richardo* Rege anno Regni ejus 18 sub magno *Angliæ* Sigillo committi vi atque dolo malo procurassent, quo sibi cæterisque in eo delegationis diplomate nominatis fas esset in quolibet Regis subditos regalem pro lubitu exercere potestatem. Et quia in eodem scripto delegatorio nomina *Edmundi Langlei* Ducis *Eboracensis*, & *Gulielmi Wicami* Episcopi *Wintoniensis*, ac complurium aliorum clarissimorum totius Regni procerum, ac præsulum descripta invenisset, omnes illos simul ac conjunctim prodicionis, ac læsæ Majestatis reos fecit, perinde ac si illi Regem Regio imperio, ac omnium rerum dominatu despoliare statuisset. Dum istæ turbæ *Londini* fierent, ac periculum capitis *Wicamo* crearentur, quid *Wicamicos Oxonii*, ac *Vintoniæ* alumnos? quid omnes per totam diœcesim *Vintoniensem* reverendi Patris subditos egisse putas? quid? orant, jejunant, supplicant. Quid Rex? quid Parliamentum statuit? Rex ad interrogatum *Busbei*, quod ad Ducem *Glocestriæ*, ac duos *Arundellios* attinebat, comperendum censuit. At de reliquis de delegationis instrumento comprehensis scelere, eos & reatu cum omnium ordinum in illo conventu honorario suffragatione, ac lætitia, liberavit.

Quo facto non solum calamitatem *Wicamo* detraxisse, sed etiam dignitatem auxisse visus est. Quid nim ei ad immortalem nominis gloriam honorificentius evenire potuit, quam in publicis Regni comitiis coram summo Senatu, & amplissimo nobilissimum ac procerum cœtu, sententia Regia absolvi, & innocentem declarari? Itaque e vestigio Dux *Lang-*
leus

Wicamus in
Parlamento
sententia Re-
gia absolutus.

*Johannes
Stowus in an-
nalibus.*

leus & Wicamus, prostrati ad pedes principis, singularibus verbis gratias illi ingentes lacrymis permixtas egerunt, quod illius Regali Majestati, non opinione solum, verum etiam ad veritatem ita persuasum esset de illorum innocentia atque fide, quæ duo se illi in reliqua vita religiosissime præstituros ac servaturos sanctissime promiserunt, & præstiterunt.

Quid? quod etiam à die hujusmodi diplomatis, à Rege concessi, quod *Busbeus* ut surreptitium criminatus est (ut ante dixi) jam triennium fere effluxerat, neque interea temporis *Wicamus* se aliquando illis negotiis immiscuisse, aut tale in se jus, atque auctoritatem extraordinariam unquam assumpsisse probaretur? Imo cum talis potestas extraordinaria consensu & suffragatione omnium ordinum in plenis comitiis Parliamenti esset ei nec petenti nec optanti tributa, tam ab omni dominandi cupiditate, & ambitione averfus fuit, ut ab ea se penitus abstineret. Itaque ejus sceleratissimi triumviratus ne posteritas quidem omnium seculorum immemor erit, cui *Busbeus*, *Grenus*, & *Bagotus* præficiebantur, qui in domicilio superbiæ, atque in sedibus luxuriæ collocati, cuilibet quantavis Sanctitate ac nobilitate præcellenti, criminationibus suis & calumniis periculum inferre non reformidarint. Itaque ex horum verius monstrorum quam hominum carnificina & tyrannide jam tandem *Wicamus* foelicissime elapsus, ac liberatus, viso (ut est moris) & salutato Rege, cæterisque principibus, ac Senatoriis viris supremo vale dicto, reliquæ vitæ sedem *Vintoniæ* destinavit, ubi per integri cursum septennii, & amplius, omnipotens Deus usuram hujus lu-

Busbeus, Grenus, & Bagotus qui accusabant *Wicamum* læsæ majestatis.

Wicamus immunis ab omnibus intestinis & civilibus motibus.

cis

cis illi, vitamque sine ulla contentione quietam, & tranquillam largitus est, quum per cæteras totius Regni Regiones periculossime ut plurimum Respublica turbaretur, & civilibus ac intestinis bellis omnia conflagrarent. Etenim ex illo infami triumviratu ac principum virorum interneccione, quotidianaque subditorum expilatione tam hostile odium in Regem, atque invidia capitalis exarsit, ut *Henricus Dux Herefordiæ* (cui tunc exulanti Ducatus etiam *Lancastræ Johannis Gandavensis* patris sui morte obvenerat) & duo *Arundelli* Archiepiscopus, & Comitis *Arundellie* antea interempti filius in *Angliam* ab exilio conjunctis copiis reversi, omniumque fere animos à Rege per avaritiam eorum qui negotia publica ipsius nomine gererent, & improbissima ratione prædarentur alienatos esse perspicientes, & vero etiam exercitu sexagies mille militum coacto freti, aperto Marte Regem lacefferint, eumque partim fugam suorum pertimescentem, partim in angustiis positum, ad deditionem nullo negotio compulerint. Nec ita multo post Rex ipse Regni moderatione & potestate omni se abdicavit quum annum jam secundum & vigesimum & tres menses regnasset. Cum autem *Henricus Herefordiæ & Lancastræ Dux (Johannis Gandavensis filius)* paucis post diebus interjectis Regni gubernacula suscepisset, ecce divini numinis vindictam in illos improbos calumniatores *Busbeum, Grenum, & Bago-tum*; omnibus enim possessionibus & fortune quas injustissime corraferant, justissime mulctati, ultore capistro dignas suo scelere pœnas Reipublicæ dependerunt. Deinde *Richardus* quoque qui Regni ja-

Richardus
Rex per Archiepiscopum
Eboracensem
& *Hertfordiensem* Episcopum procuratores à se constitutos per publicum resignationis instrumentum in Parlamento lectum omni Regni potestate se orbavit 13.
Octob. 1399.

ctura

Rogerus Hor-
dus. Tho. Vaj-
seus.

etura vitæ usuram se redempturum sperarat, non diu post vixit, sed vitæ dubius, quum ipse vim in proceres ac principes viros intentarat, eam nunc (licet reliquiis Regii nominis major reverentia deberetur) in se acerbissime retortam sensit. *Wicamus* interim ab omnibus hisce turbulentis comitiis, & arduis Reipublicæ negotiis, utriusque Regis permisso vacationem nactus, & jam quasi *Rude donatus* reliquam vitam (ut commodius ad cœlestem immortalitatem aspiraret) Ecclesiæ suæ curationi rectionique dabat, & nunc Dioecesim suam (ut potuit per ætatem; erat enim is corpore magis quam animo senex) visitando lustrabat: nunc orphanorum & viduarum solitudini, atque inopiæ præsidio erat, gravesque pauperum calamitates facultatibus suis sublevabat: nunc duo Collegia sua, pulcherrima videlicet bonarum artium domicilia, quæ *Oxonii* ac *Vintoniæ* collocaverat, amplificare, & ornare pergebat. Quia vero deliria potius quam testamenta judicabat, quæ nonnulli in articulo mortis & interclusi spiritus angustiiis, vocibus interruptis, ac morientibus conficiunt, ille tabulas testamentarias ante aliquot lustra conditas in medium proferri iussit. In quibus (Deus bone!) quæ pauperibus & egenis, quæ singulis parochiis per universam provinciam, quam Dominus ei aministrandam dederat, relicta inveniuntur? ut taceam, quæ consanguineis & propinquis moriens legavit, quæque bonarum literarum studiosis, fidelibus famulis, viduis egestate laborantibus, hominibusque in carcerem & custodias inclusis in codicillis largitus est. Nulla fere erat Ecclesia in tota Diocesi, quam ille non amplis donis, & egregia munificentia

munificentia dotaverit. Ad hæc Regi etiam suo, cujus perliberalia & cumulata beneficia in se & Collegia sua fenserat, legatum non contemnendum, quod esset *μνημόσυνον* suæ in illum observantiæ reliquit. Quæ quidem legata, & dona pietatis (ut ex Archivi fidelissimis constat) ad 6270 libras æstimata sunt. Reliquum vitæ tempus in eleemosynis, jejuniis, precibusque, ac meditationibus quæ ad sempiternam vitam pertinebant, protrahebat, nec ullum punctum temporis, ne tum quidem quum alterum pedem habebat in sepulchro, intermittebat, quin verba vitæ & cœlestis Oraculi vel publice vel privatim quantumvis debilis, & languescens audiret.

Ex Monumentis *Lambeth.*

Quod ad ejus fidei professionem attinet, in uno Deo, & ejus filio Jesu Christo generis humani redemptore, ac liberatore se spem omnem suæ salutis ponere, palam testatus est, idemque aliis faciendum; nec tutelare subsidium aliunde expectandum, ex verbo Dei sæpius in vita edocuit. Deinde quum sibi jussu summi Imperatoris de præsidio ac statione vitæ videret decedendum, nec amplius per ætatem munus officii exequi & tueri posse, ita se adhibuit, ut in extrema vitæ perfunctione insita pietatis, & constantiæ insigne specimen daret. Nam valedicens seculo, & à propinquorum, atque amicissimorum circumstantium corona aversus, tam oculis, quam inanibus ad cœlum erectis, ductisque ab imo pectore suspiriis, misericordiam misereantis Dei implorare perseveravit, ac non tanquam moriturus, sed velut de peregrinatione ad patriam, velut à morte ad vitam, velut à servitute transiturus ad gloriam, ut citissime posset dissolvi, & esse cum Christo suppliciter sanctissimam

Cicero de senectute.

simam Trinitatem exoravit, ac in plena fide Catholica moriens, post modici temporis intervallum reddidit summo Deo spiritum, anno Christi 1404. anno Regni *Henrici* quarti sexto, & ætatis suæ uno & octogesimo, videlicet in anno suo Climacterico maximo, qua quidem ætate divinum illum Platonem philosophorum principem obiisse legimus.

L I B. III. CAP. 3.

De funere, ac sepultura Wicami, nec non de moribus ejusdem, atque excellentibus animi dotibus brevis narratio: deinde diluuntur quinque per contumeliam in eum objecta, nimirum quod ne mediocriter quidem erat doctus, quod erat servilis conditionis, quod per secreta confessionis Philip. Reginae reserata, ducis Lancastriæ nativum statum in questionem vocavit, quod in gratiam sui principis, & ad bona Episc. temporalia fisco adjudicata opera meretricis Alisæ Peresæ restitutus est, quod exilio multatus in exteris partibus aliquot annos hæsit, quibus omnibus nihil mendacius.

Illud suggestum *Hornus* Episcopus, ne nihil in Episcopatu suo fecisse videretur, ad aliam Columnam transtulisset.

Mortui vero corpus in *Sacello*, quod ipse plus decennio antea in navi Cathedralis Ecclesiæ *Vintoniensis* una cum cum præclaro suggesto ad cultum & honorem prædicationis Evangelii ad australem columnam extruxerat; honorifico & egregio sepulchro impositum est. Ad diei autem supremi celebritatem tantus concursus nobilium atque omnium

nium ordinum dicitur extitisse, quantus maximus post hominum memoriam uspiam visus est; pauperum vero, & egentium quantum urbs universa & suburbia capere difficulter potuerunt: quibus omnibus tanta largitio facta est, ut (quod hoc genus hominum raro agnoscit) abunde sibi satisfactum existimarent. Luctus tamen etiam post tempus luctus illis continuus. Alii lumen & ornamentum Reipublicæ, alii decus & gloriam Ecclesiæ, alii præsidium literarum, & bonorum perfugium ademptum esse gravissime conquerebantur. At qui rem non sensu humano, sed salute æterna metiebantur, non putabant ejus mortem tam impotenter ferendam esse. Sic enim cogitabant, satis eum & sibi vixisse & gloriæ, amisisse vitam at non perdidisse, amisisse animam sed potitum esse cœlo, tenebras reliquisse ut ad lucem, homines ut ad Deum accederet.

Itaque quis mortem lugendam esse censeret quum immortalitas consequatur? Fælicitatem illi in vita (si qua sit in rebus humanis) longe maximam nonnulli tribuerunt: cæterum eam non tam fortunæ (ut vulgus imperitorum existimare solet) quam divino beneficio, quod virtutibus illius favebat ascribendam. Neque tamen negari potest, in secundissimis temporibus quædam illi adversissima accidisse. At hoc ejus laudis erat quod quemcunque casum fortuna invexit, moderate & quiete tulit. Is enim erat, qui nec rebus secundis inflari, nec adversis dejici posset, ex quo fortitudo, & tres ejus Comites, excelsi animi magnitudo, patientia, & rerum humanarum contemptio clarissime in eo relucebant. Cum summa gravitate summam comitatem atque humanitatem

ita conjunxit, ut se affabilem omnibus, familiarem paucis præbuerit. Nihil porro expetendum putavit, nisi quod esset cum laude & honestate conjunctum: denique in omni vita erat continens, natura benignus, religione pius. Non illi luxus Asiaticus, non Sibaritiæ aut exquisitæ mensæ, sed epulæ Præsule Christiano dignæ, & Evangelii lectione, doctorumque sermone magis quam coquorum artificio conditæ. Nam quod eum quidem humanitatis, & literarum expertem putarunt, ex eo forte quod Doctoratus laurea nunquam insignitus fuerit, aut quia in Basilicis, ac Castris principis accurate condendis aliquando versatus sit: certe qui sic scripserunt aut senserunt, toto (ut dicitur) cœlo errarunt. Nam ut illud omittam quod liberalibus disciplinis cum *Vintoniæ* tum *Oxonix* fuerit instructus, & in mathematicis evaserit doctissimus, certe non est verisimile Regis vel Sacellani vel Confessorem Theologiæ fuisse imperitum. At is & Sacellanus Regi, & Confessor fuit, & (si *Thomæ Vasseo* credimus) divinarum literarum scientissimus. Deinde alia ejus munera amplissima percurrito: An tantorum Regni negotiorum multitudinem, magnitudinemque eum obire potuisse, aut tot immortalitatis laude digna confecisse, sine bonarum literarum adjumento credis? Magnum est in Republica tueri personam Consilarii, ac Senatoris: at præsidis consilii, & principis personam in senatu sustinere, num tu existimas quemquam literarum expertem posse? Magnum nomen, magna dignitas, magna majestas Cancellarii sicuti præfecti prætorio apud Romanos qui ejusdem erat authoritatis, & potestatis. Quid? an tu sine literis, & ingenio hoc munus

Tho. Vassens
in vita *Wicami*.

Budeus, Tirac-
quellus, Sala-
minius, More-
lius.

munus præstari, aut explicari posse putas? an probabile videtur eum à duobus Regibus illo amplissimo magistratu dignissimum fuisse judicatum, & tamen indoctum, & indisertum fuisse? Cum in summo totius Regni concilio (quod Parliamentum vocatur) nobiles illi, & dynastæ qui septentrionales Regni oras incolunt, subsidiariam pecuniam Regi (ut moris est) suffragiis populi tunc concessam sibi adjudicari vehementer flagitarent, quod ipsi Scotorum & crebras incurfiones impedirent, & hostiles conatus reprimerent, & repentinos impetus frangerent, quis obsecro hujus rogationis dissuasor extitit? homo scilicet obscuri loci, aut terræ filius nescio quis, inops & ab amicis, & ab existimatione, sine virtute, sine ingenio, sine arte, sine literis, in centuriatis comitiis omnes omnium ordinum in suam sententiam perduxit?

Annales Stow.

Quid animi fuisse putas *Richardo* Regi quum *Wicamum* anno Regni sui septimo una cum *Courtneo Cantuariensi* Archiepiscopo *Oxonium* contra virum acerrimum *Johannem Wicklesum* mitteret? An mediocris eruditionis, & ingenii esse oportebat, qui (quod ille ibi præstitit) dissentientes in religione opiniones conciliaret, & tam celebrem & acutum virum suspectæ fidei redargueret, & ex Academiæ finibus exterminaret? Quid hic commemorem ejusdem literas ad utrumque Collegium suum graviter & accurate scriptas? quid præceptiones doctissimas quas ille ad Monachos suæ Ecclesiæ reformandos singulari libro complexus est? quid illas salutare leges, & sancta jura ab eo eleganter conscripta repetam? quibus juventutem *Wicamicam* variis disciplinis deditam apte regi & gubernari, & quasi politiam literariæ Reipub-

Ex Registro
Lambeth.

licæ constabiliri voluit? cum in illis describendis non solum cæteris fundatoribus primus lumen ingenii accenderit, viamque regendi præmonstrarit, verum etiam tam aptis & significantibus verbis exprefferit, nihil ut vel ad necessitatem plenius, vel ad utilitatem accommodatius, describi, aut descriptis addi posse videatur. Negari certe non potest, divinam in eo fuisse ingenii vim, ac singularem sapientiam cum summa doctrina conjunctam.

Quicquid igitur obganniant contra eum Episcopomastiges, erat *Wicamus* ingenii & literarum gloria nulli, aut saltem paucis suæ ætatis Episcopis inferior. Sed atrocissima videtur esse in manes illius amplissimi viri injuria, quod nonnulli servilis conditionis ei labem aspergunt. Tantum autem abest, ut id planum faciunt, ut ne argumenti quidem quicquam, aut probabilitatis adferant. Si quæris quibus instrumentis antiquis, quibus idoneis testimoniis nitantur, tacent; ac sane cum tacent, clamant nihil horum esse, quod proferre possint. Si sciscitaris cujus eum fuisse servum velint, obmutescunt, quasi is fuerit *Wicamus* ut non referret cujus esset. At illius peculium non sane ita fuisse contemnendum videtur. Veruntamen illius dominum nemo omnium mortalium viderat, aut de nomine noverat. At (fortasse dixerint) vindicta suo Prætoris recessit, aut aliquo modo manumissus est. Rursum quæro quod prius, ubi sunt literæ, tabulæ, acta forensia, aut instrumenta ulla, quæ fidem faciant? Rursum urgeo, ac flagito, quis fuerit Dominus à quo rem tam inæstimabilem nactus sit? Hic etsi nihil dici potuit vere, fingendum erat aliquid saltem commode. Manumissus est? à quoquo tempore? quo loco? quis libertatis adjutor, aut servitutis deprecator fuit?

fuit? certe nesciunt prorsus, & tamen servum fuisse innuunt. Multa sunt falsa, quæ tamen argui suspiciose possunt. Hic profecto perspicuum est ne tenuissimam quidem suspicionem esse. Quid? num ejus vultus, gestus, color servilis erat? Num serviles mores? Num fervile ingenium? Imo hæc, & alia quæ erant in eo multa (ut libro primo ostendimus) ingenuitatem clamitant. Quid? Num virtus, quæ semper & ubique libera est, in hoc viro servilis erat?

Denique si nihil causæ reperiatur, cur servus fuisse existimeretur, tamen ne maledictum istud ex trivio arreptum non conticescat. Ego certe causas reperio gravissimas, cur eum ita liberum fuisse judicemus, ut ex majoribus ipsius nemo unquam servitutem serviisse videatur. Si enim secus esset, an ad ipsius stirpem, ac genus tot honestæ familiæ, tam nobiles viri genus suum referrent, deque ejus cognatione tanquam pro aris, & focus dimicaret? An *Sibylla*, quæ *Wicami* mater fuit, cum esset clarissimi viri *Strattoniæ* Domini proneptis, servo homini nupisset, præsertim cum jure hujus Regni partus non sequatur ventrem, sed patrem? An *Gulielmus Bowdus* antiqua nobilitate armiger, ejusdem *Sibyllæ* pater tali eam in matrimonio collocasset? Præterea si servo patre natus esset *Wicamus*, an *Alicia Perotti* vidua *Thomæ Wicami* Equitis aurati mater in summo ad communia placita (ut causidici nostri loquuntur) tribunali se ejus cognatum, & hæredem tantopere asseverasset, præsertim quum servus genus & cognationem legitimam non habeat? Quid? an ad Episcopatum *Wintoniensis* Ecclesiæ, si servus fuisset, aspirare voluisset electione potius, quam postulatione? sane incredibile

bile est. Nam ipso jure electio fuisset nulla. At Episcopus canonice electus ille, non postulatione creatus est.

Postremo quum inimicitias nobilium, ac magnatum subiisset, atque in iis potentissimum hominem *Lancastriæ* Ducem adversarium haberet acerrimum, neque hic tamen, neque eorum quisquam ejus splendorem servitutis macula respergere, & ad eum labefactandum hanc adhibere machinam unquam conatus est. Quare fileat posthac maledictum istud immane, & à tanti viri nomine ac genere prorsus avertatur. At pecuniæ amplificationem objiciunt; quasi amplificatio rei familiaris nemini nocens, reprehensionem jure incurrat. Verum ei multitudinem dignitatum, & beneficiorum Ecclesiasticorum vitio vertunt. At id vitium erat temporis, non hominis.

Tum non tanta erat copia doctorum hominum qui tot ac tanta præmia mererentur. Constat enim ea tempestate in Academiis non ita multa Collegia viguisse, sed hospitia quædam literaria fuisse, & (ut vulgo appellantur) Aulas, in quibus etiam intestina illa inter septentrionales & australes discordia, & successio complurium scholarium *Stanfordiam* non mediocre humanioribus Musis vulgus intulere. In tanta igitur eruditorum paucitate, tanquam ingentibus præmiis ei hominum generi constitutis certe sacerdotiis, bonisque fortunæ ad votum fluentibus abundavit, eorumque adjumento liberalissimus magnificentissimusque fuit. Nam quid tam liberale, tam magnificum, tam Regium, quam Ecclesias, & Collegia, hoc est, Dei ac Musarum sedes condere? ut nihil dicam de incredibile illa pecunia quam per annos

annos quadraginta continuos in pios usus erogavit.

Neque vero de penu tantum & pecunia eleemosynas dedit (quod genus eleemosynam corporalem vocant) sed de cordis etiam thesauro, quæ quidem eleemosyna spiritualis est, eaque longe major ac difficilior, ut ait *Augustinus*. Omnibus remisit à quibus læsus fuerat; ita ut recte de eo dici possit, quod *Julio Cæsari* tribuit *Tullius*, nihil illi effluxisse è memoria præter injurias. Testatur hoc constans & perpetua ejus erga *Lancastrium* benevolentia, & fides. Nam quamvis ejus & opes, & fortunæ, & fama, & existimatio, *Lancastrio* dominante, tum, quum *Edwardus* Rex languesceret, in extremum fuissent adducta delictum, tamen ab eo die, quo *Richardi* Regis opera & auctoritate reconciliatio gratiæ inter eos facta est (neque enim Rex sibi diadema prius imponi voluit, quam id esset effectum) nullum in *Wicamo* exulcerati animi indicium, nulla malevolentiae scintilla apparuit. Sed ad unum & viginti annos continuos (totidem enim postea *Lancastrius* vixit) fideli, ac vero amore conjuncti permanferunt. Atque hinc fane qui irreconciliabile odium *Lancastrii* in *Wicamum* fuisse scribunt, vel erroris vel mendacii convincuntur. Odii vero causam dum adjungunt, quid aliud agunt, quam ut suam audaciam patefaciant & impudentiam? Commiscuntur enim *Lancastriæ* ducem partum fuisse supposititium, idque à *Wicamo* fuisse divulgatum. Sic enim unum ex alio commentum nectunt, *Philippam* Reginam *Edwardi* Regis uxorem *Wicamo* Episcopo per confessionem nescio quam in aurem insufurrasse, *Johannem Gandavensem* (quem ducem *Lancastriæ*

Ivo Carnotensis de eleemosyna lib. 2. Aug. lib. 5. homiliarum ad finem homiliæ 6. distinct. 45.

Cicero pro Ligario.

Johannes Stowus in Annalibus, & recorda Civitatis London.

Reconciliatio facta inter Ducem *Lancastriæ* & *Wicamum* per Regem *Richard.* ante ejus Coronationem.

vulgus appellaret) non *Edwardi* Regis, sed *Teutonici* cuiusdam filium, locoque infantulæ *Edwardi* filiæ à se suppositum extitisse. Et ut populo placeret, quam fecissent fabulam, addunt præterea eam Episcopum confessorem suum obnixe rogasse, ut si *Johannes* ille *Gandavensis* filius *Edwardi* Regis putativus vel regnum appeteret, vel deleta Regia sobole jure hæreditario capesceret, hoc ille primoribus Regni indicaret.

Quod quidem Episcopum contra præscriptam secretæ confessionis legem fecisse aiunt, & hoc, hoc est in quo serio triumphant, eumque sacram auricularis confessionis ceremoniam polluisse arguunt. Verum ne quis hujus criminis confictione in errorem deinceps abducatur, rem penitus introspiciamus, ac diligenter explicemus, num verisimile, aut credibile sit quod narrant. Ac primum quidem *Philippæ* Reginae, quæ hanc fraudem machinata dicitur, vitam & mores consideremus. Mulierum enim summa improbitate, ac projecta audacia fuisse oportet, quæ virum suum sic eluderet, ac circumveniret. At in confesso est, *Philippæ* Reginae sanctitatem, quasi lumen aliquod, omnium opinione eluxisse. Hoc omnes annales recentes, hoc monumenta vetustatis loquuntur, hoc ex professio confirmat *Frossardus* omnium historiographorum fidelissimus his verbis.

Frossardus.

Et asses test elle rendit son esperit sequel ie croy fermement que les saintes anges ravirent, & emportèrent in la grand joye des cieus car ongues en sa vie ne fist, ne pensa chose parquoye elle se deüss perdre.

Dominus
Barnettus Ba-
ro interpres
Frossardus.

Quod insignis Baro Dominus *Barnettus* ita vertit Anglice. And anon after she yielded up the Spirit, the which I believe surely the Holy Angels received with great

great joy up to Hebræen: for in all her life she did neither in thought nor deed, doe the thinge whereby to loose her Soule as far as any creature could know.

An hæc vita, hæc virtus, hi mores conjugalem pietatem fraude inexpiabili violarent? An in talem fæminam tam excellenti ingenio & sanctimonia præditam cadere posset, contra jus naturæ, impie, ac nefarie filiam suam trucidare? Si enim primo hujus calumniæ auctori credimus, ea quem non peperit, aluit, quam peperit, occidit. Verum si ita res gesta esset, an non Rex ipse, quem magno animo, & Regio spiritu fuisse constat, talem in uxore perfidiam acerrime vindicasset? At fortasse non norat. Cur igitur affirmant, rem omnem ad Regni proceres fuisse relatam, ac publice in summo omnium ordinum conventu patefactam? An quod omnes norant, Rex ignorabat? At audierat quidem, sed non credebat. Noluit ergo Episcopum tantæ injuriæ auctorem ulcisci? utrumque profecto incredibile est, vel tam sceleratam in uxore perfidiam, vel tam atrocem in Episcopo injuriam Regem ferre potuisse. Cum igitur Rex & uxorem, & *Wicamum* summa semper benevolentia sit persecutus, falsum hoc crimen esse, & commentitium necesse est. Præterea si tantæ ignominia notam *Wicamus* tanto Principi inurere conatus esset, proculdubio inimicitia inter eos fuisset immortalis: ac *Lancastrius* actionem injuriarum (nec injuria) ad viginti millia librarum in eum instituisset. Quin etiam omnes Regis liberi tam insignem injuriam matri suæ, & fratri illatam, in se redundare judicassent. Verum abfuit hujusmodi iniquitas, & injuria à moribus & natura *Wicami*, abfuit ab ejus prudentia plurimum. Quod autem *Lancastrius* per duos fere annos animo

fuit in eum offensiori, id accidit partim ex odio, quod propter illam in superioribus comitiis injuriam sibi illatam susceperat in universum clerum, partim etiam (ut ingenue fatear) ex vehementi propugnatione *Wicklefi*, quem ille contra Episcopos mordicus defendebat. Itaque recte *Harpisfeldus* in Historia illud de supposito Reginae partu tanquam fictum, & commentum rejicit, ac nullibi nisi in Monacho *Albanensi* reperiri scribit. At hic spectra, quæso, quorundam ex nostratibus historicorum fidem, qui, ut commentum hoc triplicem auctorem præ se ferret, quasque tripliciter Cerbero communiretur, Chronicon illud *Albanense* nunc *Flori* historiarum, nunc *Radulphi Polycronico* appenderint. At (inquit *Harpisfeldus*) *Thomas Walsingham* in historia *Neustriæ*, & *Chaundeletus* nihil hujusmodi asserunt, nec alii quidem manuscripti codices, qui res gestas ejusdem pontificis describunt, nec ullus alius in quem hactenus incidi.

Tho. Walsingham, Chaundeletus, Tho. Vassius, & Heresius id figmentum non habent. Quamvis res gestas *Wicami* scripserint.

Hæc ille. Quare si *Philippa* Regina in omni vitæ cursu singulari tum erga Deum pietate, tum erga maritum fide, caste integreque vixit, & duodecim liberos ex Rege peperit, & in iis *Johannem Gandavensem* cum primis & charissimum filium, materno amore semper complexa est, si idem *Gandavensis* propensa in *Wicamum* voluntate per annos fere quadraginta fuerit, (biennium illud excipio quo in Clerum universum iracundia, & stomacho graviter exarsit) si nec ex actis curiæ Parliamenti, nec aliis monumentis Regiis, nec annalium factorumque commentariis ejus ætatis, aut seculi vicini (uno Monacho anonymo duntaxat excepto) ostendi possit tam absurdam ac nefariam confessionem vel à Regina editam, vel à *Wicamo* in vulgus

Quo nomine Monachus ille *Albanensis* censetur non occurrit.

vulgus patefactam esse, certe nulla ratione videtur posse defendi, quin impudens sit, qui hoc commentum asserat, & impotens qui credat.

Ejusdem formæ calumniam instituunt, cum à Rege *Edwardo Wicamum* non virtute sua sed ope meretricia bona Episcopatus (ut vocantur) temporalia recuperasse fingunt. Sic enim in vulgus spargunt, & disseminant.

Regi jam ægroto, ipsaque senectute confecto, semper aderat, atque ministrabat quædam femina Alicia Peers, quæ Regi languido & infirmo obsecuta, majorem quam ipse dux cum Rege iniit gratiam: hanc præsentî mercede, & uberiori promissa spe Wicamus adduxit, ut a Rege restitui sibi ablata Episcopatus jura, tam quæ ante percepta, & in fisco reservata essent, quam omnia prædia procuraret; quod illa, invito Duce, continuo impetravit.

Hæc *Acworthus*. Sed ego nisi mentiri velim, iis assentiri non possum. Nam præterquam quod tam gravis contumeliæ infamia tantum principem jam tot annos mortuum aspergi pudet doletque, quod porro de pontificis pactione cum *Peresia* narrant, ab omni veritatis colore ac specie plane abhorret. Quid enim *Wicamo* commercii cum *Peresia*, quæ omnibus Episcopis, & pudicitiae patronis acerrimum bellum indixerat? Quid spei in ejus fide reponi potuit, quæ nullum habebat pudorem, aut fidem, iisque præterea se adjunxerat, qui ab *Wicamo* ejusque familiaribus erant alienissimi? An quemquam latet, aut fugit illa *Peresia* cum *Lancastrio*, *Latimero*, *Perceo*, & *Stireo*, aristissimi foederis conjunctio? Quid, annon hi omnes, una ab Aula expulsi una redierunt in gratiam Regis,

Alia calumnia circa restitutionem *Wicami* ad bona Episc. temporalia.

Monachus *Albanus* prius finxit, nuper *Baleus* & *Fox* idem repetunt, nec non *Acworthus* in vita *Sadburei*, & eorum errorem secutus *Johan. Stowus* in annal. fol. 432.

Ipse *Stowus* eodem folio. pag. 1. in fine.

Idem annales
referunt &
historia *Wal-*
singhami.

Vide ipsas li-
teras Regis
apud *Turrim*
London clau-
sula de an. 51.
Ed. 3.

Prim. Parl.
Paten. an. 1.
Rich. 2. data
31. die *Julii*
an. Regni sui
primo.

Vide ipsa ver-
ba diplomatis
in quo assen-
sus Ducis
Lancas. & a-
liorum de
consilio Re-
gis quater ad
minimum re-
petita.

Verba ipsius
Acworthi.

ac communicatis postea consiliis tam in *Wicamum*,
quam in *Martie* ac *Warwici* Comitem, cæterosque
summos *Wicami* fautores lævierunt, operasque mu-
tuas tradiderunt? Ab hac igitur inimicorum suorum
amica auxilium petiit *Wicamus*? profecto non est
credibile. Verum hic omnem prorsus dubitationem
tollit Chartæ Regiæ formula, quæ causas illius resti-
tutionis complectitur, & tam Duci *Lancastriæ* con-
sensum, quam omnium optimatum, & consiliariorum
Regis assensum, in ea concedenda adhibitum esse, di-
sertis verbis ostendit. Atque etiam sequitur in calce
hæc subscriptio. *Per ipsum Regem & consilium*. O
inignes calumniatores, & chartarum publicarum
maliciosos interpretes, qui, quod instrumenta Rega-
lia per sanctum Senatum fieri asserunt, id per impu-
rum scortum factitatum prædicant. Num Scortum,
& consilium istis idem sonant? Quid? quod ipse *Ri-*
chardus Rex, quo omnis posteritas à charissimo Avo
suo rem ita gestam esse intelligeret, statim ab obitu
Avi eandem *Wicami* restitutionem diplomate speciali
confirmavit & amplificavit, quum jam *Alicia Peers*
se in fugam cum sua peste, ac pernicie convertisset,
quumque (ut verbis utar ipsius diplomatis Regii) *Jo-*
hannes Rex Castellæ & Legionis, Dux *Lancastriæ*,
nec non Prælati, Comites, & Barones magnates, ac
alii sapientes de consilio Regis illi assisterent, & as-
sentirentur. Sed pergunt porro & *Wicamum præ-*
senti mercede, & uberiori promissa spe pellicem eam
pellexisse aiunt, ut, invito *Lancastrio*, omnia Episco-
patus jura à Rege restitui procuraret, quum contra
Rex in præsentia Ducis *Lancastrii*, omniumque de
sacratione consilio aliam causam impulsivam resti-
tutionis

tionis eorundem clarissimis verbis reddiderit, nempe se *Liberalitate Episcopi ex promissione in difficultatibus suis atque Regni adductum fuisse*, ut ea bona restitueret. Deum immortalem! quænam est ista veneranda vetustatis adulteratio, & Regalium monumentorum constupratio? Superest alia adhuc quæstio in *Wicamum* ventilata, an ille aliquando exul, & extorris à solo patrio fuerit? Sunt enim, qui eum integro septennio, alii triennio exulasse opinantur, nec minore infamia & cruciatu affectum, quam quum cives Romani à suis diis penatibus exterminarentur, vel quum aqua & igni iis interdiceretur. Mihi vero rem altius expendenti, & ipsius vetustatis & commentariorum Regiorum penetralia, data ad hoc opera, persecutanti, verius videtur nunquam eum ex numero Civium excisum fuisse, vel à patrio solo exterminatum. Qui contra assèrunt, velim mihi respondeant, quis tandem iudex eum exilio multaverit, & an relegationis pœna, quæ est ad tempus, an deportationis supplicio, quod est in perpetuum affecerit? sane Judicem nullum nominare possunt. De tempore, & loco vel sententiæ hujusmodi latæ, vel exilii tolerati nihil certi habent, in vado hærent. De septennali vero proscriptione certe plus quam ridiculum est somniare; quum nec illa *Lancastrii* simultas ultra biennium nec Regis offensio ultra semestrem spatium duravit. Veritatem si spectemus, sic se res habet. Certus est iudex à *Lancastrio* ad omnia Episcopatus bona fisco adjudicanda Regio nomine designatus, nempe *Gulielmus Skipwithus*, ut testantur Annales; certum est tempus quo is iudicium illud infame pronuntiavit, terminus *Michaelis*, anno Regni *Edwardi* tertii 50. certa

Patet in memorando in rotulis Cancellariæ irrotulatæ. 18. Junii anno Regni Reg. Ed. 51.

certa est & definita condemnationis formula, cujus præscriptum, non exilium, sed amissionem solummodo bonorum Episcopatus temporalium continet. Sed & ipsi iudicis condemnationi restitutio à Rege concessa optime in iis quæ diximus quadrat. De exilio ne verbum quidem nec in ipsa sententia Iudicis, nec in diplomatis, & Chartis Regiis. Quid? quod *Thomas Talus* in antiquitatibus *Cantuariensis* Ecclesiæ, & Recordis *Lambethæ* plurimum versatus, solebat non minus vere quam acute dicere, nunquam à quopiam mortalium ostensum iri *Wicamum* ab ulla Synodo ea tempestate abfuisse? Recte quidem. Quum enim illi periculum in Hilarianis comitiis immineret, naufragii universi anno illo fatali Regni *Edwardi* tertii 50. eumque *Sudbureus* Archiepiscopus *Cantuariensis* ad synodum vocare reformidaret, ita vehementer eum desiderabat Clerus universus, ut ejus præsentiam ab Archiepiscopo tantum non extorserit. Itaque & vocatus interfuit, & suffragium tulit. Non igitur tum exul (ut isti insimulant) erat, ac summa Capitis diminutione affectus. At quam tandem causam prætexebat tum temporis *Sudbureus*, quare eum ad Synodum non evocaret? An quia, ut exul, in exteris partibus delitesceret? minime: sed quia fuisset interdictum ei, ne ad Aulam accederet, aut intra viginti ab ea milliaria. Quid? hancine exilii pœnam? hoccine proscriptionis supplicium vocant? An vero, idque fortasse probabilius, quia *Heresius* scripsit *Wicamum* sub initium imperii *Richardi* ab *Exilio miseræ* & angustiae reversum fuisse, ideo exulem fuisse creditum? At id non re ipsa, sed per metaphoram erat exulasse. Sed missas faciamus hæc infanas fabulas

In Parliamento an. R. 3.
Ed. 50. Hilarii *Wicamus*
ex generali criminum
abolitione (quam perdonam vocant)
exceptus est.

Chronicon
Albanum.

Heresius in
dicta epitome.

bulas, & ineptias, & mutato cursu transeamus ad ram illam, & incredibilem virtutem, quam omnes (quamvis ore essent durissimo) *Wicamo* etiam tum, quum spoliatus opibus, & senatoria potentia esset, tribuebant, & nunc etiam adversarii ejus tribuunt, prudentiam nimirum civilem, & vivendi artem. Cujus quidem virtutis laudem in *Wicamo* præ cæteris excelluisse, vel ex eo (ut cætera argumenta taceam) apparet, quod in tam turbulento rerum statu, in tot nimirum Regni, Regisque difficultatibus, ac intestinis motibus, & perditorum hominum furores fregit, & invidorum sceleratas machinationes superavit, & (quod majus est) omnium ordinum suffragatione in amplissimis Regni Comitibus anno Regni *Richardi* Regis 10. ad supremam illam potestatem tredecimviralem una cum aliis clarissimis & prudentissimis totius imperii proceribus electus, triennio post ab ipso Rege ob singularem rationem atque prudentiam Reipublicæ gerendæ Cancellarius Regni designatus est, ac passim ut in domestica re laudem, ita in publica honorem reportavit. Circumferuntur de eo multa sapienter, & egregie dicta, nempe, *Mores efficiunt virum*, Anglice, *Manners makes man*: Itemque illud, *Nusquam est dignitas, nisi ubi est honestas*: Similiter, *Satius est ut unus pereat, quam ut unitas*. Quumque illi in Aula aliquando objiceretur, quamvis *Wicklesum* ex Academia *Oxonienſi* profligasset, tamen succrevisse postea etiam in ejus novo Collegio quasi filios posthumos, qui novas opiniones *Wickleſi* imbibissent, sic respondisse fertur: Absit ut ego tantum perpussillo ædificio meo arrogem, ut sælicius sit quam Arca *Noæ*, Gen. 9. ubi tamen inter homines octo unus reprobus inventus

Storvus in animalibus.

Hordus & Vasseus.

In oratione *Oxonie* habitata ad *Wickleſiſtas*.

R

est;

Genes. 21.

aut melius sit, quam domus *Abrahami*, cui dictum est, *Ejice ancillam, & filium ejus*. Et quis tandem sum ego (inquit) ut in centum meis unus aut alter non impingat, quum in Apostolica illa Diaconorum electione unus in hæresim prolapsus fuerit, & in electione Domini unus ex duodecim Apost. degeneraverit in Judam proditorem? Quum quidam ex ejus alumnis *Oxonii* coram eo populari & assentatoriâ concione auditores oblectasset, acriter eum fertur reprehendisse, & affirmasse, dispensatorem mysteriorum Dei non palponem, non adulatorem esse debere: horrendam enim blasphemiam esse coram Deo, quando (ut Psalmista ait) *Laudatur peccator in desideriis animæ suæ, & iniquus benedicitur*. Quid ego dicam de moribus ejus facillimis, de pietate in parentes, liberalitate in consanguineos, gratitudine in amicos, justitia in omnes? Et quidem matrem ad annum usque sexagesimum, patrem vero ad annum octogesimum octavum (tot enim annos uterque vixit) plurimum amavit, coluit, honoravit.

Tho. Vassens
invita *Wicami*.

Nec vero vel dignitatis suæ amplitudine, vel humili conditione patris sui unquam adduci potuit, ut mirificam in eum pietatem aliquando intermitteret. Eum enim matri suæ superstitem, ætate confectum, & luminibus captum quotidie solebat invisere, suppliciterque precari, ut ab eo paternæ charitatis benedictione lustraretur. Ac certe ut parentes vivos sic etiam mortuos singulari honoris genere prosecutus est, & in cœnobio *Thichfeildienfi*, non procul ab oppido quod *Wicham* appellatur, in Sacello ad id accommodato honeste sepeliri curavit. Erat autem animo in omnes de ipso bene meritos gratissimo, ut re ac factis

Ex veteri Registro Episcopi *Winton.* nunc penes Colum. Registr. ibidem.

factis luculenter ostendit. Cum enim *Southwici* Cœnobiarcha illi, dum in studia magnarum artium incumberet adolescens *Oxonii*, pensionem annuam quinque librarum dedisset, grata memoria id beneficii longo intervallo recolens, Cantoriam ibi quinque Presbyterorum instituit. Cumque in memoriam revocaret quot quantaque beneficia ab *Edwardo* Rege accepisset *Windeforise*, ut in locum ipsum, quem Rex maximis honoribus affecisset, gratus judicaretur, penes Butilerum illius honorandi Collegii Decanum ejusque Collegas trecentas triginta duas libras ad sustentanda onera Collegii, ac in perpetuum charitatis pignus in Ecclesiam *Windeforiensem* impendit. Sic Ecclesiæ *Lincolniensi*, quæ multis honoribus & dignitatibus eum ornatat, vasa nonnulla aurea & argentea, celata, insigni artificio fabricata donavit. Quid in consanguineos, quid in amicos erogaverit, quid attinet dicere, quum illis possessiones, & Latifundia amplissima, his summa apud principem munera, & officia acquiserit? In *Nicholaum* autem *Uvedallum*, cui omnia se debere putabat, adeo gratus & benignus fuit, ut non modo ipsum quoad vixit admirabili benevolentia complexus sit, munificeque adhibuerit, verum etiam ad ejus posteros, & omne *Uvedallorum* nomen tam *Hameldonii* quam *Waltamiæ* in Provincia *Southamptoniensi* aliquid liberalitatis suæ transfuderit. Ejus vero immensum justitiæ colendæ studium, tacitus præterire nullo modo possum. Cum enim in nonnullorum invidiam incurreret, quod illorum petacibus literis, & clientelis in judicando non obsecundaret, *Si hominibus placerem* (inquit) *Christi servus non essem*. Et quamvis natura magis ad lenitatem, quam

Ex veteris monumentis in Col. *Windefor.* vide chartam visitat. *Johan.* Archiep. *Ebor.* Cancell. *Aug.* celebrat. ibidem 22. die mensis *Maii* Anno. 1431. Ex Regist. *Lincolniens.* Episc. Ecclesiæ.

Ex adversariis *Harriſi Wind.* Prebendar. idem ex Commentariis *Lelandi.* Ad *Gallat* 1

ad severitatem esset propensus, & pulcherrimam vitæ supellectilem amicos esse duceret, tamen cum personam judicis induisset, gratiæ & amicitiae expers habebatur, & in sceleribus vindicandis inexorabilis. Sed video me studio Fundatoris in altum efferri. Itaque ut vela contraham, ad illa duo Collegia ab eo *Vintoniæ* & *Oxonii* fundata convertam oculos & in illis acquiescam. Quamvis enim ille ex aliis rebus gestis fatis amplam segitem gloriæ paratam habuerit, tamen ego sic statuo, hæc ei fuisse præcipua laudis insignia, ornamenta honoris, & monumenta gloriæ, quibus non solum acquisivit, verum etiam conservavit memoriam nominis sui sempiternam. Hinc enim quædam literaria quasi Respublica constituta est, quæ non *Oxonii* solum in Collegio illo, & Academia *Oxonienſi*, sed etiam per omnes Regni oras fulgentes radios suos dilataret, essetque porro seminarium sacerdotum in oppidis atque pagis Episcoporum, in Civitatibus Judicum ac accessorum, in tribunalibus Secretariorum & Cancellariorum, in consiliis principum, &, non uni tantum ætati sed sempiternis seculorum ætatibus profuturum: quod quidem hisce annis ducentis rerum usus comprobavit. Ac faxit Deus Optimus Maximus (ardentibus votis precor) ut ad Ecclesiæ fructum, & Reipublicæ *Anglicanæ* utilitatem, eadem dignitas & gloria, quæ est veræ virtutis fructus, in omne ævum duret ac propagetur.

F I N I S.

Box
2051.
W99
M38
Martyn, T. -
vitam ac res gesta
Histi

Martyn, T. - Historica descriptio

PONTIFICAL INSTITUTE OF MEDIAEVAL STUDIES
59 QUEEN'S PARK CRESCENT
TORONTO-5, CANADA

21797.

